

6x8



EX LIBRIS
WILLIAM HARRIS ARNOLD

M 12.83

in the Blenheim Library

145-0

*Autograph Signature
and Motto of
Ben Jonson
on the Title Page.*



John Carter Brown
Library
Brown University



1810 July 27, London. Brewster.




tanquā Explorator

CL. VERDERII PERIPETASIS

EPIGRAMMATVM VA-
riorum latius oratione soluta
expressorum:

*Eiusdem Bombycum metamorphosis, Ecloga cui
titulus Aphtarques, & alia Poematia.*

Ad clarissimum virum Antonium Verderium Dominum
Vallispruacæ & Luriaci, Regis Consiliarium, Æra-
rij apud Lugdunenses Antigraphæum,
patrem suum colendis.



Su Ben: Jonsomj

PARISIIS,
APVD MATHVRINVM PREVOST,
Sub scuto Veneto, è regione D.
Ioannis Lateranensis.

1581.

6
AD MUSAM SVAM,
vt nectat coronam patri.

PImplæa dulcis, poscere quid, cupit
Vates: alumnum feliciter tuum
Audi petentem nec Babylonias
Gargas, nec alma, te, feracis
Sardinia segetes: coronam
Nectas parenti floribus impetret
Pulchris.comatus tempora Cynthus
Donare digno munere, laurea,
Musis amicos consuevit.
Qui tibi, Musa, placent & ipsi
Phæbus, sorores hunc diligunt tua
Quid commoraris tardius? hinc moras
Propelle, cordis dimidium mei
Gratare, passim versibus te
Persequitur, veneratur atque.



PERIPE



PERIPETASIS

EPIGRAMMATVM

VARIORVM LATIVS

oratione soluta ex-
pressorum,

AVTORE CLAVDIO VERDERIO.

Ad Patrem præfationis loco

EPIGRAMMA I.

*Succensere caue, uersus ut legeris istos,
Continet haud doctos si mea charta iocos.
In promptu est ratio. Lapsis Heliconæ diebus
Cum peterem, exhaustus fons erat ille sacer.*



Onsilium, tum bellicis expeditio-
nibus, tum pacificis, tum publicis
negotiis, tum priuatis: cum etiam
& omnibus rebus subeūdis con-
ferre plurimū (chariss. Pater) no-
tius quidem est, quàm vt huic rei cōfirmationis
neruos adhibere necesse habeam, vt ea demum
rectè acta iudicētur quę gesta sint, & prudenter,
& consulté. Quo argumento probè dixerit So-
phocles, rationē humanis & actionibus, & ope-
ribus omnibus, alimentum suggerere, eaque à
cōsiliis existere, non à manuum robore & in-
dustria confecta manare,

Γινώμαι μὲν ἔργων τῶν ἐν ἀνθρώποις προφοί,
βαλαὶ τὰ δὲ ἐξέφραξαν ἐ χειρῶν θένος.

Quo porro est Ciceronis illud referendum? Parua sunt arma foris nisi sit consilium domi. Hæc tua de bellicis rebus sententia, Marce Tulli, Quid quaeso habes de domesticis dicere? Audiamus hominem dignum certè & fide, & silentio. Domus inquit ea quæ ratione regitur, omnibus est instructior & apparatior rebus: quàm quæ temerè administratur. Et cum eodem ut dicamus. Omnia melius accurantur quæ consilio reguntur: quàm quæ sine consilio administrantur. Istæque demum rectum inire consilium, mehercle, censeri debet, qui quoties quid agit, aut quidpiam agendum præmeditatur, perscrutatur, atque diligenti voluit examine, quæ ratio actionibus in sit suis. Nam ut ait Aristoteles, omnis actio est ad finem aliquem referenda. Nec nobis vlla quidem obesse ratione potest, quod idem, de iis quæ sunt ad finem, non de fine ipso, consilium esse commemoret. Consilium enim vocemus trutinam, examen & considerationem, quæ si talis sit, qualem præscribimus, esse non poterit inutilis. Etenim sic ad Lucilium Seneca, *Scire debet quò petat qui sagittam vult mittere, & dirigere & moderari manu telum: similiter ignorans quem portum petit, nullus ventus est suus.* Ne itaque (ut nec ab eius doctrina sumus alieni: sic nec ab eiusdem verbis desectamus) errent consilia nostra, quia non habeant quò dirigantur. Habebis breuiter rationem instituti mei. Hæc autem

tem

EPIGRAMMATVM.

tem duplex est : quarum sic habet prior. Præterquam ad virtutem, & literas, me vehementer excitant tuæ ipsius virtutes, magnæ sapientiæ coniugatæ & connexæ, tua ipsius tot diuersa volumina, Prosopographia, Variæ lèctiones, Respõsa Bartholomæi Tagij, Gallica Bibliotheca, in Aristophanis Plutum cõmentarius, Imagines deorum, qui ab antiquis colebantur, ex Italico Gallicæ expressa, ac alia permulta quæ simul ex tuo Museo manibus omnium euoluenda prodierunt, & prodibunt tuæ virtutis diligentia, doctrinæ, & eruditionis, literatis omnibus & studiosis specimen attulerunt, imo planè declarauerunt. Præter hæc inquam priuatæ tuæ cõmonitiones (paternam tamen, licet familiares, auctoritatem redolentes, nec quicquam ponderi grauitatis amplitudinis tuæ detrahentes) quibus me frequenter vltro spontèque currentem impellis, vt solent parentes, docti præsertim & studiosi, (qualis profectò es) passæ non sunt me lento turpique correptũ veterno desidiosum iacere. Hoc itaque opusculum elucubraui. Quid, inquam, elucubraui? Imò tempore confabulationibus, iocis ludisq̃ deuoto condidi, ne quid à studiis quibus serius incumbendum arbitrarer, quidquam detrahi paterer, vt si prorsus expectationi tuæ non respondero, eam saltem omni ratione fallere, & tanquam eludere non videar. Parentibus enim familiare est & propè insitũ, suis optare liberis, vt suam, quãuis plerũque nequeant, (exemplũque in prom.

ptu est, quod ego ipse præbeo) perfectionē superent. Hectoris est hæc deprecatio pro Astyanacte, quam tradit Homerus, ad Iouem habitam & reliquos cælestis curiæ præsides. ô Iupiter, cœlitésque, obsecranti mihi concedite, vt meus iste filius, par mihi ducatur, animi magnitudine & robore corporeisque viribus. Date Troianis vt imperet. Date vt me pietate longè prædicetur insignior.

Ζεῦ ἄλλοι τε θεοί: δότε δὴ καὶ τὸν δὲ γενέσθαι,

Παί δ' ἔμμε ὥς καὶ ἐγὼ περχειπρεπέα φράσσω

Σὺ δὲ βίην αἰθέρα καὶ ἰλίε' ἱφιδάσσειν,

Καὶ ποτὲ τις ἐπὶ ῥήσι πατρὸς, δότε, ἐπὶ ἄλλον ἀμείνων.

In dubium reuocare nolim (charissime pater) quin ita sis erga me affectus. At quando ne minimum quidem possum tuæ perfectionis attingere, ne dicam assequi, satis mihi fuerit si negligentia nomine carere meus me faciat labor, meque amico in literas animo censuerit, tua prouidentia, in iudicando equitas & clementia. Ab instituto quoque nostro alienum non est, vt matris meæ, sponsæ tuæ vxorisque charissimæ, ac reliquorum consanguineorum & amicorum nostrorum, qui vita cesserunt, funera condoleamus, ac memorem, prout & debeo, & facio, me præstem propensumque meum in eos animum explicem tibi, quem dum Deus optimus superstitem mihi conseruauit, omnibus me cumulauit donis. Iterum diutissimè conseruet obsecro. Eorum idcirco Epitaphia ad calcem habebis, quos Deus amet, velim & suo habeat in sinu & complexu.

complexu. Hæc summa. Tu si nihil in iisce nugis boni reperiis, excusationem excipe, quam superiori Epigrammate sum complexus. Veteribus enim tanta ciborum fuit auditas, vt nulla suis posteris edulia, aut fercula apponenda reliquerint, si quos fortè excipiendos habeât. Tanta fuit eorundem sitis, vt penitus sacrum illum Hippocrenes fontem exhauferint. Quod Petrus Ronsardus queritur fufius & copiofius in Elegia quadam ad S. Genes. A quo non difsonat illud Terentij, nihil dictum quod non fit dictum prius. Vale, & in legendis iis bona tua venia vtere & pace.

Καίπερ καὶ εὖ ᾠδᾷ σέβει.

De eiusdem Bibliotheca Gallica.

Cur tibi tot passim, Philomuse, uolumina queris?

Hoc tibi cunctorum, si legis, instar erit.

Nam congesta tenet Gallorum scripta uirorum

Omnia, nec Phœbus tot Palatinus habet.

*In quendam sese præferentem mihi
generis causa.*

Sit tibi nulla mei generis contentio, namque

Præstas: attamen es nobilitate minor.

Ex magni Pallas fertur Iouis orta cerebro,

Fertur & illa meum progenuisse patrem.

Non est obscurus, supremis notus & imis,

Sic repeto (notum est) à Ioue principium.

In alium itidem generis præstantia tumentem,

Ponis in efficta genitoris imagine laudes:

Et sic est similis prorsus imago tibi.

Quid genus & proavos? quid nomen inutile iactas?

Ta o, quidquid habes nobilitatis, ineſt.

Referre plurimum exiſtimaui ſemper ortum ſuum à claris & minimè obſcuris parentibus reperere, vt huic ſententię planè annuit, imò aſſentitur Cheroneus ille Philoſophus & hiftoriographus Plutarchus, qui floruit ſues inter beoticas per naturæ quoddā quaſi miraculum, innumera enim ignobilitatis opprobria conſequuntur eos, qui aliqua macula perſincti ex parte parentū ſunt, eaque deleri nulla ratione poſſunt: quinimo eos per omnem vitæ curriculum comitantur: ſuntque in promptu maledicis omnibus & cōuitiari volentibus. Nec verò hæc tantum habet, ſed & verſus recenſet ex Euripide, à re minimè alienos: quibus apertum eſt liberos fœliciter, & proſperè degere non poſſe, ni iacta ſint bene ſui generis fundamenta:

Ὅταν ᾗ κρητὶς, μὴ καὶ ἄβληθῇ γένος.

Ὅρθως, ἀναγκὴ διυſυχεῖν τὰς ἐκγόνους.

Pulchrum igitur libertatis theſaurum nobilitatem, exclamat Plutarchus καλὸς οὖν παρρησίας θή-
κυρος ευχεται. Quis nescit eos quorum effectum eſt & adulterinum genus, ab omnibus aſpernatos perſæpè abiici, perſæpè proſterni? Quàm bene Poëta cecinit conſcientiam malorum, aut paternorum, aut maternorū fortes alioqui & præſtantes viros in ſeruitutem trudere.

Δελοῖ γὰρ ἄνδρα καὶ θρασυπλῆγνος τὶς ἢ

Ὅταν συμειδῇ μητρὸς ἢ πατρὸς κακὰ.

Quemadmodum contra implentur iactatione & taſtu, qui claris orti ſunt parētibus. Qua quidem

dem in re non minori cautione vtendum est. Qui enim laudibus obstrepūt parentum, sibi ipsi sunt vituperio, si ab eorum præclarè gestis declinent, atque desistant. Laus enim generis parentum tota est non sua. Quod, hercle, latini cothurni facilè princeps Seneca expressit in Hercule furente,

Qui genus laudat suum aliena laudat.

Aliena? Quorsum? Respondet Elegiacus Metamorphoseon 13.

Nam genus & proauos, & quæ non fecimus ipsi,

Vix ea nostra uoco.

Exigua certè res est parentū imaginibus obniti, & propria nulla virtute præstare. Quod qui faciunt nihil ab imaginibus ab insigni quodam statuuario effectis differunt. Qua collatione utitur Cælius, sed non solus opinor: nam & Horatius iis versibus, illis recantatis, qui ne quidem Æsopum triuerunt, eandem inter easdem res facere videtur,

Quamuis pontica pinus

Syluæ filia nobilis,

Iactes & genus & nomen inutile

Nil pictis timidus nauita puppibus

Fidit,

Non sum nescius quin alludat hoc loco Lyricus ad pictas Troianorum naues in Italiam nauigantium: attamen nihil interest, quo minus, generis cum pictura comparisonem hinc liceat colligere. Porrò cōgruunt maximè idola cum iis qui nulla virtute imbuti, nedum tincti præstātia ge-

neris inflantur, & tument ampullarum instar. Etenim illa speciem referunt hominum, nec hominis quicquam habent: Item ij parentum suorum nomina dumtaxat referētes, externamque aliquando speciem virtutes eorum non sectantur, à quibus nobilitatem suam, & non aliunde reperebant. Quod alienum est ab animo generoso & nobili, & à vera laude, quæ nescio quomodo ab huiusmodi hominibus indagetur ubi non est. eam enim ut fugit neminem, virtutis præmium veteres cōstituerunt, non generis.

*Proh superi quantum mortalia pectora cæcæ
Noctis habent!*

— *Quantum animis erroris inest!*

Aureis characteribus dignam sententiam protulit Sophocles in Aiace flagellifero.

Ὦν ἀγχιπὸς ἀγχιπὸν τοῖς καλῶς πεφύκοσι.

Quam Horatius ita expressit ad verbum versu eorum ultimo Odes 4. lib. 4. Carminum quos hic recensendos mihi visum est.

*Fortes creantur fortibus, & bonis
Est in iuuentis, & in equis patrum
Virtus: nec imbellem feroces
Progenerant aquilæ columbam:
Doctrina sed uim promouet insitam,
Rectique cultus pectora roborant
Ut cūque defecere mores,
Dedecorant bene nata culpæ.*

Iphicrates Cerdonis filius, genus obiiicienti sibi & exprobranti Harmodio respondit acutè, non minus quàm prudēter, nobilitas quidem in me
si qua

si qua est, à me ipso sumit initium: at generis tui
splendor extinctus in te vno est. Magna demū
ea laus est Ciceroni quàm de se ipse prædicat,
vt Hannibal apud Lucianum, nullis parentum
suorum laudibus & meritis in remp. Romano
populo cōmendatum, ad summum hon orum
verticem virtute & diligentia conscendisse,
quippe qui non in incunabulis, sed in cāpo sit
Consul creatus. Hæc habet secūda oratione pro
lege Agraria: *Nulli populo Romano pro me maiores
nostri spoponderunt, mihi creditū est à me petere quod
debeo, meipsum appellare debetis. Quēadmodum cum
petebam nulli authores generis mei me vobis commen-
darunt, sic si quid deliquero, nulla sunt imagines quæ
me à vobis deprecentur. Hic laudi tribuit quod ferē
reliqui homines vituperio duxerunt. Nō possum ta-
cere quæ super hac re dicit Satyricus Aquinas:
quamuis sit tritum & peruulgatum?*

*Stemmata quid faciunt, quid prodest Pontice longo
Sanguine censerī, pictōsque ostendere uultus
Maiorum?*

— Nobilitas sola est atque unica uirtus.

tum paulò pōst,

Sed te censerī laude tuorum

Pontice noluerim

Et rursus,

Libera si dentur populo suffragia, quis tam

Perditus, ut Senecam dubitet præferre Neroni?

Et huius rei est Ætiologia apud Ouidium 1. de
Ponto Elegia penult.

*Non census nec opes, nec clarum nomen auorum,
Sed probitas magnos ingeniūque facit.*

Sit

Sit itaque sola de moribus sollicitudo, cui genus est perobscurum,

Vt quantum generi demat uirtutibus addat.

Verum generi quid potest adimi? Quid profectò non video, cum omnes ab vno fonte profluamus, ab omnium parente scilicet Adamo, aut si lubet altius repetere, à summo rerum omnium opifice Deo. Quod probè sciebat grauißimus & Philosophicus ille autor Seuerinus Boetius.

Omne hominum genus in terris

Simili surgit ab ortu,

Vnus enim rerum pater est,

Vnus cuncta ministrat.

Mortales igitur cunctos,

Edit nobile germen.

Quid genus & proauos strepitis?

Si primordia nostra

Authoremque Deum spectes,

Nullus degener extat,

Ni uitis peiora fouens,

Proprium deserat ortum.

Et hæc quoque fuit Homeri sententia, qui dicit omnes à Ioue esse hospitesque mendicosque,

ἀπὸ Διὸς εἶσι καὶ ἀπαιεῖς

ἔρνοί τε πτωχολοί τε

Meminit Cælius quoque Rhod. lib. 20. cap. 27. sequentis historiarum: non tamen iisdem verbis. Herodes sophista Alcimedonti libertino suo mandauit, atque adeò edixit, ut Regillam uxorem suam ob mediocre quoddam facinus necaret. Itaque hominis imprudentia congestis in
vterum

uterum plagi, mulier non ferens impetum,
partu præpostero & immaturo animam effla-
uit. Nam fœtum gestabat mense à conceptione
octauo. Cædis reus agitur Herodes, & Brædeas
Regillæ frater, eidem diem dicit coram senatu
Romano. Vt autem ad iudicium ventum est, li-
tem habēs, de tribus capellis videbatur bellum
sonare Mithridaticū: nihil de causa dicebat, to-
tus in ostentatione nobilitatis generis sui ver-
sabatur. Herodes igitur hoc in eum dīctērium
facere iaculatus est. In Astragalis nobilitatem
gestitas. Quasi vellet, eum nihil aliud habere
nobilitatis, quàm inanē quandam & odiosam
generis sui ostentationem. Alludens, opinor, ad
lunulas quas veteres nobiles gestirabant in cal-
ceis. Lycurgum solitum dixisse fertur Spartha-
nis hominibus. Quid prodest ô Lacedæmonij
ortus vestri rationem & initium sumere ab Her-
culis nobili semine, nū de iis cogitaueritis, qui-
bus ille summus hominum euasit? Huc referen-
dum est Iuuenalis illud,

Malo pater tibi sit Tersites dummodo tu sis

Acacida similis Vulcaniæque arma capeffas,

Quàm te Tersite similem producat Achilles.

Quibus ad extremum perductis Epigrammatis
superioris veritas per sese manifesta est.

Ad quendam Aleatorem.

Cvm tibi subsiliat damnosa canicula sæpè,
Cur inter ludos tessera sola placet?

Ne ludas, quamuis bene cesserit alea, nimios

Noli pro modico perdere mille lucro.

Aleam esse reprehendendam multis quidem rationibus corroborare possemus: sed duas tantum omisis reliquis, adscribam in praesentia. Altera est quod iaciendo tesseras nec vis mentis exercetur, nec opus est corporis viribus, nec vlla denique industria. Eam ob rem legibus verita est alea: quemadmodum contra mirificè colebantur qui victores euadebant in iis ludendi generibus in quibus esset opus consilio, arte, & virtute. Vnde refert Athenæus Alexandro cuidam Spheristæ, sic, opinor, ob ludendi modum artificè appellato, erectam fuisse statuam sumptibus publicis, quòd melius Spheram (quam latini pilam dicunt) moueret, quàm quiuis alius. Quid illius mortem cōmemorem lætitiæ pœnitus immerfam, cui cum tres contigissent liberi, vno eodémque die victores olympicorum certaminum iudicati, ita exultauit lætitia, vt spiritus cachinnāti defecerit? Quosdam recenset Crinitus in tesserais instructiores habitos præ cæteris. At certè nescio qua ratione cubos ita quisquam hominum in manu moderari valeat, vt profiliant semper ad libitum: neque video quomodo arte & industria possit regi res hæc quæ sit valde obnoxia varietati fortunæ. Deinde malum esse ludum illum coniicio quod ab hominibus omni deliciarum & vitiorum genere affluentibus & redundantibus sit inuentus. Cùm superioribus congruunt quæ refert Publius.

Aleator

Aleator quanto in arte sua est melior tanto est nequior. Et aleæ quisquis author fuit, is nõ rem voluptuariam, sed perniciosam commentus est: ideóque vetita est legibus alea. Plato cum discipulorum suorum aliquem aleæ nauantem operam comperisset, cum carpsit quàm accerbissimè, cui cum subiecisset adolescens, Quid me carpis ob tam exiguum facinus? Exiguúme quidpiam tibi consuetudo videtur? Plato dixit. De consuetudine vero suo loco. Aleam esse Lydorum inuentum manifestum est ex Athenæo, Plutarcho, & quoad recentiores ex Cælio Rod. cap. 14. lib. 20. lectionum antiquarum. Vbi molities Lydorum est in aperto, & vt ita dicam, in aprico. Sed quid ego hunc profero? Sufficies ipse mihi (chariss. pater) ea parte Variarum lectionum qua *γυναικῶν* Lydorum *ἀγῶν* recenset Omphalésque laudas virilem animum tãtę turpitudinis vlttricem. Lydorum quidem inuentum ait esse Rod. quo tamen pacto inuenerint, ille tacet. Hoc me docuit Plutarchus ἐν τοῖς ἡγεμένους παραγέλλμασι, quo loco narrat Lydos in maxima frugum & denique ciborum omniũ inopia, incubuisse talis, alternis diebus, vt huic studio dediti, non cogitantes de cibo, facilius hanc in ediam perferrent. Eius hæc sunt verba, Τὰς μὲν δὴν λυδοὺς ἐν τῷ λιμῷ λέγεισι διεξαγεῖν ἡμέραν παρ' ἡμέραν τρεφομένους, εἴτα παίζοντας καὶ κυβέροντας. Hæcenus hæc de alea.

De

De vitanda ira.

IRa parit rixas, rixas sua damna sequuntur,
 Nam mala rixa pouet funera, bella, truces.
 Iurgia fac uites quantum poterisque, uoletque
 Fortuna, ut uites funera, bella, truces.

Cum habeant relationem inter se causa & effectus, postquam de alea sermonem instituimus ab hoc loco nō est alienum de ira verba facere.

Ludus enim genuit trepidum certamen & iram,
 Ira truces inimicitias & funebre bellum.

Ira igitur est sanguinis ebullitio circa cor, ubi propria sua sedes est: quēadmodum ὁ θυμὸς in cerebro & ἡ σπλῆν in hepate: qui sanguis cum sit in triplici ratione, fit quoque ut triplici modo simus ad iram procliues. Quibus enim sanguis inest subtilior mediocritatis terminos excedunt atque transiliunt: quibus autem crassior, tardius aut nunquam excandescunt: quibus inest medius, animum possunt regere & irasci quando fas est, in medio tamen consistentes: nec enim dum irascuntur mentem propterea compescere desistunt, quod non est perexiguum: namque oportet irasci quibusdam in rebus, ut ait Arist. Ethic. lib. 3. cap. 4. Vnde etiam est illud peruulgarū, Irascimini & nolite peccare. Ideoque hominē eum non dixerim qui nunquam accendatur ad iram: quanquam eos reprehendit Sophistas Cicero 4. Tuscul. qui ebrietatem & iram animi vocant ardores, & virtutum cotes, id enim diuersa ratione profert, quia nec
 semper

semper irascendum est, nec vehementius, neque ira virtuti potest quidquam vnquā addere. Dicat quantumvis Ouidius,

Quaslibet infirmas adiuvat ira manus.

Non virtutem tamen. Verū interdum irasci permittitur & debemus. Idque sic sequenti ratiocinatione cōprobamus. Omnibus omnium Philosophorum familiis receptum est Deum & naturam nihil in vanum fecisse. Et contradicere, esset certè erroneum & impium. At se res aliter haberet si non liceret irasci, manerétque functionis expers ea pars animæ quæ *θυμὸν* dicitur. Verū in ea modum excedere nemo debet, veluti nec in cæteris. id enim febrem inducit corpori non modò, sed etiam & animo, vt enim Tusculana quarta, quomodo est in corpore morbus, ægrotatio, sic vitium in animo. Iram autem febrem corporibus inducere notum est: & ratio est facilis, febris videlicet ex nimio calore procedit & eodem cōnutritur: Itaque cum calor iræ sit alumnus, fit vt eo per venas distento, atque adeo per totum corpus, febris oriatur. Vnde & febris à feruendo latinis dicta est, & *αὑπέρτης* Græcis ἀπὸ τοῦ πυρὸς. Porro quod animum labefactet, patebit ex Ouidio qui tertio de Arte amandi, postquā eximiam hanc tradidit sententiam,

Candida pax homines, trux decet ira feras.

Sic ira percitum describit,

Ora tument ira, nigrescunt sanguine uenæ,

Lumine gorgoneo lenius angue micant.

Tum Cicero i. de offic. Licet ora ipsa cernere iratorum, quorum vultus, voces statúsque mutantur. Atqui ut est apud perfectissimum illum stoicum Senecam, qualem putas animum, cuius extra, imago tam fæda est: Imo & hoc dicam iratos plurimum visus deperdere accedentibus opacis propter bilem vaporibus, ut vtrinque cæci remaneant oculis corporis orbati quibus intellectus fertur ad exteriora, simul & animi luminibus destituti consilio, prudentia, & earum moderatrice optima ratione, quibus omnia percipiuntur: sint licet longè dissiata, externa, interna, infima, suprema, media, minima, maxima, mediocria. Nihil æquè prodesset iratis quàm iræ incommoda simul & deformitatem intueri: nā facies turbatior pulcherrima fædat: toruos vultus ex tranquillitate reddit: denique linquit decor omnis iratos. Quòd si quis sibi velit iræ similitudinē effingere, cum igneo flatu Cerberum intueatur, Megeram, Thysiphonémque, & Alecto contempletur serpentibus capillatas, iramque sibi persuadeat esse talem, & quemadmodum se ipsum ab illis abhorreere cernit: sic hæc illi sit odio terrorique tanquam malorum multorum causa, qualem Horatius hanc demonstrare videtur inductione ab eius effectis petita, dicens:

*Ire Tyestem exitio graui
Strauere, & altis urbibus ultimæ
Stetere causæ cur perirent
Funditus, imprimerétque muris,*

Hostile

EPIGRAMMATVM.

19

Hostile aratrum, exercitus insolens,
tum subiicit valde bonum consilium,

— *Compesce mentem.*

Quod idem recantat in Epistolis.

— *Animum rege, qui nisi paret*

Imperat. hunc frenis, hunc tu compesce catena.

Singulare item erit remedium lenitudo, si verum illud est quod aiunt, contraria nempe curari contrariis. censebat enim Bias, iram & festinationem opponi è regione consilio, & perinde moræ. Si enim ut placet Euclidi, quæ in aliquo tertio conueniunt, inter se quoque congruunt: non erit difficilius ea quæ eidem tertio repugnant, inter se aliquo modo conuenire, quod si conueniunt discrepant à suis inuicem contrariis. Reperi hunc versum in sententiis Græcorum Poëtarum,

Ἀνὴρ ἄβελος εἰς κενὸν μάχῃ τρέχων.

In quo si examinetur lex contrariorum, planum est iram si consilio repugnet, moræ quoque repugnare. si enim imprudens & incòsultus celeriter omnia percurrit leui, quod aiunt, pede: prudens & consultus serus erit, maturusque cunctator, & lentus tardusque dispositor: cui cum repugnet iratus, reliquum est, ut agat temerè, & subinde celerius. Sed quorsum isthæc? Posset id quod nunc facio à latinis nugatio nuncupari. Singulare igitur haheatur remedium lenitudo quo ad iram. Audiamus ergo Ouidium, ita dicentem.

Sed nunquam dederis spatiosum tempus in iram,

Sæpe simultates ira morata facit.

Par etiam erit Phocilidi præbere se æquanimis,
Μὴ φοροπετὴς ἐς χεῖρα χαλινὸς δ' ἀγχιον ὀργὴν versus
 qui sequitur, accommodatius adferetur nō multò
 post. Quo ad iram sunt versus apud Manandru
 quos proferrem, si quæ adhuc à nobis dicta sunt
 alibi ad summam vellem congerere.

Ἀνθρώπος ὃν γίνωσκε τὸ ὀργῆς κρατεῖν.

Consilium illud Horatianum est superius iam
 allatum, sic proximè,

Τίγρις δ' ἐς ὀργὴν μὴ θαλὺς ἀλλὰ ἐραδὺς.

Et vnum est quod modo dicimus.

Βλαπτει τὸ αἰδοῦρα θυμὸς ἐς ὀργὴν πᾶσι.

Nec in parte modo lædit, sed hominem ipsum
 totum. Etenim de toto naturali materiam & for-
 mam si demas, nihil restat. Ratum autem ex su-
 perioribus est, iram corpus non modo lædere
 quod hominis materiam refert: sed animam
 quoque, quæ sola totum hominem informat.
 Tum sequitur:

Ζήσεις βίον κρατῖσιν, ἂν θυμὸς κρατῆς.

Nam bene hercle viuit qui sapienter viuit: ac
 iuxta sapientem illum Imperatoris Traiani mo-
 nitorem, & moderatorē optimum Plutarchum,
 sapiētis est non irasci, τὸ γὰρ μὴν ἀόργητον αἰδρὸς ἐς ἡ-
 σόαν. Id verò sic Tuscul. tertia Cicero concludit
 & iudicat. Qui irascitur etiam concupiscit. Pro-
 prium est enim irati cupere à quo læsus videat-
 ur ei quàm maximum dolorem inurere: qui
 autē id concupierit, eum necesse est si id conse-
 quutus sit, magnopere lætari, ex quo fit vt alie-

no malo gaudeat. Quòd quoniã non cadit in sapientẽ, ne vt irascatur quidem cadit. Ergò cum

Θυμὸς κρατῆσαι καπιθυμίας καλὸν

Νίκησον ὄργην τῷ λογισμῷ καλῶς.

Ètenim oportet appetitui rationem imperare, appetitum vero rationi morem gerere, non secus. Quòd contra tamen contingit plerisque, vt mythologicè significarunt Poetæ per Martem cum Minerua decertantem, & se se in eminentiorem locum semper efferentem. Ego ipse voluntatis prauæ cum recta ratione litem & controuerſiam sic descripsi in dialogo quodam quæ aliàs elucubraui, in quo agitur earum causa coram intellectu: qui paul superius iudex erat constitutus,

Tum stetit in cœtu ratio, dehinc talia satur,

Hæc animus meminisse horret, mihi sceptrâ dedere,

In manibus superi. quondam diademata nostrum

Tot cinxere caput regnis spoliata peramplis,

Nunc reliquis subsum, rerum quæ iure potiri

Debeo, iam repeto sceptri mea dextera pondus.

Sustineat magni, uirtuti praua uoluntas

Pareat, & cupio uitis obsistere fœdis.

Quam uix ira loqui patitur furiosa uoluntas,

Surgit & has prauo promit de pectore uoces,

Imperũ debent mihi iura; dabunt, aut cuspide regnũ

Subuertam, proprio certans, uitis que secundus

Debetur locus, ac est abiectissima uirtus

Hoc remouenda loco. quid enim uirtutis egemus?

Talibus auditis, solio mens orsa supremo,

Ore fauete omnes, animisque fauete, feramus,

Quid uideatur, ait. Ratio tibi, praua uoluntas.

Imperet, innocua, uitiis, uirtute fugatis.

Subinde Menander,

Ὅρῃ ὃ πολλὰ δρᾶν ἀναγκάζει κακὰ.

Cui persimile illud Phocilidis à nobis huc usque referuatum, quod habeatur rationis loco,

Πόλλαι γὰρ πλῆθας ἀέκων φρόνον ἐξετελέσας.

Adstipulabitur Alexander qui totius penè orientis domitor, sui victor euadere non potuit, cum tamen,

Fortior is qui se quam qui fortissima uincit

Mœnia: nam uirtus altius ire nequit.

Quippe ex ista laude nihil centurio, nihil præfectus, nihil turma decerpit: quinetiam illa ipsa rerum humanarum domina fortuna in istius se societatem gloriæ non offert, illi cedit, eius esse totam ac propriam fatetur. Sed hæc satis. Alexander inquam nobis adstipulabitur, qui Clytum nutricis suæ filium, immemor accepti beneficij ad Grannicum fluuium, interemit. At isti facto imminebat pœnitētia, namque telum ereptum è linu demortui, in seipsum lubens trāsfixisset Alexander, nisi fuissent impedimēto qui aderāt. Sic Cicero 4. Tusc. Alexandrum regem uidemus qui cum interemisset Clytum, uix à se manus abstinuit: tanta uis fuit pœnitendi.

Ὅδ' εἰς μετοργῆς ἀσφαλὲς βελευταί,

cum opponatur ira consilio, ut antè dictum est. Sed cum in omnibus rebus arcenda est atque cohibenda ira, tum in puniendo maximè. Nunquam enim iratus qui accesserit ad pœnam, ut est

est in de officiis, mediocritatem tenebit, quæ est inter nimium & parum. Laudatur Architas, ait Tullius, qui cū villico factus esset iratior: quo te modo, inquit, accepissem, nisi iratus essem? Plut. *ἄλλοι δὲ ἀδιδωκὶ ἀγογῆς*. causam reddit, quam præterit Cicero, cur Architas ira correptus fuerit, quia nēpē ex bello reuersus, Imperator constitutus, terram suam comperisset inexcultam. Platonis factum coniungit. Iratus itaque Plato scelesto cuidam & flagitioso seruo, Speusippum sororis suæ filium aduocans, edixit vt abiens eum acerba donaret fuste. *ἔγω γὰρ*, inquit, *ἄλλοι δὲ ἀδιδωκὶ ἀγογῆς*. Omnino enim irascor. Xenocrati non Speusippo ait mandatū fuisse Laërtius. Cotys Thracum Rex ad iram propensior paulò figulina pretiosa quadam, opera fortasse Corinthia, fractu tamē facillima, sibi ab hospite oblata non recusauit, nec quoque grati animi virtute carere voluit: imò mutuis gratiam retulit beneficiis. At vix accepta vasa illa pedibus cōtriuit, facti causam subiiciens, ne scilicet seruorum aliquis ob ea per incuriam quassa periret. Hunc certe dum laudo, Augustum minimè laudare nequeo: necnon Vedium Polliōnem accusare. Sed si quis est herus qui præclare suas agat partes, serui quoque recordētur suam benè sustinere personam, vt si aliquando in aliquam culpam impegerint per imprudentiam, vt ferè fit, heri sui si non adhuc moderati planè faciem subterfugiant, quod tandem vltimo loco monere videtur Menander,

Θέλειν αὖτε δὲ ἡσυχίαν συμπίπτει.

Ut enim cecinit Ouidius,

Da mi furor in cursu est, currenti cede furori,

Difficiles aditus impetus omnis habet.

Quæ omnia si cuiquam difficilia videbuntur atque *συσπύματα* ut ait Plutarchus, conādum est saltem ut quantum fieri poterit, se istius modi præceptionibus submittens iræ aliquantum detrahat insanienti. Examinemus igitur utrum rectè *μακροθυμὴν ὀργὴν* dixerit Plutarch. Tam rectè, opinor, ut melius nemo possit. Seuerus, in primis, rigidusque virtutis defensor senex ille Cato ab insano distare nihil iratum facit, Horatius iratos in summo insanix gradu constituit.

Non Dydymine, non adytis quatit

Mentem sacerdotum incola Pythius,

Non liber æquè, non acuta

Sic geminant Corybantes æra,

Tristes ut iræ, quas neque Noricus

Deterret ensis, nec mare naufragum,

Nec saeuus ignis, nec tremendo

Iuppiter ipse ruens tumultu.

Quorum versuum sensus est, opinor, non tam insanire Coribantes, quàm iras. Coribantes enim insaniebant, vnde & nomen suum fortitè sunt, ἀπὸ τῆς ἀνοήτου quod est caput huc illuc vacillans mouere insanientis instar, sed apertius postea, idem Poëta

Fertur Prometheus addere principi,

Limo coctus particulam undique,

Defectam ex insani leonis

Vim, stomacho apposuisse nostro.

Phocilides quoque

Θυμὸς ὑπερχόμενος μανίῳ ὁλόφρονι τέλει.

Et qua ratione nihil aggredi dubitant infani infania sua, sic

Qualibet iratis ipse dat a:ma dolor.

Quis hominum insanire velit? Quis non ardet corporis sani cupiditate? At præstabiliior multò est mens sana in corpore sano.

Ἡ γένος ἀνθρώπων ἀνεμόλιον, αὐτοχολότον.

Eos qui sunt natura prærapidi & efferuentiores, subtiliores cum sint fœliciori quoque esse memoria refert ex Platone Crinitus lib. i. de honesta disciplina capite 6. sed quomodo id fieri possit non satis intelligo. Legi enim alicubi, locus non occurrit in præsentia, eos esse tardiore memoria qui sunt acutiores, quod si non tardiore, labili saltem & caduca, cuius rei probatio cuius est facilis. Cæterum quando incidimus in istum authorem, habeo nonnulla de eo dicere, abs re fortassis: sed id quaecumque sit per transennam dictum putetur nostratū omniū nomine. Is igitur neutiquā bonus fidusque censendus est Historiographus, quod constabit ab eorum partiū remotione quæ verum historiographum cōstituunt. Obuius est mihi locus qui dam ex Iosepho vbi purū syncerq; historiographum esse dicit, refertque à Cyro, (si me meæ non fallunt memoriola) eum qui sit sine rege, sine patria, sine ciuitate. At iste non est, quippe qui suis non dubitat Italiam fauere, Gallis detrudere, & tēporum lucem historiā defraudare. Videat quā recte sub finē citati capitis Gallos stu-

pidos appellet, in poematibus passimque in
suis operibus barbaros. Quod certe fateor ex a-
nimo dictum. Hunc deinceps fileamus & cum
Hesiodo finiamus,

Μὴ δὲ κακὸς χαρὸς ἀπὸ γῆς θύμον ἐρύκοι

In Sannam aliquem.

Obuius ut fio tua me diſteria pungunt,

Et lepidas in me fundis ab ore sales.

Qua ratione queam uasum tibi claudere guttur?

Noui: non referam mutua uerba datis.

Democritum imitantur hoc tempore multi at-
tollentes cachinnum, & multi nasum rinoce-
rotis habent infinitæ propemodum & à fronte,
& à tergo instant ciconiæ: sed neminem video
qui non rideat immoderatus ac intempestiuè.
Quod malum grauitate ponderis excedere iudi-
cat Menander dicens,

Γέλως ἀχαλῖτος ἀνθρώποις δάινον κακὸν.

Nec vident istiusmodi sannæ, dum solent homi-
nes scommatibus excipere, prudentioribus ri-
sum mouere, se quippe qui res sapientibus alio-
qui percelebres ludibrio habent. Quamobrem
sapientis erit ob id non excitare bilem, nec ira-
ſci ullo modo, sapientissimi illius Philosophi
Socratis exemplo, quem dicere solitum accepi-
mus, nihili ducere, rideretur necne, modo ne ri-
dendi iustam ansam præberet hominibus. Quod
certe consonat iis quæ dicit idem Socrates in
Apologia Platonis pro eo, Τὸ μὲν γὰρ καταγε-
λάσθαι ἴσως ἔδειν πρῶτον. Dicere autem est per-
corum

exiguum, sed vt est lib. primo, Anthologiæ Græcorum Epigrammatum, vbi ratio adtuerit, & actio dictis responderit verbum illud quisque putabit opus. Itaque non tātum hæc dicit Socrat. sed factis illustrat suis. Anitus auribus Aristophanis insufurrabat, vt eum in Socratem cōcitaret: cōcitatus Aristophanes comicus, omnē iniuriā euomuit in Socratem, in theatro, in frequentissimo conspectu. Hæc aliquis adstantium iniquo ferens animo, & penè scrutiatus, instar equi generosi, qui glomerat gressus, & stare loco nescit, & micat artus, dixit, nunquid hæc tibi sunt animo? ô Socrates. Minimè verò, respondit: ὡς γὰρ ἐν σωμαποσίῳ μεγάλῳ τῷ θεῷ ὁ σκωπόμενος. Velut in magno aliquo conuiuio, vbi liberè omnia pandere licet, sic elusus, in scena fio fabula. Sed quomodo ille verbis lacepsitus vitionem cupiisset, cum ne quidem re ipsa offensus iratus est vnquam? Nota est ex Laertio atque etiam ex Plutarcho adolescentis illius historia, qui cum Socratem calcibus percutiisset, amicisque ad vitionem capiendam preparatis proposuisset, Socrates Asinusne recalcitrandus esset, si lasisset eū, calcitronis cognomine postea vocatus iuuenis, laqueo vitam finiuit. Eò verò vt subingrediatur oratio nostra, vnde egressa est. Vnum aut alterum exemplum subiiciemus istorum linguæ suæ iaculatorum, & pœnas quas aliquando dederunt. Primas ager Sotades ob scœnus quondam Poëta, qui cum Ptolomeo, cognomento Philadelpho, Arsinoem sororem suam ducenti in vxorem, dixisset, Spiculum in rimulam

rimulam tridis illicitā (nescio an satis honestè latinè possit exprimi) in carcere cōtabuit, debitas garrulitati suæ pœnas dedit, ac quemadmodum Plutarchus ait, vt aliis risum moueret luctu ipse demersus est. Alexandro quoque Macedone imperante, vt Græcorū hominū singuli vestes purpureas sibi compararent, ad *ἑορτήν* celebranda, & victimas immolandas pro debellatis barbaris, cum gentes ad id negotij pecunias capitatim conferrent, ac contribuerent. Prius quidem in sententia tergiuersabar, & anceps eram dubitans, inquit Theocritus, nunc autem certo scio, hanc Homeri purpureā esse mortem. Ideoque in eum est stomachatus Alexāder. Ille ipse Sophista Antigonum regem cum ei conuiuiaretur cœcitatem obiiciens, ad iram non mediocrem compulit. Eutropionem Archicocum olim, vel vt latinè loquamur, coquorum præfectum, tunc in quodam ordine militari constitutum accedere ad se volebat, & rationē reddere simul & accipere. Illo verò renunciente Eutropioni, cum hic plerunque iam accessisset, dixit, hoc nunc planè sentio, quod me crudum vis huic cyclopi apponere, vnā exprobrans cœcitatem Antigono, & conditionem Eutropioni, qui coqus cum fuisset, tamen militarem aliquam dignitatem occupabat. Sed mors tātē fuit vltrix insaniæ. Et hæc de iocis intempestiuis. Huc porro congeram quæ quanquā institueram dicere, prætermisi. Quod ad purpureā illam mortem de qua superius. Homerus initio

Iliados

Iliados . vocat. *πορφεύρεον θανάτου* alludens, opi-
nor, ad eorum opinionem, qui dicebant animā
esse sanguinem, quem imitatur Virgilius lib.9.
Æneidos,

*Purpuream uomit ille animam. Et decimo,
Vndantique animam effundit in arma cruore.*

In garrulum quendam.

Λάλειν αἰεὶ σὺν, λέγειν ἀδυνατότατον.

Obtundunt nostrum tot inania uerba cerebrum,
Lædunt auditum timpana pulsa bonum.

In cassum tot uerba seris, fugiuntque per auras,

Vel tace: uel saltem dic bona uerba mihi.

Epigrammate penultimo paruit, sannas & ma-
ledicos plus lucri facere tacendo, quàm male-
dicendo. Iuxta illud Pindari, quod habetur O-
lympica prima ad Hieronem.

— ἀνεσθία λέλογε

θαμινὰ κακωρόως.

Hoc autem loco eos attingere decreuimus, qui
perpetuo de qualibet re dicere contendunt, sint
quamuis ad hoc munus subeundum ineptissi-
mi, eosque qui rerum nouissimarum sunt cu-
riosissimi easque omnium primi recensere de-
lectantur, & continuo clamitant, ut disertis appa-
reant, & quàm eruditissimi: sed inscitia imperi-
tiæque maximum est argumentum, contrarium
efficere ab eo quod quis sibi proposuerit. Quod
cum faciant hirundines istæ nemini obscura es-
se potest illorum imprudentia. Nam fere fit, ut
isti

isti clamitatores, vt nihil præter fortia latera fauces immensas, vocem viuacem facileque penetrantem aures, imò caput sapientiorum obrudentem habeant, & quemadmodum caupones certò tenent dolium esse vacuum, qui pulsatus sonum ediderit altiorè, sic qui insolentius paulò clamitarit, indicio est imperitiæ suæ. Nam talis quisque habendus est qualia dixerit, & ideo Socrates in Floridis Apuleij, cum adolescètem diutile tacentem vidisset: Dic aliquid, inquit, sic enim hominem voce, vt figlinum sono pernoscimus. Taceat itaque qui loqui nescierit, nisi suam velit imprudentiam patefacere. Namque vt est in Florilegio Epigrammatũ Græcorum,

Πᾶς τις ἀπαίδευτος φρονιμῷ τάλος ἐστὶ σιωπῶν
Τὸν λόγον ἐγκρύπτειν ὡς πάνθος, ἀεχρέτατον.

Quos ego versus sic latiis expressi numeris,

Qui tacet insipiens, uerè sapit, utpote turpes

Non pandit morbos, dum tacet, ipse suos.

Itaque facile Menelaum fatebor sequendum, & παῦρα μὲν esse dicenda, ἀλλὰ μάλα λιγύως. Quæ enim ratione tympana bonum alloquin auditũ conturbant, sic isti clamitatores sapientioribus tædium pariunt, qui rem pluris faciunt quàm verba. Verũ aliquis hæc audiens posset fortasse iudicare me nunquam, aut non diu, idque, perfunctoriè in Aristotelis Licæo ambulauisse, diceretque me Peripateticorũ principem non didicisse: ex quo manifestum est agens præclarum, patiens lædere, & quemadmodum noctua solis lumen intueri nullo modo potest, per visus

sus imbecillitatem, nec nostri possunt oculi re-
tâ solis radios illâsi perlustrare: sic imbecillita-
tem auditorum efficere, vt lædantur ipsimet vo-
ce oratoris præstantissimi, non autem culpam
vocis accusandam esse, quia excellens sensile
sensum lædit. Quâquam autem cum Aristotele
parum admodum spatiati sumus, satis tamen
vt difficultatem hanc diluere valeamus. Excel-
lens quidem vox esse potest clamitatorum isto-
rum, vt rustici cuiusuis, quatenus talis est, & ad
auditum refertur, eumque afficit: prout verò
animi sensa explicat, & intellectui subiicitur, vt
plurimum inanis est, & omni vacua pulchritu-
dine, quæ latet sub verbis, quæ sunt ad hæc, hoc
est doctrinam manifestandam, & quemadmo-
dum hedera suspensa (quæ vini indifferenter
boni malique est indicium) hic apponetur for-
tassis, vbi vinum erit suauius & mollius, quæ
virorem suum & pulchritudinem amiserit, illic
verò vbi fortasse vinum est alga vilius, virëtem
hederam fas est suspicere, quemadmodum quo-
que diuersiorum antiquiorum & meliorum
insignia propè deleta sunt aliquando nulla, no-
uissimorum autem variis coloribus ornata, quâ-
uis fama cedant: sic ij aliquando (vt sæpius so-
let accidere) qui clara voce pollēt, nec verborū
leporibus atque veneribus carent, qui tamen
sint indoctiores: aliciuntque homines verborū
venustatibus, cum nihil habeant aliud, qui
certè mihi videntur simioli & imitatores cau-
ponorum Italorum, qui occurrunt hospitibus
procul

procul sito ab vrbe lapide, eosque deducunt ante fores bene pictas, vltro qui progrediuntur, nihil culina (quod aiunt) frigidius, nihil macrius comperiunt, cum eam domus partem curare & calefacere satius esset. Si loquaciores essent, prudentiores hirundines essent multò prudentiores hominibus, vt ait Nicostratus,

Εἰ τὸ σωχῶς καὶ πολλὰ ἢ ταχέως λαλεῖν
ἢ ὑπὸ φροεῖν παρὰ σῆμον αἰ χελιδόνες.

Ελέγχονται ἡμῶν ὀφρονεσσαι πολὺ.

Hirundo enim est maximè garrula quicquid dicat Erasmus in Prouerbio, hirundinem ne habeas sub eodem tecto, quod de silentio dici vetat, vocat siquidem eā Anacreon γέλιον χελιδόνα, quod quidem epitheton abhorret ab homine sapiente, qui eos odio Vatiniano, vt ait Catullus, prosequitur, & vt Horatius sanguine viperino cautius vitat, ac vt in Prouerbio est, cane peiores & angue iudicat, qui tot inania verba frustra effutire consueuerunt. Noctum itaque Pallas noctis & perinde silentij auem inter omnes selegit, arcuitque cornicem procul ab eius arce: ideo conqueritur sic Coronis 2. Metamorpho.

— mihi gratia talis

Redditur, ut dicar tutela pulsa Minervæ,

Et ponar post noctis auem. Mea pœna uolucres,

Admonuisse debet, ne uoce pericula querant.

Gratiam requirere non debebat quæ gratiam nullā præstiterat: nam quemadmodum, vt est in veteri parœmia χάρεις χρεῖν τίλει, quod indicant poeta gratias se inuicē intuētes dum fixerunt:

runt: sic malum à malo paritur: malū aliud ad-
uocat: pœna delictū subsequitur, ideóque non
est de quo queratur Coronis, si loquacitatis &
ἔθυροςομίας pœnas dedit, nō enim sola dedit, a-
liisque pratermissis vnicum Tantali exemplū
proferam ex Euripide, qui supplicium inditum
Tantalō à superis, garrulitatis causa exponit in
Oreste statim initio sub Electræ persona, quæ
sic loquitur,

Διὸς πεφυκώς, ὡς λέγῃσι τάνταλος

Χορυφῆς ὑπερτέλλοντα δέιμαίνων πέτρον,

Λεῖποτάτε καὶ τίνοι τ' αὐτῷ δίκαι,

ὥς μὲν λέγῃσιν ὅτι θεοῖς ἀνδρώπος ὦν

Ἀκόλασον ἔχε γλῶσσαν αἰχρὶς ἰὺ νόσει.

Turpis certè morbus! quando breuitati stude-
mus ea omnia in hunc locum non sunt conge-
renda quæ περὶ ἀδολεχίας dicit Plutarchus, sed
quæ in περὶ παίδων ἀγορῆς commemorat refere-
mus. Qui, inquit, silentium malum esse indicat,
is à veritate aberrat toto cœlo: idque exornat
hac pereleganti sententia. σόφειν εὐχαιρὸς σιγὴ καὶ
πάντος λόγου χρήστιον. cui responderet Pindarus Ne-
mæas. καὶ τὸ σιγᾶν πολλάκις ἐστὶ βρώτατον. Redea-
mus ad Plutarchum. Apud Eleusinem (locum
tacet ille quem tamen apposuimus aliunde pe-
titum, rémque breuius perstringit) in Attica re-
gione, duo sacra & arcana occulta celebraban-
tur, quæ dicebātur mysteria, ἅ ποτ' μνεῖν τὸ εἶμα,
vt notum est, magna Cereri, parua Proserpinæ,
in quibus quæ peragebātur magno silentio oc-
cultabantur, ab iisquæ arcebantur homines pro-

fani: καὶ ὅς αὖ σιόπητας ἐδεῖς μετενόησε λαλήσαντες
 ὃ παμπλησέεις, quod alibi tribuit Symonidi: τὸ
 ὃ μὲν σιγήθην ἐξεπέειν ῥάδιον τὸ ὃ ῥηθὲν ἀναλαβεῖν ἀδύ-
 νατον: cui persimile est illud Horatij:

Nescit vox missa reuerti. Alibi,

Et semel emissum uolat irreuocabile uerbum.

Euripides vocat γλωτταν ὅς λόγων ἀγγελον, quod
 epitheton ne nostræ conueniat linguæ, singuli
 cauere debemus, & ea tantum dicere studeamus
 quæ incumbunt pro munere. Nam cum linguâ
 natura dederit, profectò hinc patet oratio-
 nem hominibus non interdici debere, qua se-
 cernuntur à belluis, sed ea ratione qua maxi-
 mē à quadrupedibus distinguuntur, exornari
 debere, modumque adhibendum esse, idcirco
 πολλάκις suprâ dixit Pindarus & Plutarchus su-
 perius Ἀκαίρος σιγή: quod apertius indicat Euri-
 pides hoc versu,

Σιγῶν ὅτε δεῖ καὶ λέγειν ἵν' ἀσφαλες.

& hoc demum esse sapientis viri clarum fecit
 Demaratus, qui loquētibz omnibus inter po-
 cula, sciscitatus stultitiāne taceret solus, an impe-
 ritia, stultum silere nequaquam posse respondit,
 sed qui tacendi normam præscribimus, finē in-
 stituamus, dicendi ne garruli videamur.

Ex paruis oriri magnam sæpè discordiam.

Quæ sit, ut ex paruis tot fiant iurgia rebus?

Quid leuius uerbis? hæc peperere neces.

Scilicet ex minimis constantur maxima: nescis

Materiam

Materiam putrem constituisse hominem?

Quemadmodum si vel minima testudinis chor-
da discrepet à reliquis, totus perit concentus,
abitque gratia demulcens & alliciens homines,
vulnerantur aures, atque sono violantur: sic vel
minima accedente causa, concordia fugit à mor-
talibus, & nescio quò concedit, illico se in illius
vicem discordia promouet,

— *Et prauè sectum stomachamur ob unguem.*

Mirum quod Hortensium memorant excitasse
bilem in suum collegā, quia per viam incedens
paulò strictiorem sinus flexuosos vestis suæ per
imprudentiam ex ordine remouisset, & illius
effœminatam mollitiem, hunc in ius conuoca-
uisset, diemque dixisset. Arcades & Ætoli diutis-
sime bellum gesserunt propter apri caput. Car-
thaginenses propter nauiculam bellum suscepe-
runt. Scoti cum Pictis ob canes quosdam, ita
decertauerunt, vt postea nunquam pacis inire
fœdus, nūquam dexteram dextræ iūgere, nun-
quam pollicem premere potuerint. Senones cū
Heluëtiis propter arietum pelles dimicarunt.
Rerum potiente Iustiniano, ciuitates omnes di-
uisæ fuerunt, & aliæ aliis infensæ ob colores
quos sibi assumebant in ludis, certaminibus &
symbachiis per æmulationem. Leuissima certè
causa! Verba autem (quibus nihil est fluxibilis,
cum simul vt nata sunt, euanescent) vt alibi suis
adornauimus exemplis, iurgiorum, querimo-
niarū, & effusionis sanguinis humani causæ ex-
titerunt. Quis in admirationem rapiatur, pro-

pterea si perpendat ex minimis maxima fieri? si enim credimus Democrito omnia quę sub mundi velamine implicantur, imò totus ipse mundus factus est ex cōcursu τῶν ἀτόμων, id demum est minimum in geometria, quod ita est exiguum, vt diuisionem sui non possit admittere in qua scientia ἀτομα sunt puncta, ex quibus lineę constituūtur, ex harū autem fluxu manant superficies, ex istis denique corpora. Deinde ex vnitatem depēdent ceteri omnes numeri, & eius beneficio numeros in infinitū protrahere per additionem licet, si verò non sumus Democritici, sed Christiani ex nihilo vniuersa facta tenebimus. Omnia porrò maxima, sunt minima. Carthago diruta est, & adæquata solo, Thebis ne vnicam quidem portam licet intueri, Athenę vastatę sunt: vbi laus Romanorum est: quibus nunc iura dicunt coloniis? Lutetia, (quę tunc ne quidem extabat) Carthagini, Lutetia Thebis, Athenis Lutetia, Romę Lutetia præponitur. Quę quondam barbarę nationes putabantur, sunt excultiores, Græcia sola barbariem infectatur. Mutatio certè magna. Eò tandem migrant omnia, vnde profecta sunt, (vt proximè sequens Epigramma denotabit.) Apud Geometras ratum & sancitū est, corpora in superficies dissolui, superficies in lineas diuidi, lineas in puncta, atque in vnitatem numeri omnes quantumuis maximi, apud physiologos ad quatuor rerū principia rediguntur. Ex ligno foco appōsito per extremitates exit aqua, per aliam partem

tem fumus, in aërem redigitur, aliunde accenditur flamma, quod superest, pertransit in puluerem, siue terram.

Omnia in sua dissolui principia.

IN sua soluantur principia, corpora cuncta.

Et redit in cinerem quod fuit ante cinis.

Creditur ex nihilo coalescere quidquid in orbe est.

Et redit in nihilum quod fuit ante nihil.

Huius Epigrammatis argumentum cum superiori coniunximus: verum quoniam exemplum nostri tēporis obmisimus, cum Carthag. Thebas, Athenas, Troiam, Corinthum & Romā ad nihilum esse redactas illas quidem totas, huius verò gloriam maxima ex parte, adferemus hoc loco templum Aurelianum penitus euersum, adferemus & nouam templi Franciscanorū Parisiensium ruinam, quæ mirum in modum lugenda est, de hac autē hoc fecimus Epigramma.

De templi Parisinorum Franciscanorum incendio.

Quem non afficiat tanta uastatio molis?
Non credo siccis posse uideri oculis.

Matrone lacrymas, huic dant tot inania templa

Munera: non Trinix tanta ruina deæ

Visibus humanis quisquis spectacula præbet

Talia, quam uita plus iuuat ille nece.

Mille quod annorum series non fecerat, ecce,

Id periit citius quam leuis aura uolat.

Franciscanorum detrimento, & totius ciuitatis dolore, templum exemplum præbet Horatianis versibus,

Quidquid sub terra est in apricum proferet ætas.

Effodiet, condetque nitentia.

Non verustate quidem sua periit hoc templum, idcirco posset quispiam hos versus alienos ab hoc loco iudicare: quoniã tamen id nostra ætate contigit: quoniam in tempore factum est, & cum tempore, & hoc tempore, & post tempora, non extra tempus, ætatem hoc fecisse dicimus. Seculorum certè mihi videtur esse miserimum, quo tantã ruinam fieri permisit rerum moderator optimus, & iudex equissimus: Quot opifices, quot anni, quot nummi cõsumpti sunt, quot labores exanthlati, ad erectionem tantæ molis? Quomodo potuit eam vnus horæ spatium & vastare & perdere: vt nullus magni sceleris labor, quod ait Iuuenalis, vt nullus est, qui non sit ad maleficium aliquod, quàm ad quoddam præclarum facinus subeundum promptior: sic facilius multò est exitium alicui operi, & moliri, & adferre, quàm exordium texere antequàm sit factum, faciliusque est destruere, quàm erigere: qua ratione facilius est diffuere, quàm sarcire. Quod patrum nostrorum religio, & charitas cõstruxerat, id casu combustum, tantquàm in instanti cecidit. Si vnquam ignis perniciem adtulit mortalibus, adtulit hoc tempore. Cauendum certè est ab immensa gula bestię tam voracis: namque inter mala quibus obnoxij sumus

mus, ignem memorat Menander.

Πῦρ καὶ τάλαντα καὶ γυνὴ κακὰ τρεῖς.

Tria huiusmodi mala persequemur. Ad mulierē accedamus, quandoquidem secunda nobis occurrat ab igne.

Contentio inter maritum &
vxorem exorta.

Fœmina cum facili nuper mihi uisa marito
Contendens, melior fœmina, uirne foret.

Tertius eligitur litem qui tollat, at ille

Tyresias, dixit, fœmina uirq; fuit.

Consulitote hominem: synceri iudicis instar,

Luminibus captus cæcus utrinque manet.

Tria sunt in hoc potissimum epigrammate, de quibus sermo est nobis instituendus. Imprimisque de fœmina, sitne viro melior: cui quæstionem hanc coniungemus, vtrum tam bona eademque sit iudicandi vis in mulieribus ac in viris. Deinde verò experiētiāne sit in iudice desiderāda, perscrutabimur, alias denique duas iudicis integri proprietates notabimus, argumento sumpto est eo versu epigrammatis illius quod habemus præ manibus,

— Synceri iudicis instar

Luminibus captus cæcus utrinque manet.

Quod primum igitur est, mulieres multo peiores esse viris, nemo vnquam in dubium reuocauit, nec fefellit quemquam opinio, qui sic iudicaret. Bonæ quidem esse possunt mulieres,

nec illis media quibus ad beatitudinem possint accedere denegantur, & humanæ naturæ sunt participes. Nam quid purius vnquam fuit deuotionis synceritatis & electionis illo vase Beata Maria virgine Christi matre, cuius nomine ipso recreor? Quæ domus mundatior, ornatior, & apparatus hac fœderis arca purgatissima? Mulierem, licet Menander ignem & aquam mala dicat esse, hoc tamen inferit, γυνὴ δὲ δία τῆς σωτηρίας, deinde verò ignis & aqua ad humanos vsus plurimum conferunt: ait enim Prodicus apud Plutarchū, αἰσιν ἐστὶ τὸ πρῶτον, & Pindarus αἰσιν μὲν ὁ δ' ἄρ', vnde maximū credebatur olim suppliciū, si cui igne & aqua interdiceretur, quæ cōmunissima sunt inter homines. Veruntamen hoc verum est, plures esse malas mulieres, quàm bonas, vt iuxta eundem Menādrum sit perdifficile bonam offendere mulierem,

Γυναικὸς ἐστὶ ληϊστὴς ὅτι βουλεῖται εἰς πᾶσι.

Ob studium breuitatis, totos Menandri versus quanquam ad hunc locum accommodatissimos, non adferam, sed perlepidum ac facetum Epigramma non adhuc typis excusum, sit licet antiquissimum, scribam, quod ego cum audiuissem ab ignotis hominibus, dedi operam vt ediscerem. A quibusdam Ciceroni, à nonnullis Petronio tribuitur. Qui sit author parum refert.

Crede ratem uentis, animum ne crede puellis,

Namque est fœminea tutior unda fide.

Fœmina nulla bona est, quòd si bona contigit una,

Nescio quo fato res mala facta bona est.

Verum

Verùm ne cuiusdam mulierculæ subtilitas hoc
ita conuertat,

Fœmina nulla mala est, quòd si mala contingit una,

Nescio quo fato res bona facta mala est.

Adhibebimus aliorum testimonia. Itaque sic in
milite glorioso Plautus interrogat, Quid mu-
liere peius? sic respondet in Mustellaria: Nulla
mulier bona est. Quid plura commemorem?
quid opus est eglogarium vt præstem? Hoc tan-
tum à te rogabo (quisquis es) quod rogat Te-
rentius in Heautontimorumenò , censes ne re-
periri vnam mulierem quæ careat culpa? Impri-
misque sunt lasciuar mulieres , & præter ceteras
animantes. Ex Aristotele , sola mulier & equa
maris copulationem prægnantes requirunt: so-
lam spectat voluptatem fœmina, qua maiore af-
ficitur quàm mas ; cui hæc non satis erunt , au-
diat Propertium loquentem ad mulierem de
mulieribus.

Obiicitur per te semper mihi nostra libido,

Crede mihi, uobis imperat illa magis.

Vos ubi contempti ruptis fræna pudoris,

Nescitis captae mentis habere modum.

Cui rursus neque Propertij iudicium , neque
Tyresiar decretum, & lata super hac re sententia
sufficiet , hic consistat satius est, quàm huius rei
experientiæ cupiditate ardens , Æliogabalum
imitetur. Sed reliqua mulierum vitia persequa-
mur. Maiores enim nostri, ait Cicero in rhetori-
cis, si quam vnius peccati damnabant mulierem,
simplici iudicio putabant esse conuinctam plu-

rium. Non igitur tantum sunt libidinosa mulieres, sed & dolo malo fraudeque referta, de philtris & veneficiis, quæ vulgò solent à mulieribus fieri, non loquar, esset enim initium inuenire facilius quàm exitum, Seneca Tragicus sic habet paulò post versus citatos superius ex Medea,

Infruit omnis fraude facmina dolo.

Et ut legi apud aliquem, qui sit certè meæ non retinuerunt memoriolæ,

Hoc semper facmina discit opus.

Atque quod pessimum est omnium, iis inferuire videntur, quos irretitos habent. Fallax mulierum genus, & multum dissimulans! Dixisse Pythagoram memoriæ proditum est, in oculis mulierum duo lacrymarum inesse genera, alterum veri doloris, insidiarum alterum: verùm ut vos tueamini,

Fallite fallentes, ex magna parte profanum

Sunt genus.

Præterea rara fides in mulieribus quas vbique concomitatur leuitas. Idcirco Catullus elegia quinta, ob varietatem mulierum, suæ ipsius mulieri credere non potest,

Nulli se dicit mulier mea nubere malle,

Quàm mihi, non si se Iuppiter ipse petat.

Dicit, sed mulier cupido quod dicit amanti

In uento, & rapida scribere oportet aqua.

Cui loco similem habet Ouidius Elegia quadā,

Verba puellarum foliis leuiora caducis

Irritaq; ut uisum est uentus & aura ferit.

Propertius

Propertius eas confert cum foliis hiberno no-
ro agitis, quemadmodum Ouidius alicubi si
bene memini. Vltimum vitium quod attinge-
mus breuitatis studio est, quod multum super-
biunt: poëtas qui de hac re loquuti sunt præ-
teribo & reliquos, sed id fit potissimū cum do-
te, quæ si exigua est magnum parit dolorem,
si eximia, superbiam. Hac forte ratione ductus
Rex Gallorum quidam, cuius nomē modo non
occurrit, edicto cavit, ne modum excederent
dotes mulierum, præscripsitque certam cuique
summam pro sua conditione, quod etiam cau-
tum à Venetis accepimus. De lingua mulierum
non dicam, nam præter multorum testimonia,
coniurationem Catilinariam vulgatam fuisse
per Fuluiam, Philotæ cōiurationem in Alexan-
dram omnes per mulierem audiuerunt, vt etiam
huius rei exempla sacre literæ suppeditant. Ex
recētiorebus, mens Prioris Capuani qui Vene-
tiarū captionem anhelabat, in apertum prodiit
per mulierculam, sed hæc satis. Secundū aggre-
diamur quod supra proposuimus, vtrum vide-
licet mulieres tam acrem habeant, eandemque
ratiocinandi potestatem, quam viri, eādē pe-
nitus opinor: à quo tamen dissentit vir doctis-
simus Henricus Stephanus: sed quia rationem
non adfert (scio quod adferre potest, scio tan-
tum virum nihil absque ratione dicere) cum
eo non consentio, quia cum ratiocinatio sit a-
nimæ rationalis actio & functio, quæ totum
informat hominem, sexusque diuersam specie
non

non constituat: necessum est vt eadem sit intelligendi potestas in fœmina ac in viro, quamuis facile crediderim huic firmiorem inesse, & imbecilliorẽ illi, vtque fœmina sit ex defectu materiæ: sic animo quoque deficere, quanquam eam causam assignare noluerim, defectus enim materiæ nihil obesse huic rei potest quæ nulla ratione, materiæ immersa est. Præterea non me fugit eos sapè præstare viribus qui sunt infirmiores, quia corporis crassities multum deperdit ingenij (vt ita dicam) eumque opprimit & suffocat, iuxta tritum illud quod est in philosophorũ schola, pinguis venter non generat sensum tenuem & in humano capite, quia ibi tota ratiocinandi vis est posita, minus esse carniũ tradit Aristoteles quàm in capite cuiusuis alterius animantis, habita ratione vtriusque, & facta proportionẽ inter vtrũque Geometrica, nõ Arithmetica: quia per hanc proportionem, Arithmetica videlicet, carniũ minus reperiretur in capite galli quàm in hominis capite, multo autem plus cerebri dicit idem esse in humano capite, facta qualibet proportionẽ hac vel illa, ac veluti ait Plutarchus in dialogo, de conseruanda bona valetudine *ὅτι μὲν τὰ ἰσχυρότερα, ἢ τὰ σώματα ἐντελέστερα*, velut, inquam, dicit corpora ea melius se habere quæ tenuiora sunt, sic eos qui imbecillo sint corpore, præstare viribus ingenij, & quemadmodum quo pauciores nobis obstant, eo facilius peruenimus quò tendimus: sic quo minus est carniũ eo facilius animi

animi cogitationes atque liberius profisciscuntur, quemadmodum quoque qui sunt in carcere, facilius effugiunt, quò portæ sunt infirmiores : sic ingenium hoc corporis ergastulo veluti carcere præpeditur, eò facilius muneri suo subest ac officio fungitur, quo debilius est ipsum corpus. Verùm quis cum Ouidio dicere vuerit?

Vt corpus, teneris, sic mens infirma puellis.

Præterea quamvis imbecillæ sint mulieres, ob id non desinunt habere pinguem aqualiculum & extentum sexquipedem, ut est apud Persium quemadmodum Hispulla Romana mulier, de qua Iuuenalis, qualem nostra ætate celebratam fuisse Parisiis, accepimus, quæ crassitudine doli persimilis erat. Tenuis certè muliercula! sed tota illa mulierum moles est mollis. Ut igitur eo reuoluamur vnde delapsi sumus, hanc ego noluerim huius rei causam dicere ne dum affirmare: sed hoc certum habeo, mulieres prudentia, consilio & ratione viris cedere. Euripides in Medea, mulieres dicit ad bona consilij pauperimas esse, malorum autem omnium artifices sapientissimas,

Γυναῖκες ἐς μὲν ἑὸν δὲ μὴ κακωτάται

Κακῶν τε πάντων τέκτονες βρωτάται.

Quod sic imitatus est Seneca item in Medea,

Sed dux malorum scæmina, & scelerum artifex.

Martianus Capella item vult Mineruam sine matre esse progenitam, quòd sapientiam non habeant mulieres,

Hinc

Hinc de patre ferunt sine matris scedere natam,

Prouida consilia quod nescit curia matrum.

Mulier itaque viro cedit prudentia, & dumtaxat, ut est apud Ouid.

Ad delinquendum doctior esse potest.

sic Anacreon Ode secunda,

Φύσις κέρατα ταύροις

Ὅπλ' αὖ δ' ἔδωκεν ἵπποις

Προδοχὴν λαγώοις

Λέουσι χάσμε' ἑδόμενον

Τοῖς ἰχθύσι τὸ νηλὸν

Τοῖς ὀρνέοις πετᾶσθαι

Τοῖς ἀνδράσι φρονήματα

Γύναξιν ἔκ' ἔτ' ἵκεν.

Τί γὰρ δίδωσιν; καλὸς

Ἄντ' ἐγκέων ἀπάντων

Ἄντ' ἀσπίδων ἀπάσων.

Νηκὰ δ' ἡ γὰρ σιδ' ἦρον

Καὶ πῦρ καλὴ τις ἡ γὰρ

Quid verò forma est, si cōferatur cum hominis
authoritate & grauitate? Socrates dictitabat mu-
lierem speciosam esse templum super cloacam
ædificatum. Caterum in hac contentione viri
& mulieris, bene consultum est illis quod ter-
tium selegerint: nunquam enim aliter conten-
tioni finem attulissent: quisque enim iudicat
ea quæ sibi videt esse vtilia, eamque ob rem
nemo iudex idoneus censendus est in propria
causa. Ideo laudatur Lodoicus nonus Franco-
rum Rex, qui nec in Petrum Mauclerum, du-
cem, opinor, Britaniæ, nec in Thomā Flandriæ
comitem

comitem sententiam ferre voluit. Quòd neque voluit Philippus cognomento Bellus, aduersus Robertum comitem Flandriæ, quinimo decreta Curia Parisiensis, super hac re pronunciauit nomine parium Franciæ, non Lodoici & Philippi regum, licet agerentur rei læsæ Maiestatis: Franciscus primus idem voluit in causa Caroli Borbonij, quâuis adesset iudicio. Idem Poyetû Cancellarium suum ad supremum senatum Parisiensem misit: cum autem eos omnes iudices recusasset, statuit rex vt ex quolibet Parlamêto, quòd aiunt, duos sibi feligeret. Thomas autem Morus vir iustus & doctus Angliæ Cancellarius competitorum suum habuit pro iudice: Hieronymus item Moronius, Ducis Mediolanensis Cancellarius, vnû ex aduersariis. Laudantur ob æquitatē nostri: ob iniustitiā vituperantur externi. Constituto iudice, tres iudicis proprietates percurramus superius propositas. Arbitr electus qui est in ista cōtentione, bene mihi videtur monuisse Tyresiam esse cōsulendum propter experientiam, & idem mihi videtur dicere ac Lucius Torquatus, qui consul renūciatus multoties, dixit, eine vultis remp. vestram committere qui alienis videt oculis? (quod etiam audiui & legi de Appio cæco) experientiam enim qui non habet eius rei de qua debet decernere, iudicat tanquam cæcus de coloribus, & cæcus cæcum ducit, caduntque ambo in foueā. Quod non dissonabit ab eo quod diximus, Tyresiam ytroque orbatû oculo: ibi enim oculos ad corpus

pus, hic verò ad animum referamus, qui perspicax esse maximè debet in isto negotio. Bene igitur Phocilides, ne permittatis ignaros homines iudicare,

Μὴ δὲ πρὶν κρινεῖν ἀδίκτους ἀνδρας ἰᾶσθαι.

Nam ut ait Seneca Tragœd. 6.

Qui statuit aliquid parte inaudita altera,

Aequum licet statuerit, haud æquus est.

Ad reliquas duas proprietates antequam accedamus, Epigramma tanquam accommodatissimum interponemus.

Veri iudicis effigies per ænigma.

Deficiens natura facit portenta: sed istum
Duplice deficiens perficit illa modo.

Quod manibus caret atque oculis perfectus habetur,

Ni careat, meritò, mancus habendus erit.

Iudices oculis orbari debent esse, aut saltem oculis uti non debent in iudiciis, ubi nulla debet esse personarum acceptio, ubi nullus amicus esse debet, ubi esse debent omnes incogniti, ut alicubi refert Cicero: non enim sedet iudex ut culpam condonet, peccatum remittat & veniam impertiatur, sed ut pro iure atque vera ratione iudicet, ait Socrates apud Platonem in Apologia pro ipso, & ὅτι τὰ πρὸς καθήκας ὁ δίκης, ὅτι πρὸς χάριτες αὐτὸ δίκον, ἀλλ' ὅτι πρὸς κρίνειν τὰυτά. Ideoque iustitiam crediderim oculos rectos habentem esse fictam. Præterea oculorum acie huc & illuc dissipata & in varias partes cōuersa, sæpè distra

distrahuntur iudicum animi , vnde Licurgus :
 cautionem eam adhibuit, ne scilicet, in loco iu-
 diciis destinato , imagines figerentur, ne fortè
 iudicum oculos occuparent, & mentes eorum
 furtim subriperent , & ita causas non perciper-
 rent. In Gallia vidi equidem in omnibus iudi-
 ciorum aulis imagines esse appositas, ad Christi
 seruatoris memoriam: sed animaduerti quoque,
 eas à tergo esse iudicum super subsellia. Atten-
 dere enim oportet iudicem , verane dicat pa-
 tronum: nam iuxta sententiam Socratis, apud Pla-
 tonem, in eius defensione , αὐτῇ γὰρ ἀρετῇ ἐστὶ τὸ
 δικάζειν, ῥήτορος ὃ ἀλὺθῇ λέγειν, & idcirco auritus
 quoque esse debet bonus quilibet iudex, dein-
 de manibus obtruncatus , & se à rapinis tem-
 perare. Vnde laudatur Cicero, quem ait Plu-
 tarchus καλῶς se in prætura gessisse , & κατα-
 ρῶς τὰς κρίσεις exercuisse, quod ipsemet dicit in
 oratione pro lege Manilia ad Quirites, & meus
 labor castè integrèque versatus, ex vestro iudi-
 cio est fructum amplissimū consequutus. Vitu-
 peratur Demostenes cui vis argenti, fauces oc-
 cludere potuerit, quique laborarit argétangine
 non angine. Contrà laudatur Socrates, reliquis
 hominibus præponitur, quia nunquam aliquid
 accepit, ne quidem ab iis qui vellent liberaliter
 erogare, vt ipsemet dicit apud Xenophontem,
 in apologia pro eo. Multum detraxit regiis or-
 namentis Carolus cognomento Bellus, qui cū
 efflagitasset ab ipso Ioānes pontifex maximus,
 vt decumas colligi permetteret in Gallia, ab om-

nibus clericis, semper recusauit, donec Ioannes, (qui tunc bellum aduersus Lodoicum Bauierium Imperatorem administrabat) mediam decumarum portionem promississet, homines huiusmodi vocat Hesiodus *βροτῆας δορωφάγους*, qui sic alibi monet,

Μὴ κατὰ κέρδ' αἶνετε, καὶ κέρδεα ἴστα ἀτρίσι.

'Ne malè lucreris mala lucra equalia damnis.

Quod pluribus versibus prosequitur. Verum incidimus in tempora, quibus ut est apud Iuuenalem,

— *Lucri bonus est odor ex re*

Qualibet,

Et iuxta Ennium,

Nemo querit unde habcas, sed oportet habere.

Sed melius Hesiodus, lucrum puta lucrum, si sit iustum,

Κέρδος ἢ γὰρ κέρδος, ἀνδραγαθόν ἢ.

Itaque, si Plutarcho credimus, oportet manus habere continentes, imò potius nullas ad hoc opus habere, quia multi quod manus iniecis-
sent, lucro iniusto omnè anteaactæ vitæ gloriam
tanquam effundendo amiserunt, ut Gylippus
apud Spartas. Verba Plutarchi sunt in libello
de puerorum educatione, τὰς χεῖρας τινὲς ὑποχον-
τες λήμμασιν ἀδίκους πλεῖν δόξαν τῶν ἀποβλεπωμένων
ἔξεχεαν ὡς Γύλιππος ὁ Λακεδαιμόνιος τὰ σάκεα τῶν χει-
ρῶν παραλύσας φυγὰς ἀπηνάθη τὸ σπάρτης. Ibi
rem tantum attingit extremis vngulis, sed hi-
storiam repetamus ex vita Lyfandri. Gylippus
Lacedæmonius, cum pecuniarum saccos dissol-
uisset,

EPIGRAMMATVM.

51

uisset, nec vidisset summā adscriptā in sacculis,
clanculum aliquid surripuit, saccos ubi tradidit
ephoris summa non est inuenta, exclamauit
seruus eius, quā multæ noctuæ iacent in rete-
gulis domus heri mei: alludens ad impressam in
moneta noctuarum effigiem, ibi enim, in rete-
gulis, videlicet suæ domus, pecunias absconde-
rat: Gylippus furti reus iudicatus in exilium
missus est.

In quendam mercatorem, qui naufragium
cum fecerit se rursus credit Oceano.

Oceanum, quassa, subiurum, puppe negabas,

Nec metuis sarta rursus adire rate.

Qui semel euasit metuenda pericula Ponti,

Si sapit ille timet credere uela noto.

Postquā duo malorum genera, quæ Menander
assignauit attigimus, de tertio & postremo, de
aqua scilicet nobis est aliquid dicendum, ut ste-
mus pollicitationibus. Itaque censeo bonum
esse, & utile Socratem imitari, qui nunquam
vult mari sese committere, quoties quod tendit
potest absque nauigatione peruenire: etenim
ut ait Ouidius,

Est tua tam propè mors quā propè cernis aquam.

Utque Iuuenalis Saty. 4.

— Qui nauem mercibus implet

Ad summum latus: tabula distinguitur uda.

Et ubi congratulatur Catullo erepto à naufra-

gio, indicat manifestè,

— dolato

Confisos ligno, digitis à morte remotos,

Quattuor aut septem, si sit latissima tæda.

Vt & Catullus ipse dum Pætum ad Pharios portus demersum luget. Bias quoq; dubitabat mortui ne essent, an viuerent qui nauigarent, dum itaque rogaretur, pluresne degerent in viuis, an plures essent mortui: rogauit item, num haberentur inter mortuos ij qui nauigarét. Quid Anacharsidem commemorem, qui eas demum naues dicebat esse firmissimas atque tutissimas quæ terræ innatarent? Cui sententiæ neruos atque robur adferre videtur Epigrāma quoddam, quod est ad Anacreōtis calcem, cuiusnam sit, (cum id doctissimi quique in dubiū reuocarint,) meum nō est asserere. Illud autem docet, naues ex portu si fieri potest, prospici oportere: quòd si oceanum aliquando subire contingat, emergere quàm citissimè.

Ἐκ γῆς χεῖ κατίδειν πλὸν

Ἐἰ τίς δύναιτο καὶ παλάμῳ ἔχει

Ἐπει δὲ καὶ πόντῳ γένηται

Τῷ παρόντι τέχειν ἀνάγκη.

Qui mare vitauerit, malum non mediocre videbitur effugisse. Proinde Terentius,

Fortunate nescis quid mali præterieris, qui nunquam Ingressus es mare.

Tum Plautus in Rudente,

Qui homo sese miserum & mendicum dolet,

Neptuno credat sese atque totam uitam.

Quorsum

Quorsum mare adeunt homines? Quorsum tot
subeunt pericula? Quomodo non timent? fir-
mam aquam & solidam Deus effecisset, si per
eam incedi voluisset.

Necququam Deus absceidit

Prudens oceano dissociabili

Terras, si tamen impie

Non tangenda rates

Transiliunt uada.

Audax omnia perpeti

Gens humana ruit per uetitum nefas.

Et paulò pòst,

Nil mortalibus arduum est.

Quod sic

Oppianus ad verbum in venatione habet,

Οὐδὲν μέροτεσσιν ἐμύκανον, ἔ γαίαν μήτε γῆν

Οὐ κέλπον ἐυρώεντα Τηλαράης.

Sed cum omnibus valdè metuendum est iter
maritimum, tum ei potissimum, opinor, erat
metuendum, qui primus omnium nauigauit, de
quo sic Horatius superius paulò,

Illi robur ἔσ' ἄς triplex

Circa pectus erat: qui fragilem truci

Commisit pelago ratem

Primus.

Aliud verò est quod me non minus vehemèter
rapit in admirationem, qua ratione qui iam nau
fragium perpessi sunt, mare iterum adire, & na
uigationem suscipere non dubitant,

Mercator metuens, otium ἔσ' oppidi

Laudat rura sui, mox reficit rates

Quassas, indocilis paupericm pati.

Sed hoc certè reuocandum est ad hominis inconstantiam, qui

Quod petiit spernit, repetit quod nuper omisit.

Veram amicitiam nasci ex morum similitudine bonorum.

Charior es, mihi crede, sinu, me charior ipso es,
Scilicet es sapiens & studiosus, amo.

Nec tibi sum charus, quorsum? sapientia mentem

* Non colit ulla manus, peius inane gero.

Haud igitur (quoniam desunt hæc uincula) sperem,
Possis ut Acacides esse, Patroclus ego.

In amicitia laudibus multus esse hoc tempore non decreui, res enim per se perspicua est, adeoque prolixa, ut opus certè nō sit vnus diei: sed in eo totus esse volo, circa quod Epigrāmatum est: veros scilicet amicos eos esse, quos morum similitudo inuicem implicauerit atque copularit, ut meritò dicatur amicitia animorū cōmunio, quæ fieri nullo modo potest, si aliud velle, aliud nolle intercesserit, ex quorū conformatione morum similitudo dependet, cum actionum omnium quæ fiunt, voluntas sit veluti scaturigo, ex qua tanquam riuuli profluant. Quod hercle Ciceronem mouisse potuit, ut in Lælio diceret, nihil esse appetentius similiū, quàm amicitiam, quæ iucundissima demum est, si eam morum similitudo bonorum cōiugarit, de qua ita Boetius inquit: Similitudo amorē

EPIGRAMMATVM.

ss

rem dilectionemque conciliat, est amica, odiosa
atque contraria dissimilitudo. Eas igitur amicitias
quas vel spes vtilitatis aliqua fecerit, (quales
sunt amicitiae fenum) vel quas voluptatis
gratia quispiam inierit, (vt iuuenes ferè solent)
perbreue nescio quod tempus dissoluere potest.
Ideo cum amicitiam veram nihil laedere, delere
nihil vnquam possit, argumento est eam solam
amicitiam esse veram, quam morum similitudo
contraxerit: cum quandiu remanserit hæc, tolli
nullo pacto nec labefactari possit illa. Vnde
Prouerbiorum exiisse loco dicit Aristoteles 8.
Ethic. ca. 1. pares cum paribus, & gracculus cum
graculo: quibus similia sunt apud Erasmmum,
simile simili gaudet: æqualis æqualem delectat:
simile semper ducit ad similem: cicada cicadæ
chara: formica formicæ: à quibus non valde di-
scerepat illud Terentij, mulier mulieri magis
congruit. Nec me valde conturbat Heraclitus,
dum ait contrarium & vtile esse, & ex dispari-
bus pulcherrimum concentum oriri, ex discor-
dia omnia fieri: non sum enim nescius, quatuor
illa corpora simplicia, ex quibus omnia concre-
uerunt, contrariis esse qualitatibus affecta: non
ignoro duo illa rerum naturalium principia, hu-
midum & calidum sibi inuicem opponi, & res
omnes producere, dicente Ouidio Metamor. 1.

Quipe ubi temperiem sum: fere humorq; calorq;

Concipiunt, & ab his oriuntur cuncta duobus.

Versus Euripidis quosdam adfert Aristoteles ci-
rato cap. antequàm Heracliti proferat senten-

tiam adferre, sed qui cum Hæraclito consentire videbatur Ouidius, aduersabitur eidem,

Cumq; sit ignis aque pugnax, uapor humidus omnes

Res creat: & concors discordia fœtibus apta est.

Ij sunt versus Ouidij, quibus effertur meritò concors discordia: ex contrariis siquidem medium, ut exortū est, nulla iam est discordia. Itaque magis placet Empedocles. Quanquā certē nō video quomodo me possem ex vinculis iis expedire in quē me posset aliquis iniicere. Nam video contraria ad perfectionem vniuersi conducere, (quæ magna laus contrariorum est) ut sublatis ē medio contrariis, stare nequeat vniuersum ipsum, cum species vniuersum constituent, & species sint omnes contrariæ, quod Aristotelis non modo, sed omnium Philosophorū doctrina conuincit: idcirco nihil eorum inficiabor, sed contraria à contrariis appeti non cedam. Cōtrarium enim natura docet: nam ex Plinio, si oliuam plantaueris, vbi quercus fuerit aliàs (quæ arbores non sibi congruunt) oliua marcescit, ac interit. Et ex Plutarcho de odio & inuidia, cornicum & vlularum (inter quas est maximū dissidium) sanguis, licet mortuarum, permisceri nequit: quòd si quis vtriusque sanguinem vnà cōfundat, seorsum diffluit. Item ex Plinio ouibus tympanum ex lupina pelle confectum terrorē incutit, ac si suspendatur lupina pellis in ouili, oues formidolosæ pabulum deferunt. Quemadmodum contra res etiam inanimatæ inter quas quædam est affinitas

tas, se desiderare videntur, & sua coniunctione delectari, veluti palea attrahitur à succino, & à magnete ferrum, vt dicit Plato in Ione, nec modo ferrum, sed ipsum ferrum, qui magnetem tetigerit, aliud ferrum attrahere, quod planè dicit Lucretius lib. 6.

*Quod superest agere incipiam. quo fœdere fiat
Natura lapis hic ut ferrum ducere possit.*

Hunc lapidem magneti uocant, &c.

Rem longius prosequitur, sed ne videar rem velle aperire occultam, & implicatam in naturæ visceribus, circa quam summi homines toti fuerunt occupati, neque hilum profecerunt, & vt ait Aristophanes, imprimisque Plato in Timæo, quia si valeret eius ratio, sequeretur magnetem omne corpus attrahere tam bene, ac ferrum: ne igitur, inquam, videar earum rerum velle nimis audacter affinitatem ponere pro causa (quam fateor assignare me nō posse) moneo me ex sententia doctissimi nostra ætate viri, Iosephi Scaligeri, loquutum esse, qui dicit id fieri, quia magnes ferro conseruatur, & palea succinum. Quod reliquū est, pro rato habemus amicorū verum illud esse genus, quos morum similitudo connexerit, non illud eorum quos vel utilitas, vel voluptas sibi inuicem insinuauerit, vt hoc Epigrammate facetè indicauit Marcialis:

Hunc quem coena tibi quem mensa parauit amicum,

Esse putas fide pectus amicitiae,

Aprum amat & mullos, & sumen, & ostrea, non te,

Tam bene si cœnem noster amicus eris.
 Per cœnam intelligamus quâlibet voluptatem
 & vtilitatem.

Eiusdem argumenti aliud
 Epigramma.

MECUM sæpe loqui, uersari sæpe uolentem
 Te fugio, quereris, nactus & ipse queror.
 Nescio quid redoles, mea te ui. odor a recusat,
 Iuglandes redoles, talis abhorret odor.

Similitudo mater est beneuolentiæ, consuetu-
 dinis & familiaritatis conciliatrix, quo fit ut iu-
 uenes inter se libenter conueniant, senes cum
 senibus congregentur, nugetur, confabulentur.
 Et eorum cœuentu capimur, quibus sumus ætate
 pares: sed eorum citius quibus sumus similes
 moribus. Nullum vnquam vidi iuuenem, quem
 eius familiaritas delectaret, qui pubertatis an-
 nos cum attigisset, infantis personam sustineret.
 Nullum vidi matura ætate virum, qui cum eo
 viro commercium habere vellet, qui iuuenile
 quippiam saperet. Quamobrem prospiciendum
 est, ut ea quisque præstet quæ ætati suæ sint ac-
 commodata, neue consilium exuperet ætas: qui-
 bus quod accidit, eos vocat Aristot. Ethico. i.
 pueros centum annorum. Ridiculum esset, iu-
 uenem nuces tractare, virum virtutis excerci-
 tio non assuefactum esse, senem iocis amoribus-
 que vacare: neque enim probo Anacreontis Teij
 sententiam, qui sic dicit:

Λέγουσιν αἱ γυναικες
 Ἀνακρέων γέρων ἰὺ
 Λαβὼν ἕσοπλον ἀτρεῖ
 Κόμας μὲν ἐν ἔτ' εὔας
 Ψιλὸν ᾧ σεῦ μέτωπον.
 Ἐγὼ ᾧ τὰς κόμας μὲν
 Εἰτ' ἰσὶν εἰτ' ἀπαλλθὼν
 ἐν οἷδα, τέτο δ' οἷδα
 ὧς τῷ λέγοντι μάλλον
 Πρέπει τὰ τέρπνα παίζειν,
 Ὡς πᾶς πᾶσιν τὰ μόρην.

Cui planè aduersatur Ouidius,

Turpe, senex miles, turpe, senilis amor.

Catullus hæc opprobria facta seni cuidam amatori recenset,

Hunc puer, hunc iuuenis, turba circum stetit arcta.

Despuit in molles, & sibi quisque sinus.

Ex quibus apparet quàm cuique sit optimum ætati suæ consulere dum quid agit.

Amicitiam veram durare, & præsentem
 esse amicos, licet absint.

Nomina lætæ tuæ me misisse per undas,
 Immemoremq; tui dicis, amice, tace.

Sis procul, à tergo quamuis, sis ante, quid obstat?

Hæc non dissolunt fœdus amicitie.

In amicitia contrahenda, firmâ potissimum &
 stabili, longa serie temporum est opus, salisque
 modij multi sunt comedendi cum eo quem tibi
 volueris deuincire, antequam eum sis expertus,
 quem

quem esset melius amicum facere, quàm habere: poteris enim studiis alterius erga te respondere: ille verò quem tibi amicum feceris, veri amici officio atque muneri deesse timebit, cauebitque ne in culpā & peccatū aliquod videatur incidisse. Amicitia enim ea remansura demum est, quæ spontanea est, nec beneficiis extorta. Erit autem huiusmodi, si virtutis & honestatis nomine colatur tantum: sin aliquem ad aliquod sceleris fœdus adsciuerimus, amicitia illa perstare quidem ad sceleris absolutionem vsque potest, hoc verò patrato, confestim non dicam dissui, sed cum impetu disrumpi, atque in partes dilacerari necesse est. Et ista quidem est Isoeratis sententia in exhortatoria concione ad Demon. *Τὰς μὲν τῶν φαύλων σὺννεθείας ὀλίγοι χρόνοι διέλυσεν. τὰς ὅ τῶν ἀρεταίων φιλίας ἔδ' ἂν ὁ πᾶς αἰὼν ἐξαλίφειν.* Quod enim ad illud pertinet sapè videre, licet grassatores suas acies in seipsos quotidie contundere, eosque diuidi singulis propè diebus. Quod ad postremum attinet, amici qui facti sunt studio virtutis & amore pietatis, eos ad extrèmium vsque diem vnanimis esse patet, de quibus dicamus cum Horatio,

Fœlices ter & amplius

Quos irrupta tenet copula, nec malis

Diuisus querimoniis.

Suprema citius soluet amor die.

Amoris pudici statuam extitisse talem accepimus, vt insculptum esset in capite, longè & propè: quo monebantur veteres, locorū intervalla amicitias

amicitias non tollere, sed exercitium & consuetudinem dūtaxat, vt vult Isocrates citato loco: dum ait amicos veros & bonos nō tantum colli à suis amicis, dum adfunt, sed etiam absentes longissimè, δι μὲν γὰρ de bonis loquēs, τὰς φίλους παρόντας μόνον τιμῶσιν ἄλλα καὶ μακρὰν ἀπόντας ἀγαπῶσι. vnde Dido apud Virgilium, Æneam

— Absentem absens, auditq; uidetq;.

Quanquam de eo amore non loquimur, quo ardebat Dido, verum de eo, de quo Euripides iis versibus,

Ἄλλ' ἐστὶ δὴ τις ἄλλος ἐν βρότοις ἔρως

Ψυχῆς διαίας σώφρονος ἢ καγαθῆς.

In umbilico legebatur, antè & à tergo: nam veluti stylus qui magnetem tetigerit, vergit semper versus Septentrionem: sic animus amici qui amici tetigerit animum, versus amicum vergat semper necesse est. In pedibus autem legebatur, post mortem & antè. Mors enim corpora disgregat, animos separare non potest. Erga Menandrum regem suum ita fuerunt affecti Bactrienses, vt eo demortuo decertarent vrbes quānam haberet regem: decretum itaque est, vt vnaquæque vrbs eius funera celebraret ad seditionem sedandam. Virgilius in Epigrammate de obitu Mœcenatis amicitiam etiam post mortem perstare indicat,

Et decet & certe uiuam tibi semper amicus,

Nec tibi qui moritur desinit esse tuus.

Ipse ego, quidquid ero, cineres intèrque fauillas

Tunc quoque non potero non memor esse tui.

Amico

Amicorum inter se studia & officia.

Talia uinxerunt inter se uincula fratres
Tindaridas, ut nil firminus esse queat.

Castor non mortu rsquamna prognatus eadem
Interit, & casses non iugit ille necis,

Ab Ioue, perpetua, poscit, de morte resurgat
Frater: sic geminos mors capit atque fugit.

Non modo propter te stygios ad tempus adirem

Portus, perpetua nocte potirer ego.

Omnibus animalibus insitum est & viuere, & vitam quantum fieri potest protrahere, cum qui semel fato concesserit, spiritus de nouo resumere, hoc est vno verbo, rursus viuere non possit, fictum & e mentitum amicorum illud genus esse non potest, qui non modo sua omnia postponunt amicorum salutem, & qui vitam ipsam eorumdem causa non dubitant efflare. Quod quoniam est rarum in amicitia, & singulare, est & pulcherrimum. Nec tamen est difficile, si intellexerint amicitiam esse lucem vitam, qua non tam eligerent plerique orbatos esse, quam emori. Si tam multi, quia fructum suarum libidinum non consequerentur, sibi violentas manus adferre non dubitarunt: quis mirabitur aliquem qui mortem oppetat pro amico quem caste, sincere & pure prosequitur? Eos certe secum amicos habere melius est, quam praesidiis undique munitum esse. Quapropter Isocrates Demonico tria tantum suadet habenda esse praesidiorum genera: quorum primum est amicorum virtus,

vt enim ait Claudianus:

Non sic excubiæ, non circumstantia pila,

Vt tutatur amor.

& Cicero secūda Philippica, Nōne igitur mil-
lies perire est melius, quā in sua ciuitate sine
armorum præsidio nō posse viūere? sed nullum
est isthuc, mihi crede, præsidium, charitate & be-
neuolentia septū esse oportet, non armis. Quod
fermè tenebat Augustus: rogatus enim num
veller habere custodias, respōdit, se malle quod
satiū esset mortis gradum semel oppetere,
quā in perpetuo vitæ periculo versari, conti-
nuōque metu languescere. Milites siquidē cor-
rumpi possunt: amici nequaquam: eos enume-
rare qui præsidiis suis atque custodibus assen-
tientibus, nec resistētibus vllō modo, cum mul-
tis possent, longum esset. Alterum genus est ci-
uium vnanimitas, tertium principis ipsius pru-
dentia constituit. Verba sunt Isocratis ista,
*Φυλακὴν ἀσφαλεστάτην ἢ τὸ σῶμα τος ἐστὶ πῶτε ἢ τῶ
λῶν ἀρετὴν, καὶ πῶτε ἢ τῶ πολιτῶν εὐνοσίαν καὶ σ' αὐτῶ
φρόνησιν.* Eius autem sapientia & prudentia non
erit mediocris, vt vult Agasicles, qui imperet
subditis, vt pater liberis: & hac ratione poterit
tutō degere spretis custodiis.

Propter diuitias plerosque obliuisci
amicorum.

M Iror cum fueris sodalis olim,
Et cum non fueris superbus unquam,

CUR

Cur nunc incipias. Latet. Quid istud?

Cur te difficilem fidis amicis

Præbes? Diuitiæ tibi paternæ

Succedunt. Vt opes, crescit amici

Horror: nî teneat perampla rura.

Sequentium Epigrāmatum expositionem (quoniam cum isto volumus coniungere) necessariū est visum ea prius adscribere, & in hunc locum congerere.

Amicorum obliuio spontanea.

Versabar comiter quondam, reminiscere, tecum:

Si tamen occurrî, dicis, Amice, quis es?

Ignotus tibi sum: notus tamen, ut pote fingis,

Dignior esse putas, cum simus ambo pares.]

In quo pares & impares sint homines.

Non mihi communis tecum fortuna, supersunt
Ludus quæ furto callidiore rapit:

Attamen inter nos illud commune putatur,

Tarda quòd aut properans nox manet una duos.

Alexander mortuus ac tumulo destitutus.

Pelei madidas salsus adit genas

Humor, nec satis est orbis unus sibi:

Tandem, fila suæ soluit ut Atropos,

Vite, nec cineres urna tegit suos.

Memi

Meminerit quisque qualis sit.

CVr uestrum, iuuenes, thoraca, uestri
Cordis, bulla tegit, ferens figuram?
Cordati, memores monilis, este

Et pensam meriti referre bullam.

Dux sunt res quæ dum contingunt, eos vt plurimum disgregant, quos quilibet indissociabili vinctos copula iudicasset. Altera est quando eorum vnus qui necessarij videbantur, loco motus est, atque de sua sede depulsus, fortunæ varietati cōmittitur: eiusque cōmiserationi exponitur. Prætereo versus Ouidij, tanquam peruulgatos,

Aspicias ut ueniant ad candida tecta columbæ,

Accipiat nullas sordida turris aues.

& cætera. nam quid aliud sonat in Elegijs? Non video quid necesse habeam Ciceronem appellare, qui in Rhetoricis hirundinem cōfert cum iis qui amicos deserunt, illa enim vere nouo ad nos aduentat, communique vtitur hospitio: hyems si redit, deuoluat. Quid recitē illud Pindari, quod habetur ode 10. Stroph. 5. in Nemeis,

Παῦροι δ' ἐν ᾠόνῳ πρὸς οὐ βροτῶν.

Id pluribus persequi non est instituti nostri. Altera est, quando quis eorum qui amici videbantur fit opulentior & potentior, ideoque dixit Isocrates, mores filiorum cōmutari accedente hæreditate paterna, quemadmodum suam mutant substāciam, hoc est suas facultates. ἀπέπει γὰρ τὰς αἰδίας. ὡς περ τὴν ἐρίαν, ἔτω καὶ τὴν κατ' ἐμὴν

καλονομεῖ. Hoc quoque fit quando quis eorum in eminentiore loco ponitur: ut enim vulgo dici solet: honores mutant mores, quemadmodum apud Arithmeticos varia numerorum sedes, ipsorum mutant valores, sed vehementer errant qui se ut vident in summis honorum apicibus esse collocatos veteres amicitias negligunt, quod quam sit pessimum non percurram, ob longam nimis digressionem, ex qua me non possem expedire liberè. Meminerint se homines esse & propterea pares. Hæc sunt verba Ciceronis. Homines nos esse meminerimus ea legematos, ut omnibus fortunæ telis proposita sit vita nostra, neque esse recusandum: quo minus ea qua nati sumus conditione viamus. Quod ut in aduersis videndum, tum & in prosperis rebus prospiciendum est & considerandum. Cauendum enim est ne illis deprimamur, his autem insolescamus, sed quid honoris nobis deferatur, id, quantumcunque sit, personæ quæ sustinemus, & magistratui quem gerimus, tribuamus, quod faceto Gabrias indicauit apologo, de quodā Asino aureum idolum humeris suis impositum portante, quod cum obuiam facti adorarent omnes flexis genibus, intumuit, & properare nolens id honoris sibi deferri putauit, sed agaso arrepto baculo percussit Asinum dicens, ὦ ασινε νῶ es Deus tu, sed portas deum.

ὦ μοις ὄνος παρῆλθ' ἀργύριον βρέτας
Ὅπερ σικαντῆρ' ὥς τις αὖ ἐπροσκύνει
τύφῳ δ' ἐπαρθεῖς μὴ θέλων μένειν, ὄνος
ἤκεσεν ἔ θεός σου ἢ θεὸν δ' ἄγεις.

Tarquinius

Tarquinius Priscus filium suum tredecim annos natum bulla & prætexta donauit, quòd hostem in prælio percussisset. Vnde ea cœperunt esse insignia nobilium Romanorum puerorũ. Quãquam à Romulo tradit accepta Plutarchus. Erat autem bulla figura cordis humani ex auro puro puto, quæ pueri è collo pendentem ante pectus gestabant vt meminissent se viros fore si corde valerent. Itaque constitutum sit animo tenere oportere, nec vnquã memoria labi, quales simus. Porro meminerint isti vadimoniorũ desertores (neque enim distant ab iis, qui amicos deserunt, dum non adsunt præsto quibus spopoderunt) meminerint inquã, se homines, suosque amicos quos deserũt eadem sorte creatos esse, ad eadẽque posse peruenire, ad quã ipsi peruenere, se verò forte non posse minimã eorum virtutẽ assequi, quod indicat Bilbilitensis poëta Epigrammate in Callistratum.

Sum, fateor, semperq; fui, Callistrate, pauper,

Sed non obscurus, nec malè notus eques.

Sed toto legor orbe frequens, & dicitur, hic est,

Quodq; cinis paucis, hoc mihi uita dedit,

At tua centenis incumbunt tecta columnis,

Et libertinas arca flagellat opes.

Hoc ego tũque sumus, quod sum tu non potes esse,

Tu quod es, è populo quilibet esse potest.

Meminerint præterea se mortales & ideo pares esse: personas enim nescit mors, neque huic potius quàm illi parcit. sic Horatius,

Aequa lege necessitas

Sortitur insignes & imos.

Omne capax mouet urna nomen.

Quod probat idem in dialogismo nautæ & Archita Mathematici ab inductione egregiorum virorum qui mortui sunt, sic alloquitur Architam nauta,

Te maris & terræ numeróque carentis arena

Mensorem cohibent, Archita,

Pulueris exigui prope littus parua Matinum

Munera, nec quicquam tibi prodest

Aërias tentasse domos, animóque profundum

Percurrisse polum morituro.

Respondet Architas Tarentinus mathematicus.

Occidit & Pelopis genitor coniua deorum

Tithonusq; remotus in auras.

Et Iouis arcanis Minos admissus, habentque

Tartara Panthoiden iterum orco.

Et paulò pòst,

— sed omnes una manet nox,

Et calcanda semel uia lethi.

Mixta senum & iuuenum densantur funera: nullum

Sæua caput Proserpina fugit.

Propertius,

Omnibus est eadem lethi uia,

sed ut ipse dicit,

— non tamen unus

Est uite cunctis, exitiique, modus.

Pindarus quoque diuites & pauperes ad mortis sepulchrum migrare indifferenter asserit,

Ἀφ' οὐδὲς τε πένι χροὸς τε θανάτου

Παρά σᾶμα ἰένται.

Memi

Meminerint quòd & morituri sunt, neque rursum victuri, vt ait P. Ronsardus post Catullum, cuius ij sunt versus,

Soles occidere & redire possunt,

Nobis cum semel occidit breuis lux,

Nox est perpetua una dormienda.

Falsum est apud Christianos qui credunt resurrectionem, sed tamen aliquo pacto intelligi potest Catullus, ab ipsismet Christianis (quales Dei beneficio sumus.) Meminerint quoq; illi, nihil nos reportaturos nobiscum post mortè. Magnus ille Philippi Macedonis filius Alexander mortuus est, vt patet ex dialogo Diogenis & ipsius apud inferos, quem habet Lucianus, & quod peius est, cui, vt ait Iuuenalis, vnus orbis non sufficiebat, tumulo destituitur, vt est & in ipso dialogo & in variis tuis lectionibus charissi. pater. Meminerint quoque honores diuitias & pompam exuere, nudosque cymbam Charontis ingredi oportere: parua enim est, & rimosa: ne itaque citius vergat in alteram partem, non multis sarcinis & grauibus oneribus adimpleri debet, & ideo cum omnia reiicienda sint pares erunt iis quos deseruerunt vel propter afflictionem, vel propter incrementum potentie propriæ. In Luciani dialogo Charontis & Mercurij, hic curam gerit, vt omnes nudi nauiculam conscendant. Itaque Menippus abiicit & peram & baculum vt ingrediatur. Charmoleus suam pulchritudinem & labia cum osculis, quorum vnumquodque constabat duobus talen-

tis, densam comam, genarum ruborem, atque adeo totam cutem iubetur exuere. Lampicus Gelorum non amplius tyrannus sed mortuus, fastum & superbiam deferit in littore monitus à Mercurio, neque hæc tantum sed & crudelitatem, violentiam, amentiam, & iracundiam, quibus non parum grauatur nauicula. Damafias ille carnosus athleta sua carne spoliatur, ne pedem alterum ponens in nauicula submergat eam, nec ei coronas & præconia secum deferre permittitur. Crato diuitias, mollitiem, delitias, maiorum suorum dignitates, genus & gloriam, statuarum inscriptiones, magnum sepulchrum & epitaphia respuere cogitur: quorum vel ipsa memoria non parum nauiculam onerat. Ideoque vter melius dixerit ignoro, Enniusne, an Solon, quorum alter dicit,

Nemo me lacrymis decoret, nec funera fletu

Faxit, nam uolito uiuus per ora uirum.

Alter vero amicorum suorum lacrymas petit post mortem: verum ut dicam cum Anacreōte,

Τὸ μὲ δ' εἴ λῖτον μὴ ζῆν,

Τὸ δ' ὅ γ' ἔειπεν μάταιον.

Cæterum Philosopho imperat Mercurius ut tollat ob longam barbam, elatiora supercilia, subtilitates, fallacias, dubia sua & quæstiunculas, Rhetori verborum inanem iactantiam, itaque non possum eos ludibrio nõ excipere, quos in variis lectionibus memoras, suas secum voluisse sepeliri diuitias: oportuerat enim illas sepelire dum viuerent, hoc est suas curas: nam ferme diuitiæ

uitæ curæ sunt. Exclamat itaque Palladas,

Χρῖστε πάτερ κολακῶν ἰδυνῆς καὶ φρόντιδος ἦε.

Καὶ τὸ ἔχειν σε φοβέσθαι, καὶ τὸ ἔχειν σ' ἰδυνῆ.

Quod epigramma Petrus Ronfardus Gallicū,
Alciatus Latinum fecit. Curas esse diuitias in-
dicat Propertius sub pecuniæ nomine,

Ergo sollicite tu causa pecunia uitæ,

Per te immaturum mortis adimus iter.

Tu Poetam ad Pharios tendentem linthea portus

Obruīs infano tēque quaterque mari.

Anacreon donatus duobus talentis à Polycrate
vt duas iam noctes se vidisset sollicitum, ea re-
iecit dicens se malle dormire liberè quàm curis
& anxietatibus excrutiari.

Isti quoque qui dum viuerent omnibus afflue-
bāt copiis, dolent maxime dum vident iis or-
bari se & mortē fores pulsare. Itaque in illo Lu-
ciani Dialogo, vt persequar, medias vt secant
aquas, simus hilares, ait Mercurius, quid plora-
tis? Solus Menippus absque lacrymis trāsibat.
Si plorandū propter mortē, mors certè metuen-
da est, si demum metuenda est, est quia mala. Vt
enim spes est futuri boni, sic metus imminētis
mali: atqui ante mortem nemo beatus: ergo quo
modo ploranda, metuenda, & mala mors esse
potest? Neminē beatum ante mortem esse posse
credidit sibi à Solone dictum Cræsus, cum se
ad extremas vidit redactum angustias: sed Oui-
dius quoque in ea est sententia Metamorph. 3.

— sed scilicet ultima semper

*Expectanda dies homini est dicique beatus,
 Ante obitum nemo supremæque funera debet.*
 Indicat & Trophonius qui post erectum à se té-
 plum Apollini, cum ea petuisset quæ beatum
 facerent hominem, triduum post mortuus est
 repertus. Reliqua præteribo quæ Tusculana pri-
 ma Tullius de proprio narrat instituto. Quod
 autem mors non sit metuenda quis vetat conii-
 cere ex iis quæ Mycilus dicit lib. Metamorph. 15.
 O genus attonitum gelidæ formidine mortis,
 Quid styga, quid tenebras & nomina uana timetis
 Materiem uatum falsiq; pericula mundi?
 Hæc Mycilus apud Ouidium. Nunquid mori
 satius est quàm vitæ splendore & lumine priua-
 tum viuere? At sese ipsi excæcant qui amicos
 deserunt. Vt enim Cicero in Lælio, solem è mun-
 do tollere videtur qui tollit amicitiam: & Pin-
 darus in Nemeis, orbatus luce est qui caret a-
 micis,

Οἱ χεταὶ τιμὰ φίλων ἄτωμένα
 φωτὶ.

Leuis mihi certè videtur esse causa amicitia de-
 serendæ opulètia deserentis, vel afflictio deserti.

Vultus index animi.

Tristis es, & præter solitum suspiria ducis,
 Ne, rogo, me celsa, suspicor esse aliquid.
 Exiliunt uenæ uehementius, ureris, aut quid?
 Quæ tibi tam subiti causa doloris adest?
 Istatuo, nulli tua uulnera nota, latere
 Corde putas, potuit prodere uultus, amas.

Quam

Quamquam ex rebus externis internas qui colligunt vehementer aberrant: nihil propterea veritatis atque splendoris deperdit hæc sententia, Index animi vultus. Animi est enim omnis actio, (ait Tullius 3. de oratore) & imago animi vultus est, indices autem oculi. Quod indicat locus ille quæ attulimus ex Seneca, quando de ira loqueremur. Qualis est animus, cuius extra imago tam fœda est? Imò & tota corporis figura interdum actio & moderatio qualis sit animus, indicat aliquando: vnde sic Zoilum ludit Martialis,

Crime ruber, niger ore, brevis pede, lumine luscus,

Rem magnan præstas, Zoile, si bonus es.

Pari ratione Fannium Chæream Cicero cauillatur pro Roscio Comædo, *Nonne ipsum caput & supercilia illa penitus abrasa, olere malitiam, & claudere calliditatem videntur? Nonne ab imis vnguibz vsque ad verticem summum (si quam coniecturâ affert homini tacita corporis figura) ex fraude fallaciis, mendaciis, constare totus videtur? qui idcirco capite & supercilus semper est rasis, ne vllum pilum viri boni habere dicatur.* Si Socratem & Æsopum proponimus, & reliquos qui viri boni extitere, cum essent facie non pulchra, quippe Socrates ridebat suas mulieres (tres enim habebat) quòd contenderent, de basiationibus ipsius dicens, cur æmulæ estis, & corruales propter basia hominis tam fœdi, qualis ego sum? Æsopi verò gibbum, & faciei turpitudinem (si turpitude est) quis ignorat? Sed vna hirundo non facit

ver. Si quis obiciat versum illum Ouidij:

Non formosus erat, sed erat facundus Vlysses.

Forma mulierum est, dignitas virorū, atque auctoritas. Si quis illius proponat verba, qui dicebat corpus effingere non potui, animū potui: cur non facis vt animi præstantia tollat obscœnitatem corporis? Vultus eorum videmus, qui sceleris alicuius conscij sunt, non constare sibi: initio ruborem emittere, pallere postea, plurēque colores inducere quā Prometheus. Itaque exclamat Ouidius Metamorph. 2.

O quā difficile est crimen non prodere vultu.

Præterea qui amant, tristitiam inducunt, immutant vultus, intumescunt eorum oculi. Plerique etiam pueros bonæ indolis esse coniiciunt ex facie. Nam & oculi nimis arguti (verba sunt Ciceronis 1. de legibus.) quemadmodum affecti simus loquuntur: & qui appellatur vultus, qui nullo in animante esse præter hominē potest, indicat mores. Itaque sic Pisonē increpat oratione 13. in illum, *Non enim nos color iste seruilis, non pilosa gena, non dentes putridi deceperunt: oculi, supercilia, frons, vultus denique totus, qui sermo quidam tacitus mentis est, hic homines in errorem impulit, hic eos quibus erat ignotus decepit, sefellit, in fraudem induxit.*

Francisci Petrarchæ triumpho hoc
Epigrammate contenti.

PECTORA vincit amor transfixa corde sagitta,
Virtutisq; iacet cuspide victus amor,

Virtu

*Virtutem superant lethalia fata : sed illa
Contemnit, tumulo splendida fama carens.
Tempore fama perit, verum supereminet ipsis
Temporibus, rerum conditor ille, Deus.*

Magna certè vis amoris, qui tentare omnia
nō veretur, vt meritò dicatur à Platone *παυτος
ἐμχερής*, sed neque solùm omnia pralio la-
cescit : quinimo & victoriam & gloriæ trophæa
reportat, triumphatque, & omnia domare pos-
se videtur, vnde etiam omnium domitor Græ-
cis appellatur hoc est *πανταδτωρ*. Ideoque di-
xit Virgilius,

*Omnia uincit amor, quid enim non uinceret ipse?
Quemadmodum ignis ferrum emollit: sic amor
durissima penetrat pectora. Nec modo carpit
infimæ conditionis homines, sed & reges ipsos,
ac imperatores: quanquam ait Ouidius 2. Meta-
morpho.*

*Non est conueniens, nec in una sede moratur
Maestas & amor.*

Sed sceptrum in altero bilancis ponatur lance,
amor in altero, proculdubio declinabit amor in
infimam partem, & excedet grauitate ponderis,
vt enim ait Tibullus, quod quoque habet A-
nacreon,

*Nescit amor priscis cedere imaginibus.
Coluerunt itaque veteres amorem ob eius affe-
ctus potentissimos, nec sufficit quod vitium
coluerint, Deos ipsos fecerunt *ἀνθρωποπαθεῖς*,*

*Nec satis est quòd tale nefas committitur, ipsos
Inscribere Deos sceleri numénque supernum.*

Quid

Quid memorem amores Apollinis? Quid conuocato Deorum omnium cœtu, Martem cum Venere vinctum compedibus prodam? Quid furta dicam maximi Deorum omnium Iouis? Apud Lucianum in dialogo *Διὸς καὶ ἔρωτος*, Iupiter se superatum fatetur à Cupidine, quippe dicit se propter amorem aliquando factum esse satyrum (Nyctæides scilicet amore captus) taurumque (vt frueretur Europa) aurum (vt Danae) olorem (vt Læda) Aquilam (vt Ganymede.) Verba Luciani quibus Cupidinem alloqui Iouem facit, subsequuntur *ὥστε μὴδὲν ἔστιν ὃ μὴ πεπρωκας με. Ἰατὺρον, ταύρον, κύωνον, αἶτον.* sed multò plures Iouis *μεταμορφώσεις* enumerat Ouidius, præter superiores, quas etiam tradit. Versumque dicit fuisse in Dianam, vt Calistus frueretur amplexibus, in Amphitryonem, vt in Alcmenes foueretur molli sinu, in igne vt clandestinè Asopidem subriperet, in pastorem, vt Mnemosinem corrumperet. Quid à Mercurio vitiatam Chionem commemorem? Quid Neptuni? Quid Apollinis mentitos recitem vultus, vt suis amoribus flagitiosissimè, ac impurissimè inferuient? Magna certè vis amoris: tamen malè mihi videtur sic proponere Virgilius,

Omnia uincit amor,

Et concludere quoque malè,

— & nos cedamus amori.

Etenim quoniã superatur ipse amor, necesse est id saltem à quo superatur inuictum perstare, & amorem ideo non omnia vincere. At amor vir-
tuti

tuti cedit, hoc est castitati, quæ ipsum amorem miserandum in modum dilacerat, neque alius est opinor, quàm ἀντίρως, à quo vinctum vidisse videor in epigrammatis Græcis Venercum amorem (quanquam vterque Venerius dici potest pro ratione duplicis Veneris, sed de communi loquimur) atque huius ignes alterius consummi flammis, hoc est amoris virtutis, qui contrarius isti est: idcirco ἀντίρως dictus est. Itaque
1. de arte amandi sic Ovidius,

Alterius vires subtrahit alter amor.

Castitatem autem superat mors, corpus quippe separat ab anima, quo sine castitas nulla est, & qua separatione facta, homo ea quæ sunt virtutis agere non potest. Fama verò spernit mortem, neque enim eorum qui in hoc vitæ stadio vno semper cucurrerunt anhelitu, neque vitiosos spiritus emisere, vnà cum corpore nomen, & laus omnis emoritur, nec deletur memoria, Odo de Variis, veluti author est Æneas Silius, Iulianum, Cardinalem Sanctangeli, quondam eo scommate excipere voluit, cum circa lectionem antiqui cuiusdam authoris occuparetur, dixitque, Quid tamdiu versaris cum mortuis? Respondit Cardinalis, satius est versari cum iis qui fama viuunt & nomine, quàm tecum, cuius nomen extinctum est, & cum viuas, re non viuas. Nunquid Ennius famam tumulo carere iudicauit dicens,

Nemo me lacrymis decoret nec funera fletu

Faxit, nam uolito uiuus per ora uirum.

Et

Et nescio quid sibi velit Solon,

Mors mea ne careat lacrymis.

Veruntamen ætate, longaque temporum serie
fama perit, quæ ut vult Horatius,

— effodiet, condetque nitentia.

Deus autem qui est ante tempus, supereminet
ipsis temporibus, cum tempus procedat ex mo-
tu primi mobilis, ut placet Aristoteli, quem se-
cit Deus optimus maximus.

Solam Mineruam amore non capi.

Non parcis Veneri, non Marti, Iuppiter ipse
De telis queritur, parue Cupido, tuis.

Iuppiter est summus diuum, Venus aurea mater,

Cur intacta manet sola Minerva tibi?

Apud Lucianum in dialogo Veneris & Cupidi-
nis queritur ad cupidinem Venus, quod nec Io-
ui, neque Apollini, neque Mercurio neque Iu-
noni, neque Neptuno, neque ipsi matri parcit,
intactam autem solam relinquit Mineruam, &
aduersus eandem est sine igne, sine arcu & sa-
gittis *ἄπυρος ἄτοχος καὶ ἀσολος*. Cupido respōdet,
hanc equidem vereor, mater, est enim formi-
dolosæ, rigida, grauis, seuera, atque indefessa. At
subiicit Venus, Nūquid Mars est timendus ma-
gis. Respondet Cupido, Me lubens admittit, me
prouocat. *ἀλλ' ἐνέινος ἔχων προσεῖται καὶ προσχάει*
με. Minerva autem me eiicit, è manibus sagit-
tas abripit, lampadem habet accensam, qua
me præcauet atque præuidet, nunquam illam
ego

ego reperio labore vacantem, continuo molitur aliquid, negotiũ aliquod pertractat, & semper versat aliquid. Quod certè remedium aduersus amorem est optimum: neque illud præterit Ouidius quarto de remedio amoris,

Ergo ubi uisus eris nostra medicabilis arte

Fac monitis fugias otia prima, meis.

Hæc ut ames faciunt; hæc que secrete tuentur.

Hæc sunt iucundi causa cibusque mali.

Otia si tollas periere cupidinis arcus,

Contemptæq; iacent, & sine luce facces.

Idcirco neque Minerua, vt patuit, neque Musæ, neque etiam Diana succumbunt amor. In Florileg. Epig. Græcorum, legitur hoc Epigramma,

Α' κύπρις μέσαισι, ποράσα τὰν ἀφροδίταν

Τιμᾶτ' ἢ τ' ἔρον ὑμῖν ἐφοπλισμαί.

Καὶ μέσαι ποτὶ κύπριν ἀρεὶ τὰς ὥμους τιμᾶ

Ἡμῖν δ' ἔτι τῶν τῶτο τὸ παιδάριον.

quod sic Latinum feci,

Cypris ait Musis, Cytheren colitote puella,

Aut Cytheres ad uos irruct ipse puer,

Marte ualet. Musæ Marti referenda dedere

Talia, nescit nos paruulus ille puer.

Dianam quoque nō potest ferire, quippe semper vagatur in saltibus, modò ceruum persequitur, modò verò aprum, ac tota venationi dedita, nunquam ab hoc studio animum auocat, nunquam otiosè degit, ideóque vocarunt hanc poëtā virginem asperam, atque idcirco facile mihi persuaderem Horatium venatorem coniugis immemorem dixisse, quia totus huic

studio

studio sese applicet, vt nequidem dum domum
reuer titur conquiescat, at semper de sua vena-
tione cogitet, vt enim Ouidius,

Venator defessa thoro dum membra reponit:

Mens tamen ad syluas & sua lustra redit.

Quemadmodum etiam ipsi canes nihil auidius
appetunt quàm venationem, si huic rei fuerint
initiati: sic de ipsis Horatius in Epistolis,

— *Venaticus ex quo*

Tempore ceruinam pellem latrauit in aula,

Militat in syluis catulus.

Sic idem de Venatore Ode prima libri primi
Carminum,

— *Manet sub Ioue frigido*

Venator teneræ coniugis immemor,

Seu uisa est catulis cerua fidelibus,

Seu rupit teretes Marsus aper plagas.

Itaque ratum est eos, qui desidiâ fugiunt, ac
turpe otium, amore non posse capi.

Amor cur dicatur à veteribus puer, & cur
non sit infectus rubigine arcus eius.

Dic mihi, cur puerum uetus ætas finxit amorem,
Qui uincit Pylî tempora longa senis?

Dic mihi cur arcum nulla rubigine lesum

Possidet? ille omni tempore tendit eum.

Puerum Cupidinem finxere veteres, vt patet
ex omnibus poëtis, vtque fatetur ipse Cupido
contundens Anacreontis ostium,

Βρέφος ἐμὶ, μὴ φοβήσῃ.

Sed

Sed firactionem ætatis habere volumus qua homines incenduntur, & amare incipiunt, profecto dicetur adolescens. Nam & Plurarchus inter vitia quæ solent adolescentibus accidere, παρθένων ἔρωτας καὶ γυναικῶν ὑποφορίας enumerat. Et Licurgus apud Xenophontem ἐν τῇ τῷ Λακεδαιμονίων πολιτείᾳ, cum videret ex adolescentia nasci spiritus, & insolentiam emergere, ac voluptatū cupiditates, statuisse dicitur, adolescentes ad verecundiam informare cupiens, ut ij per vicos incedentes manus intra palliolum continerent, silentium obseruarent, nec quicquam spectarent, quàm quod ante pedes esset, nec labra magis, aut oculos, quàm si lapideis vel igneis essent oculis, mouerent, ut sic verecundi essent & se temperarent ab iis flagitiis. Deinde vero in comædiis, portarum eruptiones, amores impudici, stupra & id genus execranda, flagitia tribuuntur adolescentibus. Incidit porro in locum quendam Anacreontis, vbi tribuit ἑλὲς Cupidini. Ac si tribuendi sunt, ratio est quam attulimus. Si vero ætatem perpendamus ipsius amoris, & quo tempore viguerit ut concludit Iupiter in huius dialogo ac illius, apud Lucianum, erit, hercle, Iapeto vetustior. Amor sermonem inchoat. Ἀλλ' εἰ τι ἡμᾶρτον συγγνώμη μοι ὦ Ζεῦ. παίδιον γὰρ εἰμι, καὶ ἔτι ἀφρων. Ζ. σὺ παίδιον ὦ ἔρως, ὅς εἰς χαίστερος εἶ πολὺ τῷ Ἰαπείτῃ & cætera. Sed puerum cum finxere veteres, quod licet versutus, ac dolo malo refertus: est tamen expers boni consilij. Puerorum enim est imperfectum consiliū,

vt vult Aristoteles. Optimè igitur Parmeno, apud Terentium in Eunuchis, quod sumpsit Horatius Satyræ quadam,

Here, quæ res in se, neque consilium, neque modum

Habet ullum, eam consilio regere non potes.

In amore omnia hæc insunt uitia: iniuriæ,

Suspiciones, inimicitia, inducie,

Bellum, pax rursus: incerta hæc si tu postules

Ratione certa facere, nihilo plus agas,

Quàm si des operam ut cum ratione insanias.

Quod reliquum est Cupidinis arcus, vt diximus, nulla est infectus rubigine: quia perpetuo exercetur. Atque hoc figmento (quod è riuius ingenij mei rudis quidem ac imbecillis depromptum est) docemur, nihil esse, cuius beneficiorum citius artem aliquam ediscere valeamus, quàm assiduitatis. Nam vt est in Palinuro (qui neque est Græcè scriptus, neque factus à Luciano) res duræ, assiduo quodam vsu fiunt mitiores, ac veluti domantur. Quod illustrabitur splendide satis, opinor, à ferro petita similitudine (quod durissimum est) illud si exerceatur, expolitur, fit dilucidius, & tractabilius. Quare præstans aliquod & studiosum opus cum incæperimus, cauendum est, ne in medio fluitantes mari, nos remora quædam remoretur, sed fortiter in instituto est perseuerandum, & eodem semper pede procedendum, ad finem vsque.

In

In quemdam obscœnum scriptorem.

Lydus ille tuas implet, mi Næuole, chartas,
Talia nec, dicis, nota sonare ferunt.

Heroasq; fugit tenuis tua uena: nec illud,

Vt tibi lubrica mens, lubrica charta tibi.

Quemadmodum trito fertur adagio, vbi dolor
ibi manus: sic mens se libenter eò confert, vbi
capit voluptatem aliquam: fitque, vt ea sapius
inhæreant menti nostræ, ex quibus solemus de-
lectationem capere, eaque habemus in ore, quæ
mente voluimus: fitque vt etiam dormientes de
illis ipsis rebus somniemus, quibus delectamur,
& graue est ac molestum ab huiusmodi somniis
experrectos disturbari. Vnde cum Anacreô ver-
satur somnians cum suo Battylo, atque excita-
tur, solet dicere se rursus velle dormire,

Πάλιν ἠθέλον καθεύδειν

Et alibi ad hirundinem,

Τί μεῦ καλῶν ἐνείρων

ὑπορρῆσαι π φωναῖς

Ἀφ᾽ ἡρώατος Βάτυλλον.

Si (vt alibi retulimus ex Socrate) hominē voce,
vt figlinū sono pernoscamus, non iudicabimur
cum moribus esse integris, quī prauos sermones
ediderit: qui fit vt Anacreôtis lyra resonet amo-
res, Ode 1. cū hoc tempore vellet Anacreon
Herculem sonare? Quia licet hoc tēpore vellet
Herculem canere: attētiōr tamen erat ad amo-
res, atq; eò liberius eos aptabat numeris & fidi-
bus, quòd maiorē ex illis caperet voluptatem.

Excusationi aurem non inseruit vena tenuis, & rebus humilibus (quales amatoriarum sunt) accommodatior. Scio equidem poetas à variis musis concitari. Verumtamen afflantur prout placet musarum cuilibet. Huic autem vel illi magis placet, quia magis delectantur iis rebus quae musae illi tribuuntur, cui placent. Praeterea Platonis locus quidam occurrit ex Ione, ubi dicit, poetas ea mente agitare solere, quae canunt, ut si lubricas & lasciuas edant cantiones, mentem habeant impuram, καὶ τὸ μολλομένην ψυχὴν τὸτο ἐργάζεται ὡς περ αὐτοὶ λέγουσι. Ideoque culpa in venam non est reicienda, & bene Ovidius Elegia 2. de arte amandi, in seipsum, non in venam culpam transfert.

— Heroum clara ualete

Numina, non apta est gratia uestra mihi.

Amorem esse malum ab effectis.

Res mala quod sit amor, hinc auspicio, ut pote cunctis
Cassēs qui famulis texerit ipse suis.

Millia Tartareas hominum tot misit ad undas!

Troianiq; fuit prima ruina Laris.

Hospitibusq; suis omni pro munere, factum

Telis, in medio pectore, uulnus alit,

Nulli unquam fuit, binas tacit ille sagittas,

Hec mollit pectus, durius illa facit.

Cum duo sint amorum genera, quae supra ex Euripide attulimus, quanto melius est altero corripī, tanto peius ardere altero. Videtur siquidem aliud nihil efficere quam illos qui turpiter incidunt

cenduntur, variis tormētis afficere. Quippe cupiditates ingerit, neque vnquam illis obsequitur, sed duas vibrat sagittas, quarum altera petus emollit, altera, durius reddit. Tātum abest, vt solatium adhibeat. Itaque Iupiter, apud Lucianum, Cupidini succenser, quòd omnium mortaliū quas adamauit aliquando, nulla uoluerit suis amoribus inferuire. Idcirco parit sollicitudines, curas, & lamentationes innumeras genus illud amoris. Quare cum sit iucundius emori, quàm in perpetuo luctu viuere: grauissimum quod sumi potuit, suplicium ille videtur imposuisse amantibus, qui in variis tuis lectionibus, charis. pater, amatoribus pœnas volens indicere, vitam eis concedit, interdicto fructu suarum libidinum. Itaque Leander apud Ouid. cum videt, & considerat, quòd

Res est solliciti plena timoris amor.

Sic iudicat, aut esse moriendum, aut suis amoribus perfruendum.

Aut mihi continget foelix audacia saluo,

Aut mors solliciti finis amoris erit.

Vt enim est 10. Metamorph.

Nec modus aut requies nisi mors reperitur amoris.

Nam vt Horatius,

Qui metuens uiuit, liber mihi non crit unquam.

Et Saguntini patres suos liberos emori maluerunt, quàm seruos viuere. Sed & hoc etiam est malum in amore quòd homines facit insanire: vnde sic Horat.

Tunc nec mens mihi, nec color

Certa sede manet, humor & in genas

Furtim labitur, arguens

Quam lentis penitus macerer ignibus.

*Ouidius quoque furiosam Myrrham facit 10.
Metamorph.*

— At uirgo Cynereia peruigil igne,

Carpitur indomito, furiosaq; uota retractat.

Vt Didonem Virgil. 4. Æneidos,

Ardet amans Dido, traxitq; per ossa furorem.

Et non ita multò post,

Vritur infelix, Dido, totaq; uagatur

Urbe furens: qualis coniecta cecua sagitta, &c.

*Porro per amorem suscipiuntur inimicitia, per
amorem magnæ ruunt familia, per amorem
omnis antea vitæ fama perit, decus extin-
guitur, indelebilis ignominia macula conse-
quitur. Quorum omnium est exemplum in Di-
done, quæ sic Æneam, Æneidos quarto,*

— miserere domus labentis.

Et deinceps,

Te propter Libycæ gentes Nomadumq; tyranni,

Odere, insensi Tyrij, te propter eundem,

Extinctus pudor, & qua sola sydera adibam

Fama prior.

*Sed quomodo fama superesset, cum tollatur vir-
tutis studium? Amor quos affligit eos ab omni
actione studiosa segnes facit, & inertes ac desi-
diosos reddit. Quâobrem sic Horat. ad Lydiam,*

Lydia dic per omnes

Te deos oro, Sybarim cur properes amando

Perdere, cur apricum

Oderit

Oderit campum patiens frigoris, atque solis,
 Cur neque militaris
 Inter aequales equitet: gallica nec lupatis
 Temperet ora frenis,
 Cur timet flauum Tyberim tangere? cur oliuam
 Sanguine uiperino;
 Cautius uitat? neque iam liuida gestat armis
 Brachia sæpè disco,
 Sæpe trans finem iaculo nobilis expedito,
 Quid latet, ut marinæ
 Filium dicunt Thetidis sub lacrymosa Troiæ
 Funera: nec uirilis
 Cultus in cædem, & Lycias præriperet cæteruas?
 Denique ut vno verbo dicā, amor est ruina ho-
 minum, atque perditio.

In quemdam Musicum.

AD strepitum cytharæ uiuam componere uocem
 Tam bene qui nosti, tangis & arte lyram.
 Dūque moues plectris lapides resonantibus, ima
 Discrepet à media chordaq; summa, caues.
 Concentūque facis numeris unplentibus aures,
 Harmonia miror, quòd tua uita caret.
 Duo sunt præter cætera quæ Platonem mirum
 in modum obscurum faciunt, numerus scilicet,
 & harmonia: sed cum utrumque difficultatem
 habeat non exiguam: faciliior tamen est nume-
 rus, quippe communior. Quæ autem huiusmodi
 sunt, sunt & notiora nobis ut placet Aristoteli.
 Nam si in artibus edocendis & scientiis pertra-

Etandis, ea sunt, omnium consensu, principio
 demonstranda quæ latius extenduntur, ne fiat
 vitiosa repetitio, sitque gradatim à facilioribus
 ad difficiliora procedendum: sequitur, opinor,
 ut generaliora quæ sunt eadem sint & notiora,
 sed illud sensibus quoque nostris obicitur: sit
 enim ut si quid eminus intueamur, prius corpus
 esse cognoscamus, quàm animatū, & prius ani-
 matum quàm hominem intelligamus, priusque
 concipiamus hominem esse, quàm hunc vel il-
 lum, qui est infimum aliquid, ac vniuersale mi-
 nus. Quòd autem numerus sit generalior pater,
 cum ex numeris confletur harmonia. Et hæc
 certè si sunt difficilia, nō carent sua pulchritu-
 dine, de qua hoc loco dicere non sunt meæ par-
 tes. Quid hominis anima præstantius dici, aut
 fingi potest? Tota est ex harmonia, ut vult Plato,
 cum aliud sit nihil: quin etiam res omnes atque
 mundum ipsum rerum omnium domicilium
 efficit. Sed cum vel doctorum ingenia possit
 vnum illud occupare, non tentabo rem tan-
 tam, præsertim cum philosophiam, ad quam
 pertinet harmonia, nequidem è vestibulo salu-
 tarim. Verùm prout est concentus vocis qui-
 dam & chordarum: quatenus ab vno de multis
 poterit, ego dicam, eam ad mores, & vitam hu-
 manam transferens. Quod quàm rectè fieri pos-
 sit, docet Plato quarto de Republica, dicens,
ὡς ἀρμονία τῇ τῇ ἡσυχασίᾳ ὁμοιωτάται. Diogenes mu-
 sicos arguebat infantiæ, quòd industriè nervos
 pulsarent, & iuxta regulas artis suæ concentum
 ederent

ederent optimum, ac auribus gratissimum: animum vero suum linerent & incomptum & inornatum, neque aptè, neque bene, quatenus recta ratio docet ac præcipit, componerent: cum tamen in ea parte cautius elaborandum esset. Si quòd lyram recusarit Themistocles habitus est indoctior: numquid erit iuris optimi eos nequiores reputare qui nullum in vita & moribus concentum, nullam gratiam, nullam harmoniam prorsus sibi proposuerint, imò recusarint omnem? Si apud Pindarum Pythiorum Ode prima, vim tantam habet Apollinis cythara, ut Iouis fulmina cessare faciat: numquid poterit vita bene sibi consentiens, morum integritas, atque mentis synceritas, iram summi Dei & sedare & omnino auertere? Si potest ibidem eadem cythara Martis omnè mitigare sequitiem: num poterit humanitas homines crudeles, feroces, & immanitate barbaros demulcere? Itaque maxime cauendum est in isto vitæ tãquam præludio, ne quicquam dissonet, ac aures lædat delicatiores, sed omnis est cõcentus gratia retinenda. At si quis sibi, suæque potentiæ, & auctoritati quidpiam concedi velit (ut solent principes, qui sibi suo iure quidlibet vindicare possent) audiat nos. Iulia nouerca Caracallæ incestum cum ipsa anhelantis, neque præ pudore audentis aggredi, ipsi proposuit, principes esse sui iuris: cum enim ab eo fortè esset visa, paulò nudata insolentius, exclamauit ardens scellarata cupidine, ô si liceret: quibus auditis

subiecit Iulia , si lubet, licet. Tu leges imponis aliis , tibi ipsi non poteris ? Cuius verbis fretus Caracalla molitum facinus perpetravit. Non dubito , itaque quin eorum aliquis qui sunt in summis potestatum apicibus collocati, sibi , atque suæ maiestati tribuat aliquid , neque multum curet harmoniam vitæ. Verùm huic ego respondebo , posse quidem eum legum , virtutis, atque probitatis limites transilire, vt tyrannum, at neutiquam posse vt virum bonum : qua ratione , Alexandro Macedoni operam cytharæ nauanti, sciscitantique quid ni tangere liceret hanc vel illam chordam ad libitum , respondit cytharædus, tibi quidem licet quatenus Alexander es, at nequaquam quatenus artifex.

In quemdam amicis exhortationibus refragentem , neque sibi vitium vllum tribuentem.

Succensere soles nobis, si fortè monemus,
Dum frueris uita, moribus esse probis.
 Atque rogare soles, *Quæ sunt mihi crimina? Noui,*
Hæc tibi labes est unica, non bonus es.

Verissimum quidem illud est Platonis , nos ex aliorum peccatis sapientiores euadere oportere, nosmet ipsos discutere, viuendi rationes examinare , vitam omnem in trutina collocare , vitia nostra cum aliorum delictis conferre , & denique cogitare nos in eadem hæc vitia , in quæ
 alij

alij inciderunt, impingere posse. Hunc enim
 ἐπ' ἄλλοις τοῖς ἀμεινῶσι, se ipsum rogitare soli-
 tum accepimus, μὴ πᾶ ἄρα εἰ, ἔγωγε τοῖς τοῖς, sed ni-
 hil profectò verat quominus amicos possimus
 in suis erroribus commorescere, iiq̃ue debent
 hoc amicè factum arbitrari. Lex enim est hu-
 manitatis, eos qui ceciderunt attollere. Quare
 optimè Iustinus martyr & philosophus lib. de
 Monarchia Dei ait, φιλονεικῶντες ὃν μᾶλλον φιλο-
 θέε ἔργον ἐστὶν ἐπομνήσαι τοὺς ἀπὲρ ὧν φείλοντο ἰσθύναι πα-
 ραλελοιπότας. Cicero amicos palam esse laudan-
 dos, clanculum monēdos, si officio suo ac mu-
 neri defuerint, censet. Aristoteles viri boni non
 esse putat, amicos in peccato sinere. Sed cum
 quis ab amico videt se perhumanè commone-
 factum, resipisci debet, & patiētem aurem pre-
 bere recta morienti, & illi acquiescere, gratias-
 que habere pro tanta humanitate, & clementia.
 Optimè ait Hesiodus iis versibus quos adfert
 Aristoteles tertio capite libri primi Ethicorum,
 cum disputat de idoneo auditore Philosophiæ
 moralis,

Κεῖνος μὲν πάντας ὡς εἶ μὲν εἰποντι πιθήται
 Ἐθλός εἶ κακείνος ἅ αὐτὸς πάντα νοήσει.
 Erasmus in Latinum sermonem sic redegit,
 Optimus ille quidem qui paret recta morienti,
 Sed probus ille quoque est, qui nouerit omnia per se.
 Quod si contingeret vt per se nossent omnes
 quæ debent, & sapientiam adimpleret actio,
 frustra essent admonitiones: sed quando nul-
 lus potest omni vacare culpa, fit, vt vir bonus
 nemo

nemo sit qui non pareat rectè monitis.
 Optimus est sese qui nouit cuncta magistro,
 Ad finem usque uidens quæ semper sunt meliora.
 Ille etiam bonus est alium qui recta monentem
 Audit, & inuentis ponit uestigia letus:
 At cui consilium sua nec prudentia donat,
 Inducitq; animum uoces contemnere ueras,
 Is numquam fuerit frugi, sed inutilis orbi.
 Ex quibus pater & monendos esse amicos, &
 monitis esse parendum.

In quædam de virtute præclare differentem,
 & quæ sunt virtutis contemnentem.

Semper ab ore fluit, bene uiuere: nec bene uiuis
 Inquirens toties uiuere quid bene sit.
 Qui bene cuncta facit fugiens mala, uiuere rectè
 Fertur, quin facis hoc? cras, ab, incipiam.

Ad Epigramma accedemus si virum syncerum
 ostenderimus & perinde bonum, qui non est
 alius ab eo qui bonum facit & declinat à malo,

Quis sit vir bonus depromptum
 ex Phocilide.

Integer is uita sceleris quoque purus habetur,
 Qui Veneris luxus fugerit illicita.
 Humanoq; manet cui non polluta cruore
 Dextera, cuiq; dolis splendida uita carens.

Iis duobus hoc quoque sequens proximè, coniungemus, quo indicatur non oportere tantum bonum virum apparere, sed & talem esse.

In Hypocritas.

Q Vos uidet unguentis pallentes turba, uidetque
 Gestantes torulis dogmata sacra Dei.
 Hi referunt specie tumulos ex marmore structos,
 Quis specie pulchris sordidius nihil est.
 Non intempestiuè consequetur Epigrāma hoc.

De vana gloria.

Dulcia commemoras te blandimenta palato
 Gustasse, in molli iure natante cibo:
 Cum tamen abstineas quoties te nemo uocauit,
 Nullo te dicis abstinuisse die.
 Quanquam ut est apud Pindar. in Pyth. Ode 9.
 Ἀρετὰ δ' οἷς μεγάλα πολυμυθία.
 tamen exercitio potius indigent virtutes, quàm
 verbis: unde accusantur meritò Athenienses
 quòd rectum cum teneant, id præstare nolint:
 cum tamen magnæ verborum ambages studio-
 sum hominem non efficiant. Verbis virtutem
 ornare, quid sit virtus intelligere, quid animi
 perturbationes, & quàm perniciosè, pulcherri-
 mum profectò est, sed ea fugere, quibus studiosi
 prohibentur & ea sectari, quibus vitium dele-
 ctatur, & pulchrius & melius iudicari debet: ac
 ut ait Horatius, dàda est opera ne verba virtutē
 putemus,

putemus, vt lucū ligna. Nam qua ratione lucus quercubus, cupressis, pinis, fraxinis, lauris, corylis, fagis, abietibus, ornis, illicibus, buxis, salicibus, platanis, populis, arbutis, & reliquis arboribus non constat modo, sed etiam & religione continetur, quēadmodum quoque domus non parietibus tantū, sed supellectile: sic non ex cognitione solū & verbis, suū accipit splendorem virtus, sed ē studiosis actionibus. Ideōq; subiiciūtur morali philosophiæ actiones humana, dixitque Tullius idcirco, Virtutis laus omnis in actione consistit. Quanquam certē confert virutis cognitio, & scire oportet quid agamus, ne similes simus igni comburenti, & nescienti se cōburere. Si itaque vt vult Horatius,

Virtus est vitium fugere,

studiosus videtur esse, qui bonum faciens, declinat à malo: Is autem est quem assignauimus hoc Epigrammate.

Integer is uita, &c.

Desumpto ex Phocilide dicente:

Μήτε γαμουλοπέειν μήτ' ἀσελγέα κύπριν ὀρίνεειν,

Μήτε δολὸς ῥάπειν μήθ' αἵματι χεῖρά μαίνειν.

Hæc autem vitia vitabit facilē quisque, si noverit quā sit caduca voluptas, & quanta adferat incōmoda, quæ ex scelere proficiscitur. Imprimis, vt ex Horatio patuit, ab omnibus exercitiis honestis auocat, vt etiam significat Plutarchus in præceptis salubribus. Etenim nō tot actiones corrumpunt morbi, non sic de spe depellunt homines, vt voluptates, non tot peregrinationes

grinationes intermittunt, non tot exercitia ἔτι
 γὰρ παρῴεις, ἔτι ἐλπίδας, ἔτι ἀποδημίας, ἔτι διαγω-
 γὰς αἱ νόμις τοσαύτας, ὅτε αἱ ἡδοναὶ ἡμῶν ἀφαιρούνται
 καὶ διαφθείρονται. Et quidquid habet iucunditatis
 voluptas quæ ex vitio percipitur, est veluti ha-
 mus quo alliciuntur, atque falluntur homines
 ignari, malorum, quæ sub illa latent iucundi-
 tate. Nam & ipse amor apud Anacreontē μικρὸν
 ὄφιν reperit latitantem sub floribus, & læsus est.
 Itaque optimè Horatius,

Nocet e npta dolore uoluptas.

De hac re etiam sequentes versus fecimus ali-
 quando:

Si quid agas ex quo succedat praua uoluptas,

illa fugit, remanet (debita pœna) pudor.

Rectè si quid agas multos patiendos labores,

Extemplo fugiunt, laus manet atque bonum.

Quamobrem, ut Horatius,

Vis rectè uiuere? quis non?

Si uirtus hoc una potest dare, fortis omisis

Hoc age de itis.

Sed in hoc negotio multæ sunt cautiones ad-
 hibendæ. Ac imprimis videndum est, ne ut mo-
 net Ascræus poëta, differamus vel in crastinū,
 vel in plenilunium.

Μὴ δ' ἀναβαλλέσῃς τ' αὖτις, ἐς τ' ἐννέφιν.

Et Hesiodo respondet Horatius,

Dimidium facti qui cœpit habet, sapere aude,

Incipe, uiuendi qui rectè prorogat horam,

Rusticus expectat, dum defluat amnis, at ille

Labitur, & labetur in omne volubilis æuum.

Atque

Atque hæc quidem ille in Epist. sed aliter 1. car-
min. ad Leuconoem,

— Dum loquimur fugerit inuida

Aetas, carpe diem quàm minimum credula postero.
Cur hoc faciendum reddit rationē Anacreon.

— Τρέχες χυλίσιν

Τρέχες ἀρμυρὸς ὃν δῖα.

Cui loco similem habet Ovidius,

Tempora labuntur, tacitisq; senescimus annis,

Et fugiunt fræno non remorante dies.

Quid ait Martialis?

Seranimis uita est crastina, uiue hodie.

Et Lucanus,

— Nocuit differre paratis.

Ratio est ex Ouidio repetenda,

Qui non est hodie, cras minus aptus erit.

Quare si, vt pluribus persequitur Ouid. 15. Me-
tamorph. momenta momentis succedunt, & fu-
giunt, protinus vt accesserunt, Scythas imitari
nos oportet, quos dum aliquis persequitur, fu-
gam arripientes, vibrant à tergo sagittas, sicque
dum fugiunt vim illatam sibi, propulsare, hosti-
bus terrori esse, ipsos interdum lædere non de-
finunt. Nos etiã super hac re. hoc fecimus Epi-
gramma.

Dum fugiunt Scythæ uibrant post terga sagittas,

Detinet ulla suos nec mora tarda pedes.

Tempora dum fugiunt, operi studeamus honesto,

Vt si prætereant, non malè prætereant.

Atque hæc quidem est prima cautio. Deinde ca-
uendum

uendum est ne iudicium hominum fallamus, & falsam gloriam atque laudem nobis vendicemus, cum non simus vlla ratione meriti: nam homines id genus vocantur hypocritæ, vnde monet fugiendas fictas omnes abstinencias Plutarchus, hoc est *πιδυμένας καὶ σοφισμένας*. Sed & aliud genus est apud eundem hominum qui laudem repetunt ab iis quæ comederunt, & recensent omnibus, quod ad omne falsæ gloriæ genus possumus accommodare, & in eos potissimum qui ipsi iactitant suas laudes, quod quantum distet à vera laude & gloria, docet Mar-
tialis,

Bella es, nouimus, & puella, uerum est,

Et diues, quis enim potest negare?

Sed dum te nimium, fabulla, laudas,

Nec diues, neque bella, nec puella, es.

Sed alij non verbis quod faciunt prædicant, sed quidquid faciunt, id propter laudem faciunt, non puro virtutis amore. Phrinem dicunt eos hoc scômate solere excipere, qui ad eam iactationis nomine proficiscebantur, cum iam esset anus, vt diceret eos falernum relinquere, facem vt ebiberet. Atque hæc summa est, nos potius in actione virtutis exercere oportere, quam verbis tantum studiosos esse, re minime, quamquam non est aspernandus Socrates, qui censet apud Platonem in Apologia pro ipso, optimos esse sermones qui habentur quotidie de virtute, sic ille, *λέγω δὲ ὅτι καὶ τυγχάνει μέγιστον ἀγαθὸν ἀνθρώπων τὸ τοιαύτως ἡμέρας τὰς λόγους περὶ τῆς ἀρετῆς*

ποιήσαι. Sed verbis oportet actiones respondeant. Præterea non parum conducit ad rectam vitæ institutionem suscipiendam, incommoditates sibi obicere quæ ex scelerum voluptatibus profluunt, & earum breuitatem. Lysimachū accepimus, siti oppressum apud Getas se suosque tradens veluti captiuos postquam potus aquam, sitim extinxisset, exclamasse, *Quantam felicitatem amissimus propter voluptatē breuissimam.* ὥς βραχέας ἡδονῆς ἐνεκα, μὲν ἀλλὰ εὐδαιμονίαν ἀπεκαλλόμενος, sed in virtutis expeditione subeunda, non est vnquam differendum ad aliud tempus. Denique in omni recta actione, fugienda est omnis dissimulatio, quam apellant hypocritism. Non me latet laudem virtutis esse præmium. neque est certe recusanda, vt videtur indicare Persius,

Non ego cum scribo, si forte quid aptius exit,
Quando hæc rara avis est: si quid tamen aptius exit,
Laudari metuan, neque enim mihi cornea fibra est.
Sed neque laudem tamen debemus appetere,
Laus enim ab alijs tribui debet non à nobis ipsis. Verùm hoc noster debet animus anhelare, & ad hoc totus ferri, vt ea præstemus quæ sint laude digna, vt enim ait idem Persius,

-- an erit qui uelle recuset

Os populi meruisse, & cedro digna loquutus,
Linquere nec scōmbros mentuentia carmina, nec thus?
Atque hæc satis superque. Nec est, quando virtus sine labore rara est, quodd quēquam ab instituto deterreat labor. nam vt recte Plutarchus

EPIGRAMMATVM.

in præceptis salubribus, ἐλθε βίον ἀειστον ἡδὺν γδ
αὐτὸν ἢ σιωπῆς παύσῃ.

Spinosum & obscurum virtutis domicilium.

Fertur in obscuris virtus habitare tenebris,
Splendidus Pario marmore tectus honor.
Nec datur istius conanti sana subire,
Nī sit & alterius templa subisse memor.
Lux sequitur noctem, sequitur fortuna laborem,
Difficilis cunctis docta Minerva fuit.

In moribus magis elaborandum
esse quàm in literis.

Pernigil ut studeas non parcis noctibus, instar
Vnius est lucis, noxq; diesque tibi.
Laudo equidem: verum nulla ratione probamus,
Nulla quod est morum sollicitudo tibi.

Obtinuit prouerbium ut omnia vulgo difficilia
pro sua pulchritudine & necessitate essent. Ar-
duum itaque virtutis iter, spinosum, obscurum,
difficile & laboriosum, ut indicat Pythagoras,
sed splendor ipsius virtutis debet efficere ut
spreto omnibus, ardeamus illius desiderio: nam
omne tedium aliquando leuabitur, & finem ad-
feret laboribus fœlicitas. Difficilis quanquam
ad virtutem aditus, ut rectè monet Hesiodus,

Τῆς δ' ἀρετῆς ἰσχυρὰ θεοὶ προπαρασκευάζουσιν ἑθνη καὶ
ἀθανάτοι. μικρὸς ὅ καὶ ὄρθιος ὄμιος ἐπ' αὐτῷ

Καὶ πρηνὺς τὸ πρῶτον. ἐπὶ δ' εἰς ἄκρον ἵκνται.

Πρὶν δ' ἢ δ' ἵππειτα πέλει χαλεπήπερ ἐσθλα.

Tamen eius introitu nemo prohibetur, & labores sumpti iucundi sunt post virtutis adaptionem: in qua assequenda tantum est difficultatis, quantum quisque collocat. Præterea, ut ait Horatius,

Quis circum pagos, & circum compita pugnat.

Magna coronari contendat olympia? cui spes?

Cui sit conditio dulcis sine pulvere palma?

Impiger agricola fodit, arat, alget, sudat. Strenuus & assiduus suum incumbit ad opus, ut tandem fructus recipiat laborum suorum amplissimos. Rosam veris delicias vepriis oblitam vndique quis ignorat? De hac audiamus Anacreontem,

— ῥόδον θερύνει

Χάειν φυτὸν τέ μισῶν

Γλυχὺ καὶ ποιοῦντα πείραν

Ἐν ἀκανθίναις ἀταρπτοῖς

Γλυχὺ δ' ἀδλαβόντα θάλλπειν

Μαλαχαῖσι χερσὶ καφαῖς.

Castaneam quoque quis enucleavit illæis manibus? Natura nucis corticem primum effecit amarum, sed nucem ipsam dulcem, ut verum sit illud Ouidij,

Dulcia non meruit, qui non gustavit amara.

Et qua ratione nulla remedia tam faciunt dolorem, quàm quæ sunt salutaria: sic nihil tam difficile est aditu, quàm quod in se venustatis aliquid, pulchritudinis aut necessitatis includit.

Ac

Ac vt ait Georgic. 1. Virgil.

— pater ipse colendi,

Haud facilem esse viam voluit:

Et paulò pòst,

Sed tamen est gratissima messis,

Et laboris obliuionē inducit: sin retinetur, memoria, dulcior illa est, quàm labores fuerant ante messem difficiles, eos itaque Pindarus vocat *εὐφρονας*. Æneas apud Virgilium, vt suis tædium leuet, ob multos iam labores exantlatos fatigatis, hanc consolationem adhibet,

— quondam me uinisse iuuabit,

Sed non minus ad hoc argumentum faciunt Honesti verba, quàm Hesiodi, hic de virtute, ille de Musis loquitur,

Ἀμβαίνων Εὐνηδὴν μέγαν, καμῆς. ἀλλ' ἐκορέσθης

Πηλίδος χεῖνης νεηαρέων λιβάδων:

Οὕτω καὶ σοφίης πόνος ὄρετος, ἦν δ' ἀρ' ἐπ' ἄκρον

Τέρμα μόλης ἀρύση πειρίδων χάριτας.

Verumtamē cum sint labores multi perferendi in hac vita, plerique ludunt operam, qui cruciantur insudantes rebus malis: at satius esset ferri. Multi quoque vehementer errant, qui non in rebus quidem inutilibus operam & labores collocant, sed magis necessarias penitus desertas esse patiuntur, vt ij solent qui literis incumbentes curam de moribus nullam gerunt, sed vnus è poëtis. Horatius optimè videtur sic monuisse,

Syncerum nisi uas, quodcunque infundis, aceßit.

Fieri enim qui potest, vt qui virtuti non studue-

rit è vestibulo dumtaxat possit humanitatè salutare? Rectè Solomon in Prouerbiis ait, In animam maleuolam non intrabit sapiètia:quem sequitur vnus è profanis Seneca,Mens sine Deo nulla bona est. Cicero de Offic. eam scientiam quę vitæ sanctimonia,& morum integritate decorata non sit, astutiam nominat.Habemus igitur virtuti potissimum insudandum esse.

Probum neminem fieri diuitem citò.

INteger esse cupis uitæ, talisq; uideri,
Et fias locuples qua ratione petis.
Moribus integris si quæris degere semper,
Non fies modico tempore, Petre, potens.

Quoniam vt iam dictum est, quæ pulchra sunt, sunt & difficilia, profectò diuitias qui non habet, nemo sine laboribus sibi comparabit, qui castè gerere se voluerit, & iustè viuere, & serò propterea ditescet, vt patet ex illo versu Menandri quem citas in variis tuis lectionibus,

Ὁ θεὸς ἐπὶ λείπτῳ εἰσκαίῳ ὤν.

Sed alia ratio esse potest,nempe quia Deus solet malos & impios pluribus fœlicitatibus in hac vita cumulare,quàm iustos: vnde posset iniustitiam in Deo quispiam arguere,aut nullum potius esse Deum,quia si est (vt reuera vnus est) iniustus esse non potest. Quare sic ludit Martialis in Cœlium,

*Nullos esse Deos, inane cœlum
Affirmat Cœlius, probatq; , quod se
Factum, dum negat hæc, uidet beatum.*

Chremi

Chremilus, apud Aristophanem in Pluto, queritur se pauperem esse cum sit iustus, Rhetores verò qui æquum pariter defendunt, & iniquū, sycophantæ, sacrilegi, & mali denique omnes: vt breui tempore locupletes possint fieri suspicit, neque rem pernoſcit. Bonis quidem si malum impertitur Deus, neque etiam erga illos parcus est bonorum suorum. Nam vt ait Hom. κακὸν ὃ ἀγαθὸν ὃ τεύχεται. Homerū cæcum esse dij voluerunt, sed eius mentem excoluerūt: ramen accidit vt plurimum, vt pluribus afficiantur malis viri iusti, vt patet cum ex Sophocle de Deo loquente,

Οὗτος ἐξ ἀγαθοῦ κακὸν ἀνθρώποις δίδωσι.

Tum etiam ex duobus doliis, quorum alterum malis, alterum bonis est refertum, Iliados & sed propterea non est quod boni & iusti de spe cadant, & deprimant sese: mali enim, vt ait Claudianus,

— Tolluntur in altum,

Vt lapsu grauiore ruant.

Ac iniustitiæ suæ pœnas luent, sumetúrque supplicium aliquādo. δύν enim, ait Diuus Gregorius, est ὀπίσω, & procedit claudo pede, vt vult Horatius, ἀπὲρ καὶ βραδυπόδῃ, vt Euripides dicit.

Diligentia & pigritia.

○ Oceanum surgens simul ac aurora relinquit,
Et splendore fugat sydera clara suo.

A tergo insistit uirgo quæ rumpere somnos
 Tendit, & est facie conspicienda macra
 Crassaq; quæ suadet somnos à fronte uirago
 Sijtit, & enervat membra reposita thoro.
 In medium dormire diem lentoq; ueterno
 Gaudet, at illa thoro membra sepulta leuat.
 Obiiciens auium cantus, & murmura palme
 Artis, spreto cogit abire thoro.

Sequentem fabellam vnus ex meis condiscipulis, quam se alicubi legisse prædicabat, mihi recensuit. Aureliis studebant quondam adolescentes duo: quorum alter cum sodalem inuiseret hora matutina, & plus solito desidiosum reperisset, (quamuis omnis aberat desidia) atque adhuc inter penulas (quod aiunt) cœpit illius pigritiam iocosè (vt solent scholastici curis omnibus vacui interdum iocari) cœpit in quâ, exprobrare, sed responsionem, vel pigritiæ potius excusationem accepit, non minus subtilē, quàm dignam quæ à tam fœlici promanaret ingenio. Ego equidem, subiecit, volebam iam dudum expergefactus penulas relinquere, & exilire lecto, *τοῦλος ὡς δὲ τοῦ ζύγου*, vt ait Euripides, sed accipe quid mihi contigerit. Hinc hodie macerata quædam virgo apparuit, (atque dextram partem indicabat) quæ rumpebat somnos, illinc carnosâ virago (& habebat admotam manum, ad latus sinistrum) quæ veternum inducebat, & iterum deprimebat me, simul eripiebat illa lecto. Itaque culpa nulla est mea, vi enim maiori cedere oportuit. Atque sub earum personis pigritiam

gritiam & diligentiam occultabat. Sequenti nocte (vt solemus ea repetere & mente voluere de quibus cogitauimus interdium) contigit vt nescio quid irruptum & disturbatum somniauerim de ista fabella, quam acceperam die superiore. Mane autem excitatus à mortis imagine, tacitus apud me dixi, sicut vult Homerus,

— *Ὀυδὲν ἐκ δῖος ἐστὶ.*

Dignum certè est somnium istud vt scriptis mandetur, tunc & venit in mentem Luciani somnium huic vno persimile, de statuaria & humanitate, sumque factus paulò ad facinus audacior, & calami cuspidem ad pingendum adaptaui, scripsi que, sed non eo quò renunciatum fuerat modo, fecique, vt diligentia victoriam reportaret, & cantibus auium excitatus, streperisque manibus artificum, ad solitas actiones redirem. Superatum enim me fateor à Demostenis diligentia, & assiduitate Terentiani illius excruciantis sese, de quorù altero sic Cicero quarta Tusculana. Cui non sunt auditæ Demosthenis vigiliæ? qui dolere se aiebat, si quando opificum antelucana victus esset industria. De hoc alio Chremes apud Terentium,

*Nunquam tam mane egredior, neque tam uespere
Domum reuertor, quin te in fundo conspicer,
Fodere, aut arare, aut aliquid ferre: denique
Nullum remittis tempus, neque te respicis.*

Stemmata florentissimi Galliarum imperij, & almae studiosorum omnium nutricis academiae Parisiensis.

Constituunt nostri tria lilia stemmata regni:
 Quorum bufo tumens cesserat ante loco.
 Adde manuum librum præbentem, academia sumit
 Stemmata per celebri nomine digna suo.
 Eligat ille rosas, uiolas, sic ut libet, ecce
 Cur inter flores lilia sola placent.

Quamquam neque valde latus est iste campus, neque super hac re quidpiam dicere mearum est partium: tamen quandoquidem res honestatis terminos non excedit, nemini ad obiurgandum causæ satis esse potest si quippiam dixerimus. Ergo ad illud ad quod tendimus accedamus. Id ipsum autem Epigramma superius continebat bufonem, scilicet, olim stemmata constituisse splendidissimi istius regni, quod gloriosum certe fuit, ut nunc est, sed gloriæ quidquid habuit, vanitas fuit potius, ut indicat bufo qui solet intumescere. Verum ex quo Christiana religio Galliam inuasit, tumorem, hoc est, vanitatem omnem Galli deseruerunt, & stemmata cælitus & diuinitus mutata sunt, (ut fama est) atque ad regni gloriam accessit flos siue decus: factumque est hoc regnum & gloriosum & splendidum & florens, ut lilia denotant: quæ si cum exterarum nationum stemmatis cōferre volumus, nescio

scio quid magnificentius, & splendidius præ se ferunt. Quid opus est illa conferre cum stemmatis Lotharingorum, Sabaudorum, Burgundionum Mediolanensium? Quid cum signis Lusitanie seu Portugalliae vexilla Gallica comparem, cum Portugallia ad Gallos pertinere videatur, sitque à notatione portus Gallie? Quid Anglos appellem, quorum reges antiquitatis memoria perhibentur nostrorum regum vassalli habiti, & eodem quotannis genibus flexis coluisse, fidemque promississe? Quid Heluetios, qui Franciae regum sunt ministri? Quid Sarmatas, nunc Polonos, qui sua sponte Henrici tertij imperium subierunt? Quid Hispanos, cum eorum non dicam stemmata, sed eos ipsos Gallis cedere debere decretum sit & sancitum? Quod si quis inficiabitur, acta est eorum causa Venetiis, & ita acta ut vadimonium deseruerint præ pudore, quam pudere neminem debet, locum cedere digniori. Itaque optimè Baldus iureconsultus Gallos ait reges coronam gestare gloriae. Ego & illud addam, sceptrum solos gestitare florens, quod significatur lilio florente ipsi adiuncto. Quamobrem si facienda regis Franciae collatio est cum exteris, cum Imperatore facienda est, cuius stemmata (quandoquidem de stemmatis tota disputatio est) cedunt. Aquilas sursum volare suspicio; sed id sapientem hominem quomodo deceat non video, florescere specto lilia, neque id ab homine sapiente alienum est, cui virtus maximè congruit, quæ floret omni tempore.

re. Præterea volet in altum quantumuis aquila,
tamen auiculæ maximè omnium exiguæ pru-
dencia (si in brutis esse potest) superata est. De-
nique aues illæ quæ sunt *περίπτεες*, vt sunt libi-
dinosa, quid possunt præter libidinem denota-
re? Lilia quoque rectè tribuuntur academiæ Pa-
risiensi quòd præ cæteris semper floruerit, ad-
hibeturque manus quæ librum porrigat, in ea
enim cuique literæ porriguntur, offertur huma-
nitas cuius, (vt facilè, quamuis ait Horatius,

-- *Nihil inuita facies dicēsue Minerva,*)

vel nolenti liceat in literis processus facere, au-
ditis dūtaxat doctis & sapiētibus professoribus
Grāmaticis, rethoricis, dialecticis, Philosophis,
Theologis, Latinis, Græcis, Hebraicis, qui ibi
tanquam ex equo Troiano affluunt. Ibi Platonis
academia, ibi Licæum Aristotelis, ibi Synofar-
ges Antisthenis, Zenonis ibi Stoa conspicitur.
Denique migrasse videntur ad Lutetiam Athe-
næ, & iure. Nam erat profectò dignum vt ibi
firmis defixæ essent radicibus literæ, vbi virtus
rerum potiebatur: quam cum eruditione nexu
quodam copulare, quanto sit splendori ac emo-
lumento, docuit Parisiēses ciues Ludouicus no-
nus relatus inter cœlicolas, profectis in Angliā
Scholast. vnā cū professoribus, & ab Anglo re-
ge conuocatis. Tribuitur verò Galliæ regi sacra-
ta maiestas, sed id virtutem & literas præstitisse
puto, ac amplitudinem tanti tituli non aliunde
tributam conicio: virtus enim & literæ, accu-
ratè, diligenter & exactè in suo exercentur re-
gno,

gno, quæ genuerunt honorem & reuerentiam:
nam excitant incredibiles amores sui, & illis
proinde magnus defertur honos, coluntur,
obseruantur, reuerentur. Honos autem & reue-
rentia maiestatem procrearunt, dicente Ouid.
Fast. sexto,

— Honor placidoque decens reuerentia uultu

Corpora legitimis imposuere thoris,

Hinc sata maiestas.

Mœnia non constituere ciuitates.

Cum sit metropolis regni Lutetia, quæ sit,
Cincta per exiguis mœnibus ut sit? Habe.
Non septa est muris, non est circumdata uallis,
Vallorum uirtus prodit at ipsa loco.

Vehementer errant qui ciuitatem mœnibus dû-
taxat constare volunt, quinimo potest absque
muris perstare; vrbs quidem nõ potest, opinor,
quam dici volunt Grammatici ab orbe, qui fie-
ri solebat ante murorum constructionem, eûm-
que fieri solitum ex multis locis manifestû est,
ac potissimum ex 5. Æneid.

Interea Aeneas urbem designat aratro,

Sortiturque domos. Hoc Ilium, & hæc loca Troie

Esse iubet.

Atque hoc discrimen est inter urbem & ciuita-
tem: cuius ignoratio damnum haud mediocre
Carthaginensibus intulit: hanc enim gratiam à
Romanis cum poposcissent, ne ciuitas eorum
detrimentum ullum pateretur, id quæ adeò im-
petrassent,

petrassent, Scipio ad Carthaginem delendam legatus est, ob portus opportunitatē, Romanis cœperunt fidei corruptionem obiurgare: at inquit Scipio, abite hinc vos, & facultates integras hinc auferte, ac aliò commigrate. Ciuitas enim non constat mœnibus, sed ciuium inter se communione & eorūdem facultatibus quas si reliquerimus intactas, fidē nulla ratione violasse videbimur, cū id tantū à nobis postulaueritis. Præterea rogatus Agesilaus, cur Sparta muris percincta non esset, respondit ciuium bene congruentium inter se virtutem ad vrbs defensionem & sui tuitionem sufficere.

In mortuos deplorantem.

PLangis tot ciues quos funere mersit acerbo
 Pestis, & innocuos quos tulit atra dies.
*Amplius haud lacrymas tenebrosis manibus adde,
 Ast iis quos tota nox manet una die.*

De mortuos non est quod pluribus verbis non esse lugendos complectar. Nam si lugendi sunt, certè quia sunt miseri, neque hanc disputationem adoriatur, quando copiosè satis i. Tuscul. de hac re disceptat Tullius, sed lugendi potius sunt qui mortem metunt, siquidem ij sunt miseri, si vt placet Stoicis, sapientes sunt soli beati. Etenim quoniam perturbatio in sapientem non cadit, ne, vt metuat quidem cadit. De morte non contemnenda multa Cicero, sed tamē hoc loco non est prætereundum Socratis iudicium, qui

qui cēset homines id genus, quibus mors timorē incutit esse superbos admodū & audaces, ac sibi supra vires tribuere, quippe putāt se de hac re posse iudicium ferre, quam minimè norunt, neq; enim experti sunt, malūne sit mors, cū ita iudicent. Quamobrem lugendi potius sunt, quàm ij qui vitam exalarunt, qui neque metuere, neque quicquam supra vires sibi vendicare, nec affici vlla perturbatione possunt, nec esse proinde miseri. Concludamus igitur cum Lucilio,

Τὸς καταλείψας γλυχωρὸν φόβον ἐν ἔτι θρήνω
Τὸς δ' ἐπὶ προσδοκίῃ ζῶντας αἰεὶ θανάτω.

In quemdam ædificatorem.

A Edificas semper, mutasq; quod antè peractum,
Absoluis nunquam: qua ratione facis?
Vt libet ædifices, dignum censoris habetur,
Ædibus in tantis lauta culina deest.
Hæc alia Epigrammata coniungemus isti.

Sui quisque curam gerat potius
quàm suarum rerum.

Omnibus es sapiens, quòd res fœliciter aiunt,
Noris ad euentus ducere rite tuas:
At mihi non item, sapientem dicere nolim,
Ni tua dum curas sis memor ipse tui.

Animę maiorem gerendam esse curam
quàm corporis.

Cvi quàm telorum maior sit cura pharetrę?
Sic prę corporibus ponere disce animas.

Corpus veluti thecam & pharetram animę

Cernis ut iniectis infletur theca sagittis
Cera, sublatis, mollior illa fiet:

Sic anima, corpus, remanente in corpore, uiuit.

Tollitur orbatum sensibus illud erit.

In rebus agēdis videndum est ante omnia quid
maximè sit necessarium, & id docet Socrates
apud Plutarchum de sanitate tuenda, qui sim-
pliciter non interdicit bellariis, non interdicit
sumine, boletis siue fungis Italicis, placenta sa-
mia, & niue in Ægypto: sed dulcia vult & sua-
uia, non quatenus talia sunt, sed quatenus nu-
triant, sustentant, & ita sunt necessaria, sumi-
nam vt vult Plutarchus, cibus est tantum natu-
rę iucundus, prout est pars nutrientis. τὸ γὰρ
ἡδὺ τῇ φύσει μέγιστον ἂν ἢ μέγιστον ἢ τρέφοντες ἀνθρώποις
ἴσιν. Atque illa quidem iucunditas esse non po-
test inutilis coniuncta, sociatąque cum neces-
sitate. Ideoque quoniam, & prodesse volunt &
delectare poëtę, non carent sua laude. Estque ci-
tius omnis iucunditas tollenda funditus, quàm
tantillum vtilitatis deperdamus. Quare rectè
faciunt, opinor, qui τὰ δεινὰ conferunt πρὸς
τὰ σπαιώτικα: tantoque melius quanto dete-
rius

rius ædificatores qui magna & superba construunt ædificia, rebus aliis detrahunt, sibi ipsis furantur, & semetipsos fallunt, vt ædificium aliquod peragant, curantque totum corpus ædificij præterquam culinam, cuius curam maximè gerere deberèt: non enim si totam ædificij molem, struem, artémque spectaueris, ita satiaberis vt in culina, aut ex eis quæ ex culina prodeunt. Atque iis similes sunt, qui si quos excipiendos habent, mensam auro & gemmis ornant potius quàm dapibus, quod relictis historiis Martiali tædium adfert, Epigrammate in Varum, docetque, quod volumus, magis necessaria magis curari debere.

Ad cœnam nuper Varus me fortè uocauit,

Ornatus, diues, paruula coma fuit,

Auro non dapibus oneratur mensa, ministri

Apponunt oculis plurima, pauca gula.

Tunc ego, non oculos, sed uentrem pascere ueni,

Aut appone dapes, Vare, uel aufer opes.

Quando verò incidimus in ædificatores, eos

Horatius sic arguit inconstantæ,

Nullus in orbe locus Baiis præluceat amœniis.

Si dixit diues, latus & mare sentit amorem

Festinantis heri: cui si uitiosa libido

Fecerit auspicium cras serramenta Theanum

Tolletis fabri, Et paulò post,

Quo teneam uultus mutantem Prothea nodo

Quod petiit spernit, repetit quod nuper omisit,

Aestuat, & toto disconuenit ordine uitæ,

Diruit, ædificat, mutat quadrata rotundis.

Ac ratio cur ædificatores culinam plerunque in suis ædificiis (quam parietibus non tantum constare volumus) non collocent , est quia æs deficit, ut plurimum: neque enim vlla vis auri tanta esse potest, quam ædificandi cupiditas non deuoret. Quare Gellius apud Martialem aliam excusationem non adfert rogantibus à se pecunias quam quod ædificet: supponit enim omnes hoc tenere pro certo: nempe ædificatores crumenam exhaustam habere. Quod non possum non inter mala, quæ vulgò accidunt, enumerare, cum Horatius nummis refertâ bursam inter bona recenseat,

*Quid uoueat dulci nutricula maius alumno,
Quàm sapere & fari possit quæ sentiat, & cui
Gratia, fama, ualetudo, contingat abunde,
Et mundus uictus, non deficiente crumena?*

Sic autem Martialis de Gellio,

*Gellius ædificat semper, modo limina ponit,
Nunc foribus claues aptat, emitq; seras.
Nunc has, nunc illas mutat reficitq; fenestras,
Dum tamen ædificet quidlibet, ille facit
Oranti nummos ut dicere possit amico
Vnum illud uerbum Gellius, ædifico.*

Atque ære deficiente, fide opus est, quæ certè plena est incommodorum: itaque & nos sequens hoc Epigramma huic loco visum accommodatissimum alibi locare noluimus neque superius neque inferius.

Non

Non oportere suas pecunias temere credere, & alienæ fidei committere.

NE credas, monco, licet rogatus,
Nummos. Ille nocet sibi alteriq;

Qui credit, caueas, faceſſis illi

Curas, nec fruëris tuis molestus.

Rectè Palladas primum ait eſſe bonū nō eſſe in
alieno ære. Et hæc omnia cum aliis multis ma-
lis cum ſint in ædificatoribus, optimè dictū eſt,

Σάμα τὰ πολλὰ τρέφειν καὶ δάματ' ἀπολλ' ἀεγείρειν

Ατραπὸς ἐκ πεύκων ἐστὶν ἐτοιμοτάτη.

Quod P. Ronſardus & Nicol. Borbonius Van-
doperani tranſtulerunt, ille in Gallicum, hic in
Latinum ſermonem ſic,

Aedificare domos multas, & paſcere multos,

Hoc ad egeſtatem perbreue ducit iter.

Alterum genus eorum qui magis neceſſaria ne-
gligunt, eſt eorum hominum qui facultates ſuas
pluris faciunt quàm ſe ipſos, & calceos pluris
quàm pedes. Quod quàm ſit ridiculum, dici non
potest. Locus eſt in apologia Platonis pro So-
crate, huic accommodatiſſimus, vbi Socrates
ſic Athenienſes videtur alloqui, Magnum haud
dubiè, videbor in vos beneficium & mirificam
gratiam contuliſſe, ſi vobis perſuaſero, ſingu-
los veſtrum prius ſui curam gerere oportere
quàm rerum ſuarum, & prius reipublicæ con-
ſulere quàm rebus quæ ſunt ad rempublicam,

ἐν ταῦτα ἐκ ἧτα οἷ ἐλθὼν μήτε ὑμῖν, μήτε ἐπ' ἐμαυτῷ
μελλον μὴδὲν ὀφελὸς εἶναι. ὅτι ᾧ τ' ἕκαστον ἰὼν εὐεργετεῖν

πῶς μεγίστην ἐνεργεσίαν ἐπιχειρῶν ἑκαστον ὑμῖν πείθειν
μὴ ὀρότερον μήτε ἤν' ἑαυτῷ μηδεὸς δὴμολογεῖσθαι ὥρην
ἑαυτῷ δὴμολογεῖν ὅπως ὡς βέλτιστος καὶ φρονιμώτατος
ἔστω. μήτε ἤν' ὁ πολέως, ὥρην αὐτῷ ὁ πολέως, ἤν' ὁ
ἄλλων καὶ ὁ αὐτον ὁρότον δὴμολογεῖσθαι. Tertium ge-
nus est eorum qui parcunt vitæ suæ ob hære-
des, & parcimoniam, dum putant apprehendere
incidunt in sorditiem, quàm appellant Græci
γλιχρότητα. De iis audiamus Horatium.

Parcus ob heredis curam nimiumque severus,

Assidet insano.

Quartum genus est eorum qui corpus excolunt
potius quàm mentem, qui faciunt ac si pharetrâ
quæ ad sagittarum conseruationem compara-
tur, pluris facerent quàm sagittas: est enim mira
conformatio inter res istas. Anima enim est in-
tra corpus, sed vnum illud interest quod sagit-
tas conseruat pharetra, corpus animi vires mi-
nuit. At si rem voluerimus propius intueri, ni-
hil prorsus interest: quæ enim ratione, sagittæ vi-
brari non possunt, nisi promantur è pharetra:
sic animus hosce corporis ergastulo præpeditus
non vacat (aut saltem non tam bene) con-
templationi, quàm solutus corpore, & omni li-
ber impedimento. Et pharetra non est, neque
suum exercet munus absque telis (quamuis
omnis absit relatio, tela enim absque pharetra
esse possunt) sic anima sublata, corpus amplius
non agit, à qua agere posse recipiebat, vt pha-
retra id quod est, accipit respectu telorum non
è reciproco.

Animas

Animas non quiescere vnquam.

SI mea forte caput sustentat palmula fessum,

Qui sic esse potes desitiosus? ais.

Hac mihi ludendus tantum ratione uideris,

Quod censeres animas posse quiete capi.

Quemadmodum dicebat Africanus se nūquam magis solum, quàm cum solus esset, sic est de studiosis & literatis hominibus, qui nunquam minus soli sunt, quàm cum soli, nunquam minus otiosi quàm cum otiosi, nunquam in actione sunt assidui, quàm cum ab omni desistunt opere: quippe semper aliquid moluntur, & tanquam apud sese factitant, semper aliquid pro sua industria intus struunt, semper aut de virtute meditantur aut de literis, denique nunquam magis exercent sese: quàm cum vacui sunt ab exercitiis quæ patent omnium oculis. Alij verò qui neque studiosi sunt neque literati, quoniam immortalis est animus, neque vnquam quiescere potest, necesse est aliquid mali struant. Vnde & fit quoque vt dormientibus nobis nos cogitationes quædam quasi dispersæ atque dissipatæ exagitent. Quare rectè Psalmista,

Oculi somnum capiant, cor ad te semper uigilet.

Duobus rebus addictum neutri posse
merito satisfacere.

AD cœnam uarias, neque cœno, uocatus in oras
Hinc inuitauit Candidus, inde Petrus.

Et uoluit parere Petro gula nostra roganti,
 Ad Petrum propero, Candidus ire uetat.
 Te sequar ergo lubens, mi Candide, talia dixi,
 Candidus ire iubet, sed Petrus ire uetat.
 Me simul ad cœnam, cur inuitatis eundem
 Vna mihi melior cœna duobus erat.

In ore omnium ferè est ille versus Ouidianus,
 Pluribus intentus minor est ad singula sensus.
 Itaque mirum est quod fertur Cæsar decem varias epistolas dictare potuisse, decem variis scribis, vno eodémque tempore, sed quanquam non est alienus hic versus ab instituto, tamen quandoquidem de cœna sermo est, erit accommodatior si dixerimus,

Pluribus intentus minor est ad singula morsus.
 Idque iocosè dictum putetur. Non abs re quoque afferetur illud adagium, qui duos sequitur lepores, neutrum capit. estque Nestoris Epigr. cuius exitus rem concludet,

Ἦν ὃ τις ἐπέειν δίδας ἐβήσιν αἰδῶν
 Ἀμφοτέρων ἡμάρτε καὶ ἰπποσύνης καὶ αἰδῶς.

Medicina pro gula.

Cum uenis ad cœnam, te nulla inuitat orexis,
 Nec tibi quæ placeant iuxta palatus habet.
 Est opus impransus maneas, te donec orexis

Incitet, & spreto prandia sume coquo.

Optimum, ut vulgò dicitur, condimentum famæ, & cui contigerit, Sículas opinor, nō requireret dapes, sed eo contentus quod appōnetur,
 ventrem

ventrem satiabit, & explebit suum, at cui mens fuerit apertior paulò, non farciat omnino, sed præparabit sese, & reseruabit, ad συμπεριφοράν inexcusabilem, aut si non senserit se ab amicis visum iri, si nò sentiat futuras toto die comestationes, & computationes quas honestè nequeat vitare, aliquam partem vacuum semper oportet relinquere, vt quando ventum fuerit ad cœnam, stomachus non recuset cibos, qualescûque sint, ne quidem si Lacones eos exceperint qui postquam sal & acetum dederunt coquo suo, reliquam suauitatem, spretis aliis condimentis, ab ipsâ victima (vt transtulit Erasmus è græco Plutarchi) hoc est, opinor, ab ipso cibo repeti volunt, nec malè: nam si ἡ δυσμάτων ἀείσον ἐστὶ τὸ πῦρ. si, inquã, vt placet Prodicto, ignis est condimentorum suauissimum, quid aliud requiritur, si probè concoctus est cibus. Itaque spernantur cætera condimenta, & proinde coqui reiciantur exemplo Macedonis Alexandri, qui suos omnes abiecit coquos, & coquorum ministros, duâsque locauit ancillas, quarum alteri nomen erat νυκτοπορία, quam latinè dixerim nocturnum laborem, vna voce lucubrationem, alteri ἐλιγισπεία, quam dixerim, si verbum fingere liceat, pauciuoram, hæc cœnam, illa parabat prandium: tamen cœnam quæ curabat seruiebat liberalius, altera nocebat interdum, nec esse poterat assidua, hæc nunquam fallebat hominẽ, eadẽque hora quotidie cœnam paratam reperiebat Alexander, & pluribus infer-

uiebat sola, quàm omnes antea coqui. Itaque sola poterat suum & alterius ancillæ locum sufficienter explere. Hanc deseruit Alexander dum fatis concederet, neque adhuc nacta est herum cum quo diurna fuerit. Locet eā qui voluerit, cum sit indefessi laboris, mercedem exigit exiguum. Sororem habet nomine *Διαιταί*, quæ dominum nacta est qui medicinā proficitur, eamque visit aliquando, sed non multum commoratur ibi, propterea quod inclusa est soror, in musæo medici, neque vnquam reliquas domus latebras perlustrauit.

Remedium contra gulam.

NEc sufferre potest, ut ais, nec uenter habenis
Paret, si capiunt tardius ora cibum.
Leſtio detineat te uel ſtructura figura,

Vel cane, uel cptyharæ leſtra ſonora moue.

Si quando aperta est edendi cupiditas, neque adhuc tempus est cœnare, monendus est venter ut ferat aliquantulum, neque abiiciendus est liber præ iracundia, aut potius impatientia, ut quidam faciunt, quod certè negotium non caret difficultate, ut refert Plutarchus ex Catone *ὅν τῆς ὑγίαις παραγέλματ*: hac ratione tamen quæ sequetur postea, quomodo sit debellandus venter docet si aures non habuerit, neque monitis parere voluerit, *ἀν ᾧ ὡς περ ἐκ δεσμῶν λυομένη χαλεπὸν ἢ ῥῆσαι καὶ εἰλονεκεῖν πρὸς γαστέρα τὰ ἄτα μὴ ἔχον*, ὡς ἔλεγε Κράτων. Id igitur difficile

facile est, sed facilè tamen illi qui à cibis animum auerterit, vt Scythia solet, qui arcum tendit & neruos, dissolutum ab ebrietate animum auocans, arcus autem quoniam plerūque deest studiosis, neruos, accepta, coniungat cum voce, lyra, vel structuram figuræ alicuius Geometricæ suscipiens, implicetur in ea, & fabricanda & demonstranda. Hæc verba Plutarchi, qui censet iis rationibus cogitationem auocandam à cibis, & cupiditates quæ sunt aliæ tanquam harpyiæ, fugæ dandas, & à mensa procul remouendas. φιλόλογος ὃ ἄρα καὶ φιλομέλις ἐν καιρῷ δεινὸς βραδυτέρῃ δειπνῇ, ἢ τὸ βίβλιον, ἢ λύριον ἢ διὰ χαμῆμα εἰς ποσειδά τῇ γαστρὶ λεπτατέρῃ μῦθος ἀλλ' ἀποσπέρων σιωπῶς, καὶ μεταφέρειν ὅππῃ ταῦτα πλεονομίαν δὴ τὸ τραπεζῆς, ὡς περ ἀρπύια τὰς ὀρέξεις διασοβῆσει τοῖς μέλαις, εἰ γὰρ ὁ μὲν σκυθὴς ὅταν πίνη πολλὰς ἐφαπτεται τῇ τόξῳ καὶ παραβάλλει πλεονεύραν ἐκλυόμενον ὑπὸ τῇ μεθῇ ἀνακαλεόμενος. Facile quoque mentem auertet si considerauerit ingluuiei turpitudinem, & quantum displiceat superis, id Palladas perstringit.

Γαστέρα μισήσῃσι θεοὶ καὶ βρώματα γαστρὸς.

Εἵνεκα γὰρ τέτων σωφροσύνη λυγρὰ.

Ad quendam qui se vltro inuitabat ad cœnam.

Scribis quòd mecum sis cœnaturus, honestè;
Debetur certè gratia magna tibi.

Non quòd propterea tibi cœna negetur, at umbris:

H 5

Est tibi, non umbris cœna parata tuis.

Ij qui ad cœnam non inuitati veniunt, cõferuntur ab Athenœo cum apibus & muscis, quæ non inuitatæ boues pungunt. Cæterum qui ad cœnam veniunt, aut sponte veniunt, aut alterius alicuius lateri adhærēt, & latinis vmbra dicuntur, quia quæadmodum vmbra adhsistit corpori, sic isti absident illi quem sequuti sunt, quemadmodum vmbra corpus sequitur. Et certè vmbra istæ nocent interdum, namque locum tenent, lectum explent, vt nullus sit vacuus, est-que aliquando dapis minus quàm oportuisset, ob ignorationem numeri conuiuiarum. Quare ne fallatur Horatius, Torquatum inuitans sic scribit,

— locus est & pluribus umbris.

Tu quotus esse uelis rescribe.

Neque illud solùm est incõmodum, sed & alia complura, sæpè enim excedit numerus cõuiuarum, qui ternarius debet, aut ad summũ. nouenarius esse, vt processus fiat à gratiis ad musas: etenim, vt vulgò dicitur, nouè conuiuium, decem cõuitium. Deinde si plures sint, rumpuntur sæpè leges quas Horatius vult esse cõuiuiorum,

— ne turpe toral, ne sordida mappa

Corruget nares: ne non & cantharus & lanx

Ostendat tibi te: ne fidos inter amicos

Sit qui dicta foras eliminet: ut coeat par

Iungaturq; pari.

Quod ad illud quod dictum est superius, vmbra videlicet dominum fallere. Lepidum stragemata

ragema conuiuiale cōmentum à Macedone, non est pratermittendum. Philippus igitur inuitatus ad cœnam à quopiam, accessit umbrarum magna stipante caterua: cūmq; vidisset eum à quo excipiebatur subirasce, quòd putasset eum paucis comitarum esse venturum, clanculum submisit puerum qui moneret singulos conuiuas vt se reseruarent ad placentam: abstinēt itaque, fallit eos placentia, quæ non venit, auferuntur interdum fercula, sicque cœnatum est, & multa superfuerunt eduliorum.

Ad Dionysium Poëtam.

Hoc miror, nunquam Dionysius ora resoluit,
Carmina quin uariis concinat ille modis.

Quidquid ait constat numeris, & carmina mirum

Eloquitur quoties immeditata canit.

Scilicet hoc concessit ei Berecinthus heros,

Manat & hinc ratio nominis orta sui.

In itinere ad musarum conuiuium hanc questionem instituimus, & institutam persequi sumus, eos ne oporteret qui hoc suscipiūt iter vinum potare necessario vt valentes ad properandum & egregiè robusti toto essent itinere, Cratinumque nominatim appellando confutauimus, qui apud Horatium ait,

Nulla placere diu nec uiuere carmina possunt,

Quæ scribuntur aquæ potoribus,

Et postea,

Vina serè dulces oluerunt mane camœnæ.

Subiicit

Subiicit deinde alter,

Emnius ipse pater nunquam nisi potus ad arma
Profiliit dicenda, forum putealq; libonis
Mandabo siccis, adimam cantare seueris.

Hoc simul edixit, (ait Horatius)

— non cessauere poeta

Nocturno certare mero putere diurno.

Sed & imitatio ista pessima est, quippe rectè vitiosam ostendit, ac docet Horatius hac ratione:

Quid? si quis uultu toruo ferus, & pede nudo,

Exiguæq; togæ, simulet textore Catonem,

Virtutemne repræsentet moresq; Catonis?

Verum esto, fiat ut nemo nisi bene potus possit canere versus, si quid Bacchus impertitur poëtis, furorem immittit suum: nam & poësis & vinum furores sunt: illa quidem, unde tritum est poëtas diuino quodam furore corripi, eosq; ideo vocat Plato *ὄρθοσταζόντας*. Vinum autem quòd furentes efficiat, docet Anacreon,

Πιεῖν πιεῖν ἄμους

Θεῶν, θεῶν μανῆνας.

Præterea potest vinum poëtis amabile esse quod auget prudentiam, unde collocabantur in vno eodémque templo Pallas atque Dionysius. Eodémque argumento, dicit Athenæus libro 10. *τὸ δυνόσσεφισόν*, Nestoris poculum fuisse celebratum tanquam scutum Achillis. Nam aliter non militabat Nestor cum poculo, quàm Achilles cum clypeo. Quare Hector homo Troianus, illius poculum Martis phialam esse dicebat, cuius gloria cælum contingeret.

Ratio

Ratio fugandæ curæ.

Arrepta fertur cythara soluisse fugare
 Eacides curas, pergrauæ mentis onus.
 Si tibi pulsandi non sit concessa facultas,
 Curas permolli disce fugare mero.

Duo sunt quæ ad animum sedādum non parum
 valent, lyra videlicet & vinū. Achilles apud Ho-
 merum non solet alia ratione suos animos mi-
 tigare, quàm beneficio musicæ. Habeturque in
 sacris literis malum genium sedatum aliquan-
 do fuisse, ad solum cytharæ pulsum & auditum.
 Sed cui denegetur ars pulsandi per imperitiam,
 ad vinum confugiat, quod vulgò dicitur λυ-
 σίφρονος οἶνος καὶ εὐφρονος, soluit enim mentem &
 exhilarat. Idcirco Virgil.

Adsit lætitiæ Bacchus dator,
 & Anacreon,

Ὅταν πίνω τ' οἶνον
 Εὐδᾷσιν αἱ μερίμναι.

Et alibi,

Σὺν τῷ ᾧ πίνειν ἤμελλο

Εὐδᾷσιν αἱ μερίμναι.

Tum etiam,

Ὅταν ᾧ βόταλος εἰσελθῇ

Εὐδᾷσιν αἱ μερίμναι.

Neque id tacuit Horatius inter ebrietatis pro-
 prietates, quarum prima quam tradit, talis est
 (singulas enim discutiemus, donec ad eam quæ
 volumus accesserimus,)

Quid non ebrietas designat? *operta recludit.*

Quare vetus est παροιμία apud Græcos ἐν τῷ οἶνῳ
 ἀλήθεια, & veteres Germani de rebus seriis, &
 ad

ad rempublicam spectantibus solebant deliberationes suscipere, vt sua liberius quisque sententia promeret, & omnium sententia magis patefierent. Horatius,

*Spes iubet esse ratas, in praelia trudit inermem,
Sollicitis animis onus eximit.*

Sic itaque author idem Plancum admonet,

*Albus ut obscuro detergit nubila cælo
Sapè Notus, neque parturit imbres
Perpetuos, sic tu sapiens finire me memento
Tristitiam, vitæq; labores
Molli Plance mero:*

Et alibi,

*Siccis omnia dura Deus proposuit
Neque mordaces aliter diffugiunt,
Sollicitudines.*

Et paulò post,

*Teucer Salamina patrémque,
Cum fugeret: tamen vda Lio
Tempora populea fertur vinxisse corona,
Sic tristes affatus amicos,
Quò nos cùmque feret melior fortuna parente
Ibimus, ô socij, comitésque.
Nil desperandum Teucro duce & auspice Teucro,
Certus enim promisit Apollo
Ambiguam tellure noua Salamina futuram
O fortes peioraq; passj
Mecum sapè viri, nunc vino pellite curas,
Cras ingens iterabimus aquor.*

Quamobrem cum ex superiori Epigrammate pateat vino prudentiam adaugeri, & acumen ingenij

ingenij, ac habeamus in præsentia vinum curas propellere, sit vt vinum (mediocriter sumptum intelligo) non dedeceat eos qui dant operam literis. Quocirca non est alienum id apponere quod refert Syluius Æneas. Nam rei festiuitas ad delectationem, & subtilitas ad acumen, & vtilitatem proderit. Leonardus Felssechic Saxonius, cum consobrinū suum aliquem viferet scholasticū in academia quadam Saxonica, rogarétque an bene tempus apposuisset, & an condiscipulos suos excederet doctrina, respondit quidam pro eo de condiscipulis, quoddam ita esset, propterea (respondit) quoddam ex mille & quingentis nullum sibi parem habet in potando. Appositè autem hoc loco diceretur cur vinum mentem exhilaret: cui rei causam suggerit sanguinis bonitas quam efficit vinum bonum, ex qua confurgit spirituum multitudo mentem exhilarantium.

Vino moderatè vtendum esse.

Debita dum Cereri soluuntur sacra benigna,
 Vt libet, hinc fruges mandere cuique licet.
 Cur tibi, Bacche pater, dum sunt sacra, Falernum
 Fundere corporibus creditur esse nefas?

In omnibus medium iucundissimum esse.

Constantes odi Stoicos nimiumque seneros,
 Qui referunt truncos, saxaque non homines.

Se

Se sapiens hominem præstat, sapientibus unum

Hoc placet, in toto pectore $\mu\epsilon\delta\epsilon\nu\ \alpha\gamma\alpha\nu$.

In omnibus rebus spectanda est mediocritas,
Quare hoc est, cur Terentius laudabat ne quid
nimis, Plutarchus $\mu\epsilon\delta\epsilon\nu\ \alpha\gamma\alpha\nu$. & Phocilides $\tau\omicron\delta\ \mu\epsilon\sigma\sigma\omicron\nu$, sed & id quoque cōmonstrat Martialis
duobus Epigrāmatibus, primò quidem hoc pa-
cto, in Pannicum,

Pectere te nolo, sed nec turbare capillos,

Splendida sit nolo, sordida nolo cutis.

Nec tibi mitrarum, nec sit tibi barba reorum,

Nolo mirum nimium, Pannice, nolo parum.

Et sic alibi ad Flaccum,

Qualem Flacce velim, quaris, nolimve puellam:

Nolo nimis facilem, difficilēque nimis.

Illud quod mediū est, atq; inter utrūque probamus,

Nec volo quod cruciat: nec volo quod satiat.

Quāmobrem certè reprehendendi sunt Stoici,
qui volunt plus sapere, quā humanitas ferre
possit, & se reddunt similes truncis & saxis, quę
nihil neque sentiunt, neque ad rem vllam per-
mouentur, sed meminerint humanitatis suę, &
considerent quod (vt Plato refert ex Homero)
quod non à pino, nō à petra, sed ab hominum
genere ortum ducunt, sic Homerus,

$\epsilon\delta\ \alpha\pi\omicron\ \delta\rho\upsilon\omicron\varsigma\ \epsilon\delta\ \alpha\pi\omicron\ \omega\epsilon\tau\epsilon\tau\tau\iota\varsigma,$

$\alpha\lambda\lambda'\ \epsilon\tau\epsilon\ \alpha\ \theta\rho\omega\pi\omega\nu\ \omega\epsilon\phi\upsilon\kappa\alpha\mu\upsilon.$

Alibi de hac re plura diximus, sed neque illud
prætereundum est. Athenas aduentante Pom-
peio, Athenienses scripserunt in interiore vrbis
porta Pompeium visum fuisse tanquam de cæ-
lo delapsum, & eo maximè diis immortalibus
similem

milem quòd se hominem esse meminisset. Hoc igitur habemus contra Stoicos: sed cum in omnibus medium seruandum est, tum in vino maximè, idcirco instituta sunt sacra Baccho quæ ὑποθήκη dicta sunt, quòd nefas putaretur ibi vinum propinare, vt quisque doctus euaderet tempore & loco à vino esse temperandum. Ac cum Horatius bibendum suadet, modum curat,

*At ne quis modici transiliat pocula liberi
Centauræa monet cum Lapithis rixa super mero
Debellata: mouet Sithonius non leuis cuius,
Cum fas atque nefas exiguæ sine libidinum
Discernant auidi. Non ego te Candide Bassæren
Innitum quatiàm: nec variis obsita frondibus
Sub dium rapiam, saua tene cum Berecinthio
Cornu tympana quæ subsequitur cæcus amor sui,
Et tollens vacuum plus nimio gloria verticem.
Arcaniquæ fidēs prodiga perlucidior vitro.*

Sed audiamus & Theognidem,

Ὅντος πινόμενος πόλυσ κακὸς, ἢν ᾧ τις αὐτὸν
Πίνει ἐπισήμενος ἔ κακὸς, ἀλλ' ἀγαθὸς.

Quos versus sic Latinos feci,

Vina iuuant, rectum si sit moderamen in illis:

Vina nocent, rectum si moderamen abest.

Plutarchus in de sanitate tuenda dicit nos ad Bacchum ea proferre debere quæ Euripides ad Venerem, nempe vt adsit nobis, sed moderatè, eius verba sunt, πρὸς ᾧ τὸ οἶνον ἀπερ' Εὐεπίδης πρὸς πλὴν ἀφροδίτῳ διαλεκτέον.

Εἴς μοι μέτρεον δέ πως εἴς μὴδ' ἀπολίποις.

In Genethliacos.

Perfca Genethliacis credebant tempora, produunt,
 Omen ab alitibus sapè solere capi.
 Sapè dabant signum casti præcordia tauri
 Qui fieret superis victima sacra diis.
 Tempore sunt isto qui se callere futura
 Commemorent, hæc sunt cuncta referta dolo.

Omen ab euentu est, ait Ouidius: veteres enim ex iis quæ illis occurrebant obuiam aliquid auspiciabantur, boni, si res pulchra obuia facta esset, mali quidpiam præfagiebāt si fœdum quid occurrisset. Quare Domitianus mortē suam (vt sequuta est) ominatus est ex Æthiope obuiam facto: neque ex iis tantum boni quidpiam aut mali coniciebant, sed ex omnibus quæ casu contingebant fortuito, & certè vices immittebant in omni ferè negotio, vt patet ex Virgilio & Homero multis in locis, & cui fors bona contigisset, clarus certè iudicabatur. Solebant inter cœnandum etiam in vina quæ propinabant, sortes mittere cum tesseriis, vnde Horatius,

Nec regna vini sortiere talis.

Itaque qui sortè rex creatus est, cui faba de cœlo tanquam delapsa cœlicolarum munus offertur, non potest quin aliquid boni quod futurum sit auspicetur, nō potest fieri, quin de eo multa ac præclara iudicia fiant ab iis qui adsunt, & qui sortibus cum eo decertarunt. Quod secundum est de Genethliacis, multa Gellius inter cæteros. Sed de futuris quid possimus capere, & sit ne curan

EPIGRAMMATVM.

131

curandum de castino, quidpiam dicamus. Im-
primis sese offert locus Horatianus,

Quid sit futurum cras fuge querere,

Et alibi ad Leuconoem.

Tu ne quaeseris (scire nefas) quem mihi, quem tibi

Finem di dederint Leuconoe, nec Babylonios

Tentaris numeros.

Posterior hic locus facit contra Genethliacos &
præstigiatores, prior non ita verus est, quo fit, vt
ex altera parte bene, ex altera malè dixerit Ana-
creon,

Τὸ σήμερον μέλει μοι,

Τὸ δὲ αὔριον τίς οἶδεν;

Martialis quidem Priscum meritò cauillatur,
ostendens futura non admodum sciri per natu-
ram posse,

Sapè rogare soles qualis sim, Prisce, futurus,

Si fiam locuples, simq; repentiè potens,

Quemquam posse putas mores narrare futuros?

Dic mihi si fias tu leo, qualis eri?

Sed nihil proinde, nā si nesciatur pro certo fu-
turum, non sequitur vt eniti non debeamus ad
prospiciendum quod futurū est, ea enim distin-
ctio sola intercedit inter hominem & belluam,
Officiorum primo. Sed inter hominem & bel-
luam hoc maximè interest, quod hæc tantum
quantum sensu mouetur, ad id solum quod
adest, quodque præsens est, sese accommodat,
paulum admodum sentiens præteritum aut fu-
turum. Homo autem quoniam est rationis par-
ticeps, consequentia cernit, causas rerum videt,

earumque progressus, & quasi antecessiones non ignorat, similitudines comparat, rebusque presentibus adiungit atque annectit futuras, facile totius vite cursum videt, ad eamque degendam preparat res necessarias. Preterea si futura prospicienda non sunt, cum de prateritis non fiat deliberatio, dixit perperam Homerus virum consularem non debere tota nocte dormire: nam si non dormit, id facit ut de aliqua re capiat consilium: consilium autem de futuris est, & ex Cicerone & ex Aristotele.

Οὐ γὰρ πονύχισιν εὐδεῖν βελτίστονον ἀνδρά.

Locum ex Horatio primò ante omnes allatum integrum si adferamus videbimus Pindarum de eadem re loquentem eodem modo, ei planè repugnare,

Permute diuis cetera: qui simul

Strauere ventos equore feruido

Depraliantes, nec cupressis

Nec veteres agitantur orni.

Quid sit futurum cras fuge querere, &

Quem sors dierum cunque dabit, lucro

Appone.

At Pindarus, Sapientes, inquit prospiciunt ventum, qui post triduum futurus est, & præferunt lucro. Nunquid aliter de re eadem?

Σόφροι ὃ μέλλοντα τριταεὶν ἀνέμῳ

ἔμαθιν, ἔδ' ἐπὶ κερδὲ βαλόν.

Neque si futura prospicienda sunt, lucrantur aliquid Genethliaci, qui quidquid agunt, cum superstitione agunt.

Cuique

Cuique testis conscientia.

O Buius ut crimen paller sibi confusus, atque
Mentitur mernens, conscius ipse sibi.

Tensis quid fidibus verum extorquere necesse est,

In proprio testem pictore quisque gerit.

Nullus tam sceleratus cui vita displiceat, nullus
est qui minima velit sibi commoda detrahi. Omnes
itaque qui habentur pro reis, pœnam effu-
giunt quantum in illis est. Idque dicebat Socra-
tes in Eutiphronē apud Platonem.

Παμπολλα
πάντα παῖσιν, καὶ λέγουσιν ἀδικεῖντες, φεύγοντες τὸ πῦρ
δίκην: at pœnas subterfugere nequeunt, si fa-
cta liquidò constet iniuria: nemo enim, (ait
Socrates, eodem loco) vnquam fuit qui aude-
ret eum ab omni supplicio liberum iudicare,
qui aut quempiam iniuste peremisset, aut aliud
quidpiam iniuste patrasset, τί ἡ ἀνθρώπων ἰδὴ
τινὸς ἡκέως ἀμφοτεροῦντος, ὡς ἀδικῶς ἀποκτείναντα,
ἢ ἄλλο ἀδικῶς ποιοῦντα ὀτιοῦν καὶ δεῖ δίδοναι δίκην.

Quamobrem factū negant, & inde nascitur de-
pullio rhetorica, quod si perpetrarint, non qua-
estio, non tormenta, non tortores tam excruciant,
quàm conscientia, quæ, teste Cicerone, noctes
diēsque fontes ac sibi conscios plectitur. Ideo
monet Horatius rectè,

Hic murus atheniens esto,

Nil conscire sibi, nulla palefcere culpa.

Lexa reperta est apud Athenienses cui expres-
sam orationem extorquere non fuit in tortorum

potestate positum, sed facere quisque ita debet
ut ne oratio quidem, sed ne factum iniustum
possit ex se exire, ad id autem ut impellatur qui-
libet consideret, beatum illum esse ex Horatio,

Qui peius letho flagitium timet.

Perueniat huc igitur quisque, & eā induat men-
tem ut firmus sit & constans in bene agendo, ut
est iustus apud Horatium, quem nihil à bono
potest abducere, quem nihil ad malum potest
perducere.

Iustum & tenacem propositi virum.

Non cinium ardor prava iubentium,

Non vultus instantis tyranni,

Mente quatit solida, neque auster,

Dux inquieti turbidus, Adria

Nec fulminantis magna Iouis manus,

Si fractus illabatur orbis,

Impavidum ferient ruina.

Et sic in epist.

Vir bonus & sapiens audebit dicere, Peuthen,

*Rector Thebarum, quid me perferre pati-
q,*

Indignum coges? Adimam bona, nempe pecus, rem,

Lectos, argentum. Tollas licet. In manicis &

Compedibus sauo te sub custode tenebo.

Ipse Deus simulatque volam me soluet opinor,

Hoc sentit, moriar, mors ultima linea rerum est.

Ad patrem Calendis Ianuariis.

Quid memorem Ianum? quid Iani tempora? vulgo
Materiam hanc cuius versificator habet.

Te memorem, cuius laudes Latonius insit,

Dum redit, & nobis, dum fugit, & utrimodis.

Ad

Ad Dominum du Puy Calendis Ianuariis.

Sol renouat cursus, renouanda est gratia donis,
Quod tibi conueniens manus auuncule dabo.

Carduus hand catulo ieiunia sedat, asello

Ossa nec indomui pabula ventris erunt.

Scilicet, hoc verum est ducit sua quemque voluptas,

Vnâque res variis displicet atque placet.

Telemachus non apta sibi sua liquit Attridi

Munera, conueniens hoc tibi munus habe.

In beneficio conferendo duo sunt consideranda. Primò quid possit ille qui confert. Secunda autem est vt ea offeramus quæ & placent & decent: diuersa enim studia sunt hominum, vt ex Ode prima 1. lib. Carmi: patet docétque illud peruulgatum,

-- ducit sua quemque voluptas,

& illud Petronij minus tritum & rarum magis,

Inquirat quid quisque velit, non omnibus vnum est,

Quod placet, hic spinas colligit, ille rosas.

Præterea decet aliud alias personas, quod qui non cōsiderat, perinde facit Seneca ac si darèt asino rodenda ossa, & cani carduos. Itaque recte Telemachus apud Horatium,

Atreides magis apta tibi tua dona relinquam,

Idem Horatius vtramque considerationem cōplexus est quarto Carm.

Donarem pateras gratæque commodis,

Cerisorine, meis ara sodalibus.

Donarem tripodas præmia fortium

Graiorum, neque tu pessima munerum

Ferres dimitte me : scilicet artium

Quas aut Parrasius protulit aut Scopas

Hic saxo, liquidis ille coloribus,

Solers nunc hominem ponere, nunc Deum.

Sed non hæc mihi vis : non tibi talium

Res est aut animus deliciarum egens.

Gaudes carminibus, carmina possumus

Donare, & pretium dicere muneri.

Aemulatio orta inter duos poetas.

E*St exorta duos inter contentio vates,
Tempore quis faceret carmina plura brevi.*

Parmensis numero superabant carmina Casti,

Plura quidem laudo, sed meliora magis.

Duo sunt contentionū genera apud Hesiodum: quarum alterum nox atra genuit & malis gaudet, alterum laudauerit prudens, quippe non finit otiosum quemquam: sed excitat ad laborem. Videmus vicinum ditescere contendentem, æmulationem quandam ingenerare in vicino figulum in figulo, fabrum in fabro, poëtam in poëta, cantorem in cantore. Audiui-
mus Pana correptū æmulatione in Apollinem, accepimus æmulatum Themistoclem Mylciadis trophæis. Sed in istis contentionibus videndum est non quis diutius, sed quis se melius gesserit: plura enim, ex istis poëtis, qui fecit carmina non est tantam laudem assequutus, quàm si pauciora melius fecisset, Et maiorem Zeuxis meruit gloriam qui velum vno colore dumtaxat, hoc est albo

albo pertinctum effinxit melius, quàm qui vitem suis (quæ variæ sunt) coloribus adumbra-
re fuerat conatus. Hesiodi versus de contentio-
ne longum esset omnes in hunc locum conge-
rere. Quare hic vltimus sufficiet, qui docet à
malis contentionibus abstinendum.

Μὴ δὲ σ' ἐρεῖς κατὰ χάριτος ἀπ' ἔργου θύμῳ ἐρύκει.

De pallere.

Evasit proprio nuper mihi passer amatus
Corde magis, scitius sape sedere manu.
Si scires quàm sis nobis passercule charus,
Heu nolles dominum deseruisse tuum.

Qui captant alienas cœnas, minus profectò vi-
dentur habere rationis quàm auiculæ quæ cicu-
res quantumvis fiant, si fortè patet exitus, malùt
euolare & αἰγῶν τὸ ῥοστόρ suo apprehédere (dis-
sidentes ab Anacreontis columba) quàm liber-
tate carentes, inclusæ suauibus pastionibus ve-
sci. Quo etiam docemur naturā immutare ne-
minem posse, quandoquidem enim natura est
auiù per campos vagari, & per aërem volitare,
hoc vnum malunt quàm includi, quo etiam re-
spexit prouerbium, Lupus pilum non animum
mutat: fieri potest tractabilis aliquo pacto, sed
ferocitatem suam exuere non pòtest omnem. fit
quoque vt nullus natura possit aut difficulter
admodum, mores patrios obliuioni mandare,
exteris licet nationes perlustret. Ideò maius in-
est in parasito peccatum: quoniam qui natura
liber est, edacitate sua se seruum facit.

Partem quæ peccauerit suis debere poenis affici.

Q *Vi dare Porfennam tentabat cuspide letho,
Apposuisse suam fertur in igne manum.
Sciitcet est plectenda suis pars Candide poenis
Quævis : Mutius hoc Scauola præstat opus.*

Eiusdem argumenti aliud.

D *E natibus quoties sumes quasi criminis ultor,
Poenas, hac, monitor, parte monendus eris.
Quæ meruere nates, flagris plectuntur acerbis,
Arguis has nullum sustinuisse nefas.*

Mutius Scauola, qui Porfennam, ut apud se statuerat, non sustulit, coram ipso rege manum amouisse dicitur ad ignem, non pedem aut alteram partem, quia, opinor, pars quæ crimen passa est, poenas luere commeruit : neque alienum est adferre quæ accepi à Syluio Ænea, Pio secundo Pontifice maximo posthabito. Mos est Anglis, ut ij qui reperti fuerint in adulterio deducantur in templum à sacerdote, & omnibus vestimentis spoliati palam ignominiam patiantur, adstante populo, licetque hanc infamiae notam subterfugere per pecuniam. Maluus quidam Florentinus multoties deprehensus, cum hanc vitasset contumeliam, maluit tandem sceleris labem expiare suo pudore, quam iterum summam tribuere : & iussus à sacerdote, ut pendenda saltem reconderet, respondit, partes eas quæ

quæ scelus sustinuissent, pœnas dare debere meritò. Est & apud Martialem Epigramma ad hunc locum accommodatissimum, sed obscænū, ideo tacendum certè est: quia sic docet Iuuenalis,

Nul dictu fœdum visuq; hac limina tangat,

Intra qua iuuenis.

Verùm faciam vt modestus ille iuuenis qui est apud Menandrum, qui adducta sibi meretrice à lenone oculos auertebat, & corrodebat bellaria, animùmque abducēs ab ea, totus videbatur intētus ad ea quæ mensæ apposita erant fercula,

Κύψας ἐς αὐτὸν τῶς τραγημάτων ἔφα.

Sic proposita re obscœna à Martiali me cōuertam ad bonum quod elici poterit tanquam ad bellaria, sic igitur Martialis docet de partibus sumendū esse suplicium quæ peccarunt,

Quis tibi persuasit nares abscindere mæcho?

Non hac peccatum est parte, marite tibi.

Stulte, quid egisti? nihil hîc tua perdidit uxor,

Cum sit salua sui mentula Deiphobi.

Quatuor conditiones quæ corrumpunt munera.

ES mihi multa quidem largitus munera, verū est,

Plurima largiris, nec tibi larga manus.

Munificumq; refers hominem, nec talis habendus,

Plurima largiris nec quoque largus homo.

Plurima largiris, sed cunctis ipse recenses,

Munera corrumpunt mens, mora, lingua, modus.

In

In captatores senum.

E *St dñes vñitq; senex Acherunticus? illum
Nollent qui simulant vinere velle diu.
Fug; senex senior, fruiurque diutius aura,
Spes captatores pascit manis eos.*

Quatuor sunt quæ donum corrumpunt maxime & reddunt illiberale, quorum mens mala primum obtinet locum, quando videlicet quis dat vt quadruplum accipiat, quod qui faciunt, similes sunt iis qui pisces demittunt in piscinã, vt inde pascantur aliquando. & hæc collatio est ex Horatio,

--sunt qui

*Frustis & pomis viduas venentur auaras,
Excipiantq; senes quos in viuaria mutant.*

Hæc habet Horatius. De senum captatoribus in omnibus penè dialogis mortuorum Lucianus, quos huc adferre longius est, quàm ratio postulet. Iocosum in eos Epigrâma qui senibus inseruiunt, ad Gaurum habet Martialis,

*Munera qui tibi dat locupleti Gauri senique,
Si sapi & sentis, hic tibi ait, morere.*

Itaque vt dixi,

Nollent qui simulant vinere velle diu.

Mirum est quod tradit Lucianus de sene quodam qui nullos haberet liberos, eius tamen repositos ducentos heredes. Munera porrò quæ offeruntur ad accipiendum aliquid residui, Martialis confert cum hamo sexcentis in locis. Imprimisque sic ad Gargilianum.

Munera

Munera quòd senibus viduisque ingentia mittis,

Vis te munificum, Gargiliane, vocem.

Sordidius nihil est, nihil est te spurcius uno,

Qui potes insidias dona vocare tuas.

Sic audis fallax indulget piscibus hamus,

Callida sic stultas decipit esca feras,

Deinde alibi,

Odi dolosus munerum & malas artes,

Imitantur hamos dona : namque quis nescit,

Auidum vorata decipi scarum musca?

& ad Marianum libro sexto,

Munera magna quidem misit, sed misit in hamo,

Et piscatorem piscis amare potest.

*Alios locos quos innumeros reperi, breuitatis
studio non citabo. Mora præterea donum cor-
rumpit, vnde Aufonius,*

Si bene quid facias, facias citò, nam citò factum,

Gratum est, ingratum gratia tarda facit.

& aliter idem poëta rem eandem perstringit,

Gratia que tarda est, ingrata est gratia namque,

Qua fieri properat gratia grata magis.

*Sic quoque Lucianus primo lib. Florilegij Epi-
grammatum Græcorum,*

Ὁκείαι χεῖρες γλυκερώτεραι, ἢν ὃ βραδύν :

Πᾶσι χεῖρες, κενὴν, μέδ' εὐλόγοις χεῖρας.

Martialis quoque,

Diligo præstantem, non odi Galla negantem,

Quod petij præsta, vel citò Galla nega.

*Lingua quoque integrum non patitur esse mu-
nus, aut cum beneficia nostra commemoramus
iis in quos contulimus, & munus nostrum exor-
namus*

namus verbis, & ideo sic Sofias Simoni apud Terent. in Andria,

*Sed mihi hoc molestum est: nam ista commemoratio
Est quasi exprobratio immemoris beneficij.
aut quando iactationis causa narramus aliis, vn-
de Martialis ad Posth.*

Qua mihi prastiteris teneo semperq; tenebo,

Cur igitur taceo? Posthume, tu loqueris.

Incipio quoties alicui tua dona referre,

Protinus exclamat, dixerat ille mihi,

Non bellè quadam faciunt duo, sufficit unus,

Huic operi, si vis ut loquar, ipse tace.

Crede mihi, quamvis ingentia Posthume dones,

Authoris pereunt garrulitate sui.

Atque hæc est quarta munerum corruptela, nec parum refert modus quo offeruntur, placent enim magis quæ negantur honestè cum venustate & gratia, quàm quæ dantur tristi facie: videntur enim expressa hæc beneficia non libera, per ea autem quæ sunt huiusmodi discurrere breuitas non postulat. Modum autem dandi beneficij facimus ex vultu promanare, quia ex vultus serenitate, aut perturbatione deprehenditur propensio voluntatis eius qui dat, hoc liberè ne an contrà det, & ideo Martialis dixit,

Si negat hoc vultu quo solet ergo dare.

Quasi diceret, si negat hoc modo quo solet ergo dare.

Con

Contrarios effectus ab eadem causa
promanare, & è contra.

Q Vi fit vt effectus contraria gignat eosdem,
Causa: parit fœtus fœmina dissimiles.
Testantur Leda geniti, mortalis habetur,
Pollux, at Castor creditur esse deus.
Distat ab humana quantum natura Deorum,
Tantum distabant, nî copulasset amor.

Σαπὲ contingit vt causæ contrariæ gignant eos-
dem effectus: fit enim febris ex calore, & extre-
marum partium frigus febrem similiter excitat:
sed diuersa ratione, nam frigore accedente ad
pedes fit motus localis, calorque depellitur,
abitque in medias corporis partes, vbi pro-
pter calorem excitatur febris. Amor fœdus &
impudicus opponitur castitati, eundem tamen
effectum procreant, ille mortem Phædriæ, hæc
mortem attulit Hippolyto. Hoc continet Epi-
gramma Græcum incerti authoris,

Σωφροσύνη καὶ ἔρως κατ'ἐναντίον ἀλλήλοισιν
Ἐλθόντες, ψύχας ὤλεσαν ἀμφοτέρω.
Φαίδρω μὲν κτείνεν πυρόεις πόθος Ἰαπολύτῳ.
Ἰαπολύτῳ δ' ἀγνὴ πέφνε βωφροσύνη.

Fit quoque sãpè, vt causa eadem gignat effectus
contrarios, vt gemini testantur, sicuti Castor &
Pollux, Amphion Zethus, & reliqui. Anhelitus
aperto

aperto prodiens ore manus sapè calefacit, idē
 si per compressa exeat labia valet, ad refrigerationem,
 vt alicubi est apud *Æsopum*, & experientia quotidiana docet. Tertio de natura
 Deorum, Phereo Iasoni profuit hostis, qui gladio
 vomica eius aperuit, quam medici sanare non poterant. Ecce, gladius qui
 tot hominibus mortem attulerat, huic sanitatem
 restituit.





B O M B Y C V M

M E T A M O R P H O S I S,

Cui adiuncta est sympathia, quæ est
sapienti cum bombyce.

B O M B Y C V M uarias dicenti Phœ
be, figuras,
Adfer opem, uosq; ô montis cla-
rissima sacri
Numina, Pierides, pura uos mente
sacerdos
Ipse colo, date posse loqui, date
carmine fari,

Bombyces omni uacuos à murmure, mole
Corporis exigua. fructus, animalia, magnos
Parua licet, fertis, uos, uos, uariasq; sonabo,
In quas mutari uoluit natura figuras.

Protinus hoc animal sensim sese extulit ouo,
Intuitur lucem catulis hoc distat in uno,
Promouet & gressus, simul ac dispersa supremi,
Lumina clara poli uidit lustrantia terras.
Dum graditur (quamquam pedibus natura beauit
Hoc animal) serpit pedibusq; carere uidetur:
Nec tamen hac ratione repit, quæ serpit, angues,
Spicula nulla, uelut uirides soluere colubræ,
Vibrat ab insecto quas sic deprompserit ore,

Tractatur manibus : stimulo neque pungit acuto,
 Moris ut est apibus : rostro neque garrit adunco,
 Mos auium uelut est, Animal iucundius omni,
 Eximios præbet fructus, fastidia nunquam,
 Ut faciunt pecudes, armenta; iurgia, curas,
 Quæ pariunt dominis, ac bella domestica, sepe,
 Perdere dum metuit pastor fit præda Leoni.
 Huic lactuca cibos animali casta ministrat,
 Vel capit ex foliis sapientis pabula mori:
 Quæ congesta suum postquam tetigere palatum,
 In corpus mutata nouum substantia fiunt:
 Corpus & occultis, solita plus mole, diebus
 Crescit, post aliquot, semoto tegmine, luces,
 Corporis antiquo, confestim pelle recenti
 Induitur, quæ post rursus fastidit, & illam
 Exuit, ac alio uelamine sistit adepto,
 Donec eo spoliatur adhuc, nactumq;, subintret
 Inde recens, sub eo, doctam, dum texit, Arachnem,
 Exuperat, nec si contendere forte Minerva
 Docta uelit, uictrix euadat, uicit Arachnem
 Quamuis, & laqueo uitam finire cogit.
 Tam rectè didicit natura nere magistra.
 Non texit filum quod texit Aranea uile:
 Vestibus aptum ostrum texit regalibus aptum,
 In sua nec uolucres impingunt rhetia muscæ,
 Irrerita suo non sicut aranea filo
 Pendet, at inuoluit sese testudinis instar
 Textura, niueo quæ conspicienda colore,
 Interdum flauo est, quam si sustuleris, omni
 Tegmine non nudum est, sed quo facit ostrea pacto
 Vestiri conchis Deus, ut castanea uepris

Cingitur, ut muris, qua uincat frigora, ueste
 Induitur bombyx, flauo quod texuit oestro
 Proueniente, mala qua se defendat ab aura,
 Est etenim postquam partim se uertit in ostrum,
 Debilior, ueluti mulier ui lesa minore,
 Conspicitur, tumidam postquam desuerit aluum,
 Edideritq; suum, gaudens cum coniuge foetum.
 Vertitur assumptis in piscem uiribus, atque
 Viuit adhuc, manditq;, & sentit, anhelitus artus
 Perflat adhuc, forma neque semper sistit in illa.
 Aggerat in cumulum sese torpore sepultus,
 Membra fabæ subeunt formam, quasi lenta ueternus,
 Corriperet, somnumq; necis dormire uidetur.
 Non capit ore cibum, quando neque forma superstat,
 Oris, & est ueluti non sit spiramine clauso,
 Quæ tamen implicuit sensim sua membra, resoluit,
 Explicat, extenditq; mouetq;, grauëmque soporem,
 Deserit, ac oculis paulatim cernit apertis,
 Ora patent, spirant uitalia pneumata, uerùm
 Qui modo piscis erat, modo qui faba sensibus expers
 Fit modo Papilio lateri crescentibus alis.
 Hoc animal quisquis mentis lustrabit ocellis,
 Is naturalis laudabit opificis artem
 Arte carentis. Eum quam uasta potentia cuius,
 Condidit & terras, & salsum condidit æquor,
 Aëre qui cinxit terras, ac aera cælo,
 Ethereasq; domos construxit & ignibus illas,
 Impleri uoluit, mentis conceptibus, inquam,
 Cognoscet, nam quos mater natura beauit
 Ingenio rudiores, dedit cognoscere causas,
 Per sua facta, dedit quæ uisibus illa negauit,

Humanis, nosci sensus quibus occupat istos
 Externos, facilis transfert ad pectora sensus.
 Sēque suis docilem præbet redditq; capaces.
 Exuit ut pelles bombyx ubi texuit ostrum,
 Piscis ut est factus, faba sensibus ut fuit experts,
 Mutauitq; suam cum papilione figuram,
 Proximus ut mortui est miscet cum semine semen,
 Sexus uterque simul coniungitur, utpote prolem
 Procreet, atque sui speciem conseruet in orbe:
 Hac etenim uoluit natura cupidine ferri
 Omnia quæ latus habitant animalia terras,
 Hoc opus ut peragunt, mas una & fœmina uertunt
 Tergora tergoribus (mirum) è regione locatis,
 Oppositisque, uelut rem spernant, attamen illud
 Exercent opus: at naturæ lege coacti.
 Fœmina disposito tum semine parturit oua,
 Ex quibus exoritur simili sub corpore fœtus.

Hoc animal tibi sit ueri sapientis imago,
 Qui cernit ueri lucem, neque lassus ab illo
 Conspicitur quisquam, cunctulat quin munere cunctos.
 Quem pascit lactuca, Venus quia læditur ipsa,
 Vel morus matura modum quia continet omnem,
 Nec se præcipitat, sed gressus temperat, arbor
 Quæ uiget ut reliquæ pereunt & gratia cedit,
 Qui reicit pelles antiquas, atque recentem
 Induitur, dum se propriis affectibus orbem
 Reddit, & obtegatur uirtutis tegmine, qui se
 Textura inuoluit propria, non texere tantum
 Contentus, quod si texturam demere quisquam
 Contendat, nulla nudatum parte relinquet,
 Scilicet ora sonant uirtutem, uerba repellas,

Obtegitur, rectè factis queis Pergama cedunt,
 Candidus est, quòd si flauum quid texit, ad album
 Vergit, & est propior, cum calliditate, benignam
 Commiscet mentem uacuatam fraude doloque.
 Nec pedibus texit, per quos mea Musula sordes
 Denotat ingenij. Piscis fit, & ora resoluens
 Inuocuum cingit uallis, ac manibus ambit
 Linguam. Piscis enim sonitus emittère nullo
 Auditur: faba fit, dum ponit in aggere sese
 Infima cuncta terens, haurit sublimia toto
 Pectore. Mens nulla sceleris pertinèta nefanda
 Labe, carens uitio pectus, doctrinaq; præbent
 Alas queis uacuum tutus secat aëra, tutus
 Queis super excelsos cælorum permanet axes.
 Qui modo serpebat, super alti sydera cæli
 Quis fit ut ascendat pedibus priuatus & alis?
 Serpit humi sapiens, neque serpit, serpit ipsi
 Qui uix extremis terram contingere plantis
 Audetis, stulti, uanaq; cupidine ducti
 Serpit, ad Venerem quos ducit sola uoluptas.
 Sacra Dionæ dum fert sua tergora uertit,
 Ostentatque dea spernens sua sacra, facitque,
 Quod sit opus cuius mortali sortè creato.

Hæc super in uarias uerso bombyce figuras
 Hastenus, in portu nos anchora iacta moretur,
 In te, Musa, refer uoces, Pimpleæ, benignam
 Fessis tam longo defer sermone quietem.

A'Y T A R X E S.

E C L O G A.

AYTARCHES, ÆPOLVS, EMPIRVS.



Me fœlicem nulloq; angore subactum,
 Tristitiam longè fugio, tenet impia mœror
 Pectora, nequitia signū est in mēte reposte.
 Cōtingūt quoties pecori discrimina, nostro,
 Nec dolor idcirco nostros miser occupat artus.
 Obfuit Heliadum luctus, Phaetonte perempto,
 Omni si lachrymas effundam tempore, nullos
 Hinc referam fructus, uenient nec perdita nobis,
 Propterea semper ridendum est pectore toto,
 Quidquid erit superanda omnis fortuna ferendo est.
 Sunt qui magna petunt magnos patiēdo labores,
 Esse pares uellent Phœbo, si fortè liceret.
 At contentus ego pastoris munere, uitam
 Ducere iucundam soleo, calamoq; sub umbra,
 Ludo, bibo, comedo, non deficit ipse lycus,
 Sic ego sum fœlix, nec uita iocosior illa.
 ÆPOL. Faxis amice sciam quo uiuas ordine, faxis.
 En ego sum pastor, sed me tamen anxia cura
 Exagitat, uarios cordi cumulatq; dolores.
 AYT. Aepole non miror, pastores spernis, & arma
 Sectari cupiens, curam contemnis agrorum.
 Præclarum belli fulmen, fortissimè miles.
 Aepole quàm magnas referunt tibi prælia laudes?
 Quot tua mille uiros, certando, dextra peremit?
 ÆPOL. Omnia ridendo, solito de more, susurras.

AYT.

AYT. Aepole uera refers, quanam mihi causa doloris
 Effet? quis uetuit ridendo dicere uerum?

Te quis ad arma mouet? cur spernis Pana colentes?

Æ P. Ipsa mouet belli præstantia, me quoque fructus,
 Allicit ad bellum, me commouet ardor honoris.

AYT. Nulla suis unquam promittit præmia Mauors,

Æ P. Num cernis Mopsum ad magnos euectus honores
 Ut sit? pastor erat, sed nunc est Martis alumnus.

AYT. Num cernis Tytirim ad summa infortunia lapsum?

Æ P. Desine stulte loqui, nescis quid prælia profint.

Quam fuit egregium multos superare lacertos,
 Romanis ducibus, quam præstat castra potentum
 Obsessisse, sibi dum parta trophæa canuntur.

Suspice Martigenam uectum super astra Quirinum,
 Præbuerit dextram, quod decertando uirilem.

O præclara, potens, dignissima Martia proles.

Rura colit pastor, strueta modulatur auena,

Miles uirtutem campis ostendit apertis,

AYT. Nequicquam tot uerba refers, & multa loquendo,

Nequicquam sermone diem consumere tentas,

Nescio quos laudas, multis ambagibus utens,

Ast ego pastores laudabo, Martis honores

Immeritos, modulis tentabo spernere nostris.

Si uero belli primum queratur origo,

Tunc cœpit bellum, cum ferrea secula, cūmq;

Astræ caruit diuino numine Tellus,

Tunc cœpit bellum cum Tellus fraude referta

Effet, & incœpit uitiis dominantibus orbi,

Si quid habet miles certo pastoribus aufert,

Martem quisquis amat, Venerem colit ille, benignum

Quisquis Pana colit, castam colit ille Dianam

Pastores penes est omnis uirtutis Asylum.

*ÆP. Tunc cum bella uigent, pastoris cuncta recedunt
Prospera, nec solum quondam conseruat ouile.*

*AYT. Accidit hoc paucis, nam cum sua tela prehendunt
Pastores, alij fugiunt uelocius aura.*

*Pascitur ex furtis miles, sic omnia furtim
Surripit in bello, nihil hic nisi furta uideres.*

*Arctaq; cum stricta iunguntur fœdera pacis,
Desunt militibus quæ possint dentibus ossa
Rodere more canum, superest tamen æquoris unda.*

*Dilaniare greges soliti, quoque sæpe furari,
Hoc faciunt, tandem summa ad tormenta coactos
Pœnitet esse fures, & pœnitet arma sequuto s.*

ÆP. Scilicet ut campi, terra est fecundior huius.

*Aptior & pecori, quàm sit tibi proxima, sicq;
Si sint in bello scelerati, sunt meliores.*

*Conditione tuam qua uis traducere uitam?
Optimus hanc sequitur, complectitur impius illam.
Vnica uer placidum aduentu non signat hirundo.*

AYT. Pastorne, an miles? Martemne an Pana uereris?

*ÆP. Non ego sum miles, quamuis si fortè liceret,
Arma sequi uellem, multò liberior aruis.*

*AYT. Hinc molire gradum. Nunquid mea pascua miles
Occupat? an tentas pecudes auferre tenellas?*

Hinc scelerate procul, quin te mea dextra repellat.

*ÆP. Quàm furibundus ades? quæ te dementia cœpit?
Heu, heu, Aytarches charo non fidis amico?*

AYT. Dic mihi quisquis ades, quo sis cognomine dictus.

ÆP. Nomine me toties, & iam, iam, stulte, uocasti.

*Tantane te demens cœpere obliuia nostri?
Labrâne tinxisti Lethes sitibundus in undis?*

Non

AYT. Non es quem rebar, thoraca indutus ouilem
Es lupus, huc ad nos uenisti nomine ficto.

Pan, Pan summe Deus pecoris reminiscere nostri.

ÆP. Heu, heu, Aytarches, charo non fidis amico?

AYT. Si tibi uis fidam, da certa indicia ueri.

ÆP. Aepolus ipse fui, sumq; idem sumq; futurus.

AYT. Ipse es profecto, sed cum tam multa loquentem

De bello audiui, ter mente quaterque uoluitans,

Militis est signum, dixi, meque ipse fefelli.

ÆP. Sume animum, non miles ego, sum pastor amœnus.

AYT. Iamq; animu sumpsi, nec iam timor occupat artus.

Aepole tu quoniam mihi tanti es causa doloris,

Amplè de propria liceat ientare crumena.

ÆP. Tu uale, chare mihi, reuocant me namque penates.

AYT. Alter eris certè, si uiuis, cautus Vlysses

Nemo uocat, nec uox istas peruenit ad aures,

ÆP. Mox, mox, perueniet, sed et alta silentia præbe.

AYT. Res præclara quidem socios hoc fallere pacto,

Aepole nemo uocat, gratam sedeamus ad umbram,

Impensis liceat ientacula sumere uestris.

ÆP. Id placet, innocuam leti sedeamus ad umbram.

Accipe caseoli partem, tibi letus, amice,

Præbibo, sunt nuces, panis, de uite racemi,

AYT. Aepole crassus adest crasso de uerre petaso,

Cautus in extrema, memorans ientacula, pera

Condideram, charam precor Aepole, præbe lagenam.

ÆP. Accipe quod queris, redolet sat uina palatus.

AYT. Num satius ducis teneris accumbere mensis,

Quàm bellando graues Martis sufferre labores?

Aepole quàm dulce est libando pocula Bacchi,

Panis amore frui, Cereris quoque fructibus uti.

Me miserum prodest, prodest in rebus agendis
 Perpendisse diu, nunquid tentare nocebit.
 Me miserum! quò fata trahunt? fortuna sagaces
 Adiuuat, illa leues, stultos, timidosq; repellit.
 Quinetiam prudens fortunam temperat, eius
 Tela cauens, binas Iani capit ille figuras,
 Anteriora uidet, rebus uigilatq; futuris.
 Quæ si fecissem, non tot me aduersa tenerent.
 Pœnitet heu sero, me pœnitet arma sequutum,
 Pœnitet, at nimium sera est sapientia Phrygum.
 O nimium fœlix pastoris munere fungens,
 Infœlix nimium qui est aspera bella sequutus,
 Quod petij sperno, repeto quod nuper omisi.
 AYT. Aepole quis nostras iamdudum personat aures?
 EMP. Saluete ô socij, dum uos mea lumina cernunt,
 Tunc agere in cœlis uideor, uideorq; renasci.
 AYT. Empire, tu salue, nostris infixæ medullis.
 ÆP. Dic mihi si lubeat sortem, nomenq; recense,
 AYT. Aepole, non nosti cuius mihi uerba tenebas,
 Nuper ducendo per deuia rura capellas?
 Empirus est, prima cognoui fronte salutans.
 ÆP. Empirus est? Salue, uita mihi charior ipsa,
 Dic, ubi degisti nobis inuise tot annis?
 EMP. Nescio quo fato sum pessima bella sequutus.
 AYT. Empire demiror, cur prospera liqueris arua.
 ÆP. Miraris frustra, Gladius num præstat aratro?
 AYT. Empire, quandoquidem uult militis artibus uti,
 Edoce successum belli, tibi credet amicè,
 Sed quia me cædes nunquam inuere cruenta,
 Dicere cum soleo, tunc me putat ille iocari,

EMP. Aepole, si noſſes, quot caſus arma ſequuntur.
 Arma ſequi nolles, nec belli ferre labores,
 Cum tuba, bellandi ſignum dat rauca cruentum,
 Tela parata capit miles, furibundus in armis,
 Conſidensq; animis, proprios erumpit in hoſtes.
 Ictus nunc patitur, reliquis nunc uulnera figit,
 Semper ſollicita manet in discrimine uitæ.
 Omnia deſperat ſubiens certamina miles,
 Vndique clamor adeſt, reſonatque tot ictibus æther:
 Nunc catapulta ſonat, nunc irruit impetus hoſtis
 Haud abeunt unquam quin ſint ſatiata cruore
 Pectora, poſt, quando ſonuit tuba rauca reſeſſum,
 Centum ex corporibus tantum duodena ſuperſunt.
 AYT. Aepole uera reſert, credas, namque omnia nouit.
 EMP. Omnia qui nouit nollet nunc omnia noſſe.
 AYT. Et tamen arma ſequens paſtores linquis amœnos.
 Aepole, reſponde, quid dicat reſpice ſenſim.
 AEP. Bello quidquid ineſt, fœlix hoc omne putaram.
 AYT. Empire ſi lubeat quæ reſtant ordine nobis,
 Exponas, animis præſentes ſtabimus ambo.
 EMP. Me miſerum! memorans quæ ſum infortunia paſſus,
 Non poſſum lacrymas oculis moderare cadentes,
 Sæpe iacere ſolo, nec non & grandine ueſci
 Cogimur, atque pati mittentes flamina uentos
 Impleri niuiibus, dæmque urget pluuiæ, teſtis
 Sæpe carere, meos nunquam releuando labores.
 Frigore nuncque premi me, nuncque uigente calore,
 Guttas ex facie labi, nunc grandine tangi.
 Belli ſi cunctos tentem numerare dolores,
 Non poſſem, licet ora decem natura dediſſet.
 AEP. Rides, & uerbis forſan me fallere tentas.

E M P.

EMP. Rideo? non certè, cogor tibi dicere uerum.

Non est quod possim ridendo talia fari.

AYT. Aepole non credis? sis miles, pastor amœnus,
Semper ero, tu bella geras patiando labores.

Me iuuat innocuo pastoris munere fungi.

ÆP. Quid? si multa feram, multos adipiscar honores.

Forsan & hæc saluum quondam meminisse iuuabit.

EMP. Vitam fortassis primo certamine perdes,

At si non perdas, præterquàm uulnera sumes.

Pauper eris semper, nec te bellasse iuuabit.

AYT. Empire uera canis, sed quid tot uerba uolenti,

Profunt arma sequi? noscet cum bella sequetur.

Illum quid prodest multis obtundere uerbis?

ÆP. Consiliis utar uestris, nunc omnia nosco,

Arma sequi nolo, delectant Pana colentes.

Quas referam uobis pro tanto munere grates?

Hinc simul ad cœnam properemus. Æ. quàm bene narras:

Inq; domum iam uesper oues deducere suadet.

Ergo ualete fagi, colles, uiridantia prata,

Crastina dum lucem rediens aurora reducat.

In fontem Gentiliacum Ode dicolos.

SI me quando sacer corripuit furor,
 Nunc me corripiat uelim:
 Vnquam si dederit frigus amabile
 Labris Pegaseus liquor,
 Magnis nunc opus est haustibus ebibam
 Dulces fontis aquas sacri,
 Musæ cumque suo nectare splendidum
 Infundant Charitum decus.
 Vt Gentiliacum dicere fontium
 Possim quàm celeberrimum.
 Quamuis excipias ungula Pegasi
 Quem fecit: sequitur tamen.
 Dianæ, reliquis fontibus anteit
 Gratus, Musæ, refer situm.
 Fons hic Parisio profluit in solo
 Sancti uastæque Iacobi,
 Inter, nate, iacet, pascua proluens
 Marcelli; suburbia.
 Omni parte locus collibus obstitus,
 Colli subiacet ipse fons.
 Nec semper madidum reddidit hoc solum
 Leni murmure profluens.
 Quondam Nympha fuit uirginis asperæ
 Eius seruitio sacra.
 Hac saltus peragrans Cynthia milite
 Letho Phoebe dabat feras.
 Portabant pharetram tergora pendulam,
 Arcum dextera flexilem.

Arde

Ardebat capripes carpere uirginem,
 Nec uultu uirgineum decus,
 Virgo perdere, si fata uelint mori,
 Hanc tollit fuga protinus.
 Vestis contumuit flamine candida,
 Et pulsi uolitant sinus.
 Instigatque timor cursibus innubam,
 Faunum dira proteruitas.
 Anceps hæc properat, nec sibi lubricam
 Imponit satyrus manum.
 Infirmi simul ac deficiunt pedes,
 Fundens ad rigidam preces.
 Latona genitam, cum gemitu graui,
 Tales ore dedit sonos,
 Præsta te memorem quanta fides mihi,
 Nolens uim patior, caue.
 (Si te quid famula uerba mouent tuæ)
 Perdam uirgineum decus.
 Palmam, Phebe, caue uirgineam mihi
 Faunus subripiat salax.
 Orco me potius labier, aut iube,
 Formam linquere femine.
 Humor tum gelidus creuit aquæ, simul,
 Tales ore dedit sonos.
 Tendunt in liquidos brachia riuulos,
 Faunus sistit & uritur.
 Quæ possit cogitans cernere uirginem,
 Nec sentit metamorphosin.
 Lustrat sæpe locum Cynthia, quo sue
 Perpexit famula fidem.
 Naiades saluunt orbis in ambitum,

Ducunt uocibus & choros.
 Fit quo conficereis, faune salax, calor.
 Grato frigore lenior.
 Armentisque sua sæua caniculæ
 Vitatur rabies aqua.
 Ergo te memorem fons celeberrime,
 Fons pulcherrime fontium.

Ad munificentis. Patrem pro
 acceptis Xenii, Ode.

Q Vando larga manus munera splendidi
 Auri contulerat, splendidus & color
 Ex bursa tenebras expulerat mea,
 Cantarat subito Dea
 Non ingrata tuæ munificentiae,
 Cantus ediderat quæ Polyhymnia
 Fertur Pieria nata memoria:
 Anceps sed tacuit statim,
 Et conuersa suis dixit, amens ego?
 Vrbi quid celebri ferre Cecropiæ
 Prodesset stupidam, dicite, noctuam?
 Id nullus faciat uelim.
 Ergo cum haud meritò carmina debeam
 Nostro ferre patri, nil potero: tamen
 Optabo uiridi tempora quem colo,
 Lauro cincta gerat pater.

Ad

Ad clarissimum virum Io. Antonium Bayfium.

Iam fuit in uotis dudum tua testā subire,
Nec datur optanti posse subire mihi.
Attamen acceſſi ter mente quaterque uolūtans
Quod penes est doctos gratia cuncta uiros.

Ad eundem.

Ex quo percelebris fauit tua Musa parenti,
Contigit optanti limen adire tuum:
Nec semel est adiisse satis, uehementius opto,
Siccā sola nequit gutta domare sitim.
Esca qui modicum capit ut releuetur orexis,
Esurit interea pallidus ora fame.
Nec minuit mea uota, semel tua testā subisse,
Nec semel est cupido te subiisse satis.
Coniugis amplexus ex quo Tithonia linquit,
Dum caput Oceano mergit Apollo suum.
Conor adire, tamen careo successibus, ecquid?
Non capit ulla meos tarda podagra pedes.
Posse redire datur, simul est ad limina uentum,
Vltro si cupimus, sistimus ante fores.
Intrō uota petunt, pugnat sententia mecum,
Contenditque malus cum ratione pudor:
At memini tandem quæ quondam uerba dedisti,
Nec siui rapidas, ut sequerentur aquas.
Non habet hæc Zephyrus, propria sunt condita mente:
Delcri nequeunt, tam bene sculpta manent.

Sumpsi

Sumpsi animos, nec adhuc mens certa sede moratur.

Sum tamen & uisus tutior ipse mihi.

Et quamuis uarios frontiꝑ; genisque colores

Formido inducit, non pudor ullus inest.

Mentitur ficta siquidem sub imagine ueri,

Quisquis ait, non est absque pudore metus.

Ingredior, licet usque timens, sensimꝑ; meorum

Arcta resoluantur tardaꝑ; uincla pedum.

Sum simul ingressus, gressus celerare uolenti,

Attonito sensi mi riguisse comam.

Occurrit uirgo, persiicta fronte, minaci

Inderdum uultu, sed moderare sciens.

Vultibus erectis, gressu grauitate superbo,

Et uestimentis, foemina uirque suis.

Sustinet ac hasta eius dextera pondus acuta,

Ac tegit illius Martia crista caput.

Constitit, & superimposita uestigia dextra,

Vultibus illaesis imprimit illa meis.

Quae foret haud scieram, uerum quae uultibus haesit

Indicium multis littera ducta dedit.

Hinc metus, & posthac fronti color unicus insit

Dixit, & est illo cedere uisa loco.

Altius ascendi nullo prohibente pudore,

Altius ascendi non prohibente metu.

Tum quoque uox audita canens mihi talia, uultu

Ne nimis audaci conspiciare, caue.

Nescio plus ne satis conscendens altius ausim,

Parce, precor, si te laesero, culpa latet.

Nec licet ipse uelim queo non audere, inbente

Numine, nulla mea est culpa sed illa dea est.

Ad clarissimum virum Scauolam
Sammartanum.

R Eddidit innumeris te clarum dextera scriptis,
Cur potius nomen non dedit illa tibi?
Nil quoniam praestas neque quid meditare sinistri,
Scauola tu non es, crede, sed Asteropeus.

ΕΙΣ ΤΟΝ ΑΥΤΟΝ.

Δ Εξιος εἶ παλαμὸς τε καὶ ὁ καλῶμενος ὀρθῶς.
Ὅρθα λέγειν ἐχέτω μὴ ποτὲ αἰσχροῦ καλῶς.

Ad Doctiss. Henricum Monantholium
Doctör. Medicum & Mathema-
ticarum professorem
Regium.

Q Uod dicunt numeris ab unitate
Ferri principium, fortiter improbo,
Nec fallit ratio probe negantem.
In te tot numeri coincidentes
Vnum te faciunt: tamen manebit
Firmum dogma tue mathescos, si
Vnum te numero ualore plures,
Componens cytharam Thalia dicat.

Ad

Ad Patrem vt nouis uestimentis
poëtam indui curet.

Sceptrigeri regis lateri qui semper adheret,
Regalisq; aule limen adire solet,
Murice pertinctis, auroque, ostrôque superbis,
Vestibus induitur, purpureâque toga.

Ast aulam Phœbi sacram sequor ipse comati,
Et proprio cytharæ pollice chorda tremet.

Non decet idcirco trita sic ire lacerta,

Qui soleo sacri collis adire iugum.

Qui colit & Charites & quem Latona creauit,

Magnificis debet uestibus ille tegi.

Non peto purpureas, modicis fac uestibus utar,

Cantabit grates noster Apollo tibi.

Musas ab omnibus fere aspernari.

Spernitur à cunctis doctarum turba sororum,
Personat ac cytharam solus Apollo suam.

Ingenuas nullus scètatur Palladis artes,

Queritur hoc tantum Ditis habere bona.

Musas coli debere.

Appetit Erisithon Cererem coluisse benignam,
Dum uidet esuriens ora carere cibis.

Sic si contingat uobis spreuisse Camœnas,

Harum multoties esurietis ope.

ÆNIGMA.

DEbilis apricos habitat matercula campos,
 Umbrosâque potens natus in urbe latet.
 Illa tremens tanquam senio, multumque caduca,
 Pro fulcro baculum, dum timet alius, habet.
 Nuda manet canis quoties hi: suta capillis
 Sævit hiems, tegitur dum canis ardor adest.
 Crescit, at occulto natus deperditur ævo,
 Rura patent matri, carcer habet sobolem.
 Tanta uis est genito fortes ut Marte laceßat,
 Arte uix ortum fortia uincla tenent.
 At fugit interdum per sese membra solutus,
 Grandior, est dulcis, post tamen ille furit.

EXPOSITIO.

DEtege quam cernis tabulam, uelamine moto,
 Comperies uitem, comperièsque merum.

ALIUD ÆNIGMA.

ILle quis est morti qui, non moriturus, adherens
 Naturæ cuidam subiaceret ille tamen?
 Nec Deus est nec homo, uerum usque creatur & usque
 Interit, examina singula, somnus erit.

De librum hunc legentibus.

Non addictus ad hunc librum legendum,
 Quisquam est: composui mihi ac amicis
 Tantum, si quis eum legit libenter,
 Lator, cui fuerit molestus, ille
 Me reddet quoties leget, molestum.

DIALO



DIALOGVS
EX GALLICO
ERVEDITISS. PVELLÆ

CATHARINAE DES ROCHES,
in Latinum sermonem
conuersus.

PAVPERTAS, FAMES.

VPPITER exarsit quandoque cupi-
dine nympha,
Cuius ob accensas nuper cū cōiuge tædas,
Cōuiuas habuit superos: peruenit ad aures
Fama meas, celerē meq; ad cōiunia gressus
Sponte tulit, diuinū nulli tamen ante uocatam.
Postremis superesse, Fames, sedilia mensis
Sperabam tibi.

FAMES.

Cur me non comitante profecta es?

PAVPERTAS.

Ne tibi deficeret mensa, locus, undique plena
Adductæ frustra.

FAMES.

Qua te ratione benigni
Excepere dij?

PAVPERTAS.

Non faustè, turba decorum,

Me simul inspexit, subito concussa mouetur
 Sedibus, & gemmas pretiosasq; cuncta recondit.
 Iuppiter abscondit sceptrum, Venus aurea zonam,
 Pulcher Apollo lyram, textiq; talaria natus
 Maia, nec liquit pharetratus tela Cupido.
 Illis namque parum paupertas fida uidetur.

F A M E S.

Te ne timet puer ille tuus? nescitq; Cupido
 Paupertate satum se?

P A V P E R T A S.

Novit, callidus audet.
 Dissimulare tamen, meq; extra limina primus
 Expulit, iratoq; trahens de pectore uoces,
 Addidit. Hinc aliò migrabit chara uoluptas,
 Longior hic si te mora detinet, hinc procul, illi
 Nulla etenim tecum est concordia.

F A M E S.

Fortè repellit,
 Tali matre satum, ne reliqua turba deorum
 Audiat.

P A V P E R T A S.

At nec iis mea pandere nota ferebant.

F A M E S.

Non erat in te una strictè cohibere labellum,
 Vt genitum nusquam, gaudens tibi prole, uocares.
 Quòd si cœpiissent reliqui, miser ille iacebat
 Spretus ab his propria quos sub ditione tenebat.
 Auro nam desunt splendentia munera puro
 (Pyramis ut magnum quæ textit Amasida) nato
 Quæ donare tuo posses.

Mibi

PAUPERTAS.

Mihi talia defunt.
 At ualeo ratione, uetat quæ fanda tacere,
 Atque tacenda loqui.

FAMES.

Tritum tamen illud habetur,
 Quòd rationis inops mulier sermone redundat.

PAUPERTAS.

Vir rudis hæc memorat, claras non ausus adire,
 Inquiriç; rudes similes sibi: uerba, rogatis
 Insulsis sapidisç; parum spondere coactæ
 Dant insulsa magis, quàm si communiter esset
 Fabula uana suis narrata sodalibus, ille
 Iudicium cunctis pariter communicat idem,
 Et pariter cunctas nimium putat esse loquaces.
 Letho mille uiros uerba importuna dedere,
 Rara suæ uitio mulier decepta loquacis
 Linguae, damna tulit. Statua caruisset adepta
 Attica ni mentem nossset celare Leana.

FAMES.

Hanc omni uirtute tulit cumulator atas,
 Prisca nouis confers, nulla hac ætate Leane
 Dotibus est æquanda.

PAUPERTAS.

Velit moderator olympi,
 Nulla luat pœnas queis lingua subacta Leenam
 Affecit, uerùm hæc mihi mens est, posse tacere,
 Quæ possunt bona uerba loqui. Produxit, opinor,
 Claras ingenio, necnon uirtutibus, ætas
 Plures nostra, patrum quàm secula prisca tulere.

F A M E S.

At quæ sint, si fortè placet, numerumq; recense.

P A V P E R T A S.

*Quis numerare queat? cognoscere contigit unam
Cunctorum Veneres quæ continet unica cunctas,
Pandora, cunctas, cumulator, unica laudes
Cunctorum meruit.*

F A M E S.

Nomen mihi pande.

P A V P E R T A S.

*Profanos
Arceo ne noscant, causaq; filetur honoris.
Sufficiat tibi, nosse quòd hæc sermone benigno
Doctrina ingenio, nec non uirtute uidetur
Mirum naturæ monstrum.*

F A M E S.

*Tibi uerba frequenter
An dare consuevit?*

P A V P E R T A S.

*Quandoque in limine, quòd si
Ingredior, mora nulla mihi, ne fortè molesta,
Impedimenta feram: quin disturbare recuso,
Quamuis posse datur: sed qua ratione Cupido
Ledere non potuit Musas, animumq; remisit,
Pluribus intentas rebus dum uidit: honestis
Improba tot nauans studiis, sic ista nocendi
Eripuit mentem: nam magna ex parte uidetur
Conformis ueteri (qui me meus hospes amicè
Cœpit) Aristidi, sed me tamen odit, eandem
Pauper Aristides quanto me fouit amicè:
Nec tamen idcirco meritos indignor honores
Ferre.*

Aditus

F A M E S.

*Aditus pateat tibi si tam strictus ad illam,
Excipiet me uix.*

P A V P E R T A S.

*Eius quò ad tecta feraris,
Non ego consulerem tibi, namque domare famemque,
Affectusque alios nouit.*

F A M E S.

*Mihi displicet eius
Occursus, mensæ formidine Epimenidææ.*

P A V P E R T A S.

*Fortunam sonat ore frequens, uirtutibus absque
Esse leuem nimium, fortuna absente, parumper
Virtutem conferre putat, ueneratur & ambas,
Vt semper nos illa queat uitare misellas.*

F A M E S.

*Ergo ualere iube, placeat qua sumere in æde
Prandia, perquiras.*

P A V P E R T A S.

*Prohibent procedere plantæ
Fessæ: quò tendam?*

F A M E S.

*Pori properemus ad ædes,
Viribus integris ego sum, memor ille fauebit
Communis uestre sobolis.*

P A V P E R T A S.

*Nescire professus
Disimulat uidisse.*

F A M E S.

*Tenax te semper habere,
Non potuit mens, conuenias, memorabitur usum*

Quo tecum gaudens de consuetudine iunctus
 Ille fuit, n̄i fortè eius uapor humidus, ud o
 Concretusq; mero, mentem turbabat, & omni
 Iudicio priuabat eum.

P A V P E R T A S.

Tunc ebrius ille
 Non erat, epoto siquidem quis nectare nusquam
 Ebrius est, fumosa uelut qui uina propinat,
 Qui detraxerunt de Pyrrhi laudibus olim
 In uinum culpam patrati criminis omnem
 Coniecere: cupit uino sic Porus haberi
 Insons, luxuria uino tegit atque pudorem
 Qua mihi perductus fuit.

F A M E S.

Ergo cognita fies,
 Quando nulla eius turbabant uina cerebrum.

P A V P E R T A S.

Vera refers, fiam, uerum me suste repellet
 Notam quantumuis, ignoras esse superbos
 Nummorum qui Ditis habent opulentis acervos?

F A M E S.

Ergo quo tendis?

P A V P E R T A S.

Dè more sedere iuuabit
 Ostia seruantem cuiusdam in limine tecti.

F A M E S.

Dì perdant qui te comitabitur.

P A V P E R T A S.

Ah licet opto
 Degere te procul hinc (nam me facis esse miscellam)
 Vel nolens uenies.

FAMES.

Tu cunctis odia nostri
Inferis, at lautas sine te tot carpere cœnas
Possem!

PAUPERTAS.

Num miseranda tenes te peius avaros,
Qui captant Plutonis opes tractare suetos?

FAMES.

Quò ferar infœlix?

PAUPERTAS.

Aulas pete, dira, potentum.

FAMES.

Accelerant nimium, prius omnia fercula mensa
Priuarent famuli, quam illuc accedere possem.

PAUPERTAS.

Ergo in quæstorum domicilia uade.

FAMES.

Nec illi
Arrident, quamuis interdum prandia sumant
Lauta, tamen ludo, nimio plus, sæpè uacantes,
Defraudant genium.

PAUPERTAS.

Si mauis alta ducere,
Pulpita conscendas.

FAMES.

Auritos esse ducere
Fas est, ieiunus uerùm caret auribus omnis
Venter, sic ratione caret quod consulis.

PAUPERTAS.

Ergo
Num fuerit melius si consiliarius ades
Concedat proprias?

Illinc

F A M E S.

*Illinc migrare repente
 Consuleret, namque incumbit pro munere.*

P A V P E R T A S.

*Vade,
 Causidicosq; petas, causas orare docebunt.*

F A M E S.

*Nil coram dicent, etenim dum uenter inanis
 Murmurat, haud possunt ostendere iura clientum,
 Nec quidquam calamus uacuis modulabitur usquam.*

P A V P E R T A S.

Mercator uisendus erit.

F A M E S.

*Mora longa cauebo
 Sit mihi, namque breuis maceratus temporis esset
 Per spatium, neque sic tractat negotia*

P A V P E R T A S.

*Quorsum
 Hæc tibi sunt curæ?*

F A M E S.

*Subito scelerata uenires
 Importans nocumenta mihi, rapiensq; fauorem.*

P A V P E R T A S.

*Me ne tibi infensam credis? non credo, nec optas
 Posse nocere mihi, sed tu bona surripis, hisce
 Priuatus patitur dentes persepe labore
 Destitui.*

P A V P E R T A S.

*Fundum mendicula pauper adito
 Pandora.*

F A M E S.

Pete tartareas, pete, perdita, noctes.

Nil

Nil tecum nisi damna soles deferre, sed ipsa
 Interdum sanis, interdum poscor ab aëris,
 Nec sine me possunt Siculæ prodesse, nec usquam
 Delectare dapes, me quanta molestia torquet,
 Te cunctis osam quod sim comitata!

PAUPERTAS.

Modestè

Subiiciam (quia se tenues submittere debent)

Exosam nulli nisi me sequerere, fuisse.

Verum nos quoniam fatalia uincula iungunt,

Quidquid eris nocitura feram patienter: at unum

Te rogo, me fugias, omni ratione cauebo

Ne te comperiam, namque est sat temporis, unà

Vt simus. At memora nobis quas tendis in oras.

FAMES.

Hinc ad Pictonios cupio migrare colonos,

Hæc habitata mihi regio, cultiq; penates

Sunt ex quo Mauors illis nos appulit oris

Enecat ut reliquos, istos & inedia pascit.

PAUPERTAS.

Sæpe quidem dictis habitare solemus in oris,

Sumq; aditura breui.

FAMES.

Mora sit tibi, donec eorum

Annonam absument me concomitante, cibisq;

Priuos linquat uesana cupido bibendi,

Annus enim posuit paucas in uitibus uuas.

PAUPERTAS.

Vade, Deus tibi monstret iter, citò subsequar ipsa.

FAMES.

Res bene succedent sine te, properare cauto.

Actio

Actio gratiarum ad Deum optimum maximum de beneficiis omnibus, & præsertim pro recuperata sanitate patri meo.

Gratia magna tibi debetur, homunculus ipse
 Grates ex imo pectore parius ago.
 Feceris inculto non indurescere saxo,
 Quod me, nec truncum sensibus usque carens.
 Nec quoque quadrupedem: cui præbent omnia sensus,
 Qui modo quod pedibus subiacet intuitur.
 Sed mihi discursus recta ratione beatos
 Donasti, & summos scandere mente polos.
 Et grates habeo, quod gens non barbara nostrum
 Ortum possideat numina falsa colens.
 Quod placuit tali genitum fecisse parente,
 Qui pollet uera religione, Deus.
 Qui me curauit literas ediscere, qui me
 Edocuit legis dogmata sacra tuæ.
 Et grates habeo mihi quod seruaueris illum,
 Hunc mihi quod mortis non rapuere manus.
 Me lethalis hyems rapiat, Deus optime, posco,
 Ocyus orbatum quam uelit esse patre:
 Scilicet extincto, priuarer luce, parente,
 Si non: mors nobis reliqua uita foret.
 Hunc mihi conserua, rerum, pater optime, custos
 Quo sine nil tutum: quo sine dulce nihil.

Ad

Ad Claudiam Turnoniam,
de eius nuptiis.

Infantes pueri fiunt crescentibus annis,
Et pueros ardor post iuuenilis habet.
Infantem fecit te Parca parentibus orbam,
Queis dedimus tumuli pectora nostra uice.
Gratia rectori debetur maxima summo,
Debetur patri gratia magna tuo.
At qui te mediante Deo seruauit ab omni
Noxa, plus meruit quam pater ille tuus.
Infans quæ fueras facta es formosa puella,
Et nunc sis mulier splendida, nupta uiro.
Opto Deus faciat uos pulchra prole parentes,
Et faciat prolem moribus esse probis.
Opto tibi thalamos obscœna labe carentes,
Prosper hymen tibi sit, faxit, amabo, Deus.

T V M V

T V M V L I.

In obitum nobilis puellæ Mariæ Turnonix consobrinæ meæ.



Audia quot noster nostris genitoribus ortus
Intulit, hæc mecum cuncta sepulta iacent;
Et quos dixisses, dū nascerer ipsa, renasci,
Dum morior, nec eos spiritus intus alit.

Nobilis viri Claudij Turnonij,
auunculi mei.

Cvr hunc, chare nepos, lapidem tot fletibus ungis?
Quidue bibenda sacræ munera fundis humo?
Quorsum sacratæ resonant tot luctibus ædes?
Euacua mentem fletibus ipse tuam.
Nam mihi quæ sincera fuit sine crimine uita,
Tecta super summos condidit alta polos.

Nobilis matronæ matris meæ
Agathæ à Guttis.

Siste gradum reuocans, ac mecum cerne, uiator,
Quantas uirtutes obtegit hic tumulus.
Nobilis hic matrona iacet (de semine cuius,
Exagitor causa funeris, ortus ego)
Vnâ uirtutem mors hanc demisit in urnam,
Illius at famæ non fuit urna capax.

Antonix

Antonia à Guttis, Manes matris meae
loquuntur.

Hic quoque tu, germana, iaces, cineresq; paterni:
Et nobis, tumulus sat fuit iste tribus.

Viximus unanimes, sic respiramine clauso,
Vno donauit tres Atropos tumulo.

Genouefa Chalancon auia meae, ex matre.

Cvr humeris toga nigra meis aptatur sob alma,
Si nescis, auia, fuitera moesta tuae.

Quid memoras? lethalis, hyems tibi sustulit illam,
Sustulit? ô nigra lux mihi digna nota.

Vt niger iste dies uitae quo lumen ademptum
Est tibi, sic & eris marmore tecta nigro.

Adolescentis ingenui Iohannis Tur-
nonij consobrini mei.

Parca quod ad stygium iuuenem te stamine nondum
Rupto, immatura morte coegit iter,

Lugeo, spes de te foelix pascibat amicos,

Ocyus & te mors praecipitata necat.

Publica sperabas, tibi iamq; domestica cura,

Mors non est primos passa uidere thoros.

Quorsum uita malos longum producit in aeuum?

Extremamq; bonis fert cita Parca diem?

Petri B. Doctoris Medici.

Hic suadela iaces, hic lingua sepulta Periclis.

Magnus Aristoteles hic iacet atque Plato.

Quis neget hoc, omnes primum si nouerit hosce,

Tecum iterum natos Petre fuisse uiros?

Martini Crusilij, qui obiit ex prunorum
immaturorum esu.

Maturus toto fuerat qui tempore uitæ,
Immatura neci pruna dedere uirum.
Maturum bello se immaturumq; laceffunt,
Hoc uult maturi perdere quicquid inest.
Maturam quando mentem superare nequiuit,
Corpus maturum mors inimica necat.

Nobilis Omnifanctæ Terrassæ
auix meæ ex patre.

Hvic quicumque faber faciendam suscipis urnam,
Vel facias nullam, uel sit ut ampla, uide.
Sint ubiuis etenim, manes comitabor auitos,
Vel proprio inclusi pectore semper erunt.

Nobilis mulieris Annæ de Gla-
uenas amitæ meæ.

Diogenes capta fertur petiisse laterna,
Clara luce probum, nec reperisse, uirum.
Si bona queratur mulier, labor omnis inanis,
Mortua cum sit, in hoc Anna sepulta solo.

Bonæ indolis & spei adolescentis
Philippi Chaussæi.

Deseruit proprios uirtutis amore penates
Exemplum, pubes cætera Galla, tibi.
In medio currit stadio, spēs ludit amicos,
Quorsum uirtuti parcere Parca nequis?
Accuso Parcas, Parcas pietate carentes,
Crudeles Parcas, quas mora nulla iuiat.

Dorothea

Dorotheæ Verderiæ sororis meæ.

Cursibus æquarat bis iam Latonius orbem,
 Ex quo lux patuit conspicienda tibi.
 Cum te summa dies priuauit lumine uita,
 Cum te fata mihi subripuere, soror.
 Subripuere? Libens mortalia cuncta reliqui,
 Corpore mortali sum spoliata libens.
 Viuere mortales inter, uirtutibus absque.
 Mors potius dulcis, quam mihi uita foret.
 Virtutes nostro sunt in genitore locatæ
 Omnes, sicq; mihi nulla superstes erat.
 Nulla per ætatem dum labes inscit, ergo
 Est satius nullo crimine tacta mori.

Iohannis de la Mure sobrini mei.

Te labor in studiis captus Phlegetontis ad undas
 Misit, & Elisas fecit adire uias.
 Luna ter obscuros conscenderat improba currus,
 Clauserat haud somno lumina pressa graui.
 Abripuit tandem labantes somnus ocellos,
 Præbuit ac studiis impedimenta tuis.
 Hoc simul ut sentis, corpus mortale relinquis,
 Men tis sponte fugans impedimenta tue.

Hieronymi Verderij fratris mei.

Editus in lucem mihi uix fraterculus iste
 Emoritur, nec cum uiuere posse iuuat.
 Scilicet è terris conscendit sydera uirtus,
 Virtutem sequitur sydera summa petens.

Patrem Lugduno donec Lutetia reddat,
 Expectat uiuens, sit mora grata suis.
 Et sustentat adhuc uirtus genitoris alumnus
 Post tamen Astræam querit ad astra uolans.

Benedicti de Fonte Aruerni, dantis operam
 Philosophiæ Parisiis.

Hic situs est fontis, latos qui proluit agros,
 E mediâq; suas Phocidæ duxit aquas.
 Dulcior huius erat quondam potione deorum
 Lympha: sed est lachrymis reddita salsa meis.

F. Iacobi Nemi Lugdunensis ordinis
 Fratrum Prædicatorum.

Spiritus ardebat feruens uirtutis amore,
 Fluxit per uenas feruida flamma tuas.
 Accessit febris, flammæ superadditus ignis,
 Est tibi sic duplici uita sublata rogo.

M. T. Caussarum Patroni in supremo
 Parisi. Senatu.

Istius quondam iudex pendebat ab ore,
 Causam pro merito iure clientis habens.
 Nunc incorrupti pendet Minois ab ore,
 Expectat uitæ iudiciûq; suæ.
 Qui uirtutis acer fuerat defensor, ab illa
 Accipit alternas auxiliante uices.

FINIS TVMVLORVM.

AD

AD PATREM PA- riliis discedentem.

A Ternis gaudere bonis qui uescitur aura
 Non puto, quin semper sint mala mixta bonis.
 Peonis arte ualens, dulci comiscet amarum,
 Ebibat ut morbus quem tenet assiduus.
 Sic fortuna homines illudit, mollia sepe
 Commiscens duris, prospera sepe malis.
 Quem modo spectabat uultu fortuna sereno,
 Extemplo alternis angitur ille malis.
 Est suetus sclopum tumidis emittere buccis,
 Est modo qui cuncto paupere pauperior,
 Et modo permagnum tollebat splene cachinnum,
 Cui reddit madidas lacryma multa genas.
 Hic dapibus gaudet Siculis, qui lumina sursum
 Attollens metuit ne cadat esse miser.
 Et nunc usura uite gaudebat amoena,
 Quem modo lanifica percutiere deæ.
 Crinitisque subest ille angue sororibus atro,
 Qui modo marmoreo federat in solio.
 Et modo legebat flores Proserpina, mittit
 Hanc loca, perpetuæ noctis, in ima chaos.
 Si tulit ulmorum coniux fecunda racemos
 Cultori, quot fert sydera clara polus.
 Hic si permulta letatur messe recepta,
 Bos perit, cultor quem dolet ipse domi.
 Si fortuna iubet uentis gaudere secundis
 Hora per spatium, nauta sopore cadit.
 Protinus exoritur tempestas, fluctibus altis

Obruta, tum faxis, tota carinna perit.
 Et longo uehitur tractu mox alta per aëres,
 Et mox hæc præceps in freta salsa cadit,
 Denique prætereunt in puncto gaudia, mæstus
 Cunctaque subsequitur gaudia fluxa dolor.
 Nam mihi Lugdunum te festinare molestum est,
 Gratum ut Parisios adpropersasse fuit.
 Restat ut ore tuis iungamus basia palmis
 Inuitusque uale dem, Pater, ecce, uale.
 Hoc tamen adiiciam, si quis tibi præparat Ate,
 Vt faulrix soboles sit Iouis opto tibi.



HÆC sunt, charissime Pater, quæ tibi decre-
ueram offerre tanquam specimen studiorū
meorum, ut perspectū haberes me nō semper otiosè
vixisse. Multa equidem alia potuissem hīc appo-
nere, sed quēadmodum frugum primitiæ quæ se-
lent ante tempus ex arboribus decerpi maturæ nō
sunt ut plurimum, sic non possum non fateri, con-
ceptus mentis meæ cum produxerim annū agens
dumtaxat decimumquintum, quin hæc docti ho-
mines flocci faciant, tanquam rudia, & parū con-
cinna, qua de causa maximā partem tenebris in-
uolutam reliqui, ne quid exiret ineptius, quod si
exiit atas, veniam deprecatur.

Errata sic corrigito.

Pagina 7. versu 10. ad S. Genes. lege ad Sange-
lasium. 2.6. almar, almas. 5.9. gallicæ, gal-
licæ. 13.16. Lycurgum solitum, Lycurgus so-
litus. 19.7. & 28. lenititudo, lentitudo. 24.
14. constituit, constituit. pag. eadem. vers.
25. fortite, fortiti. 29.17. λέλογε. λέλογχε.

Sept -

